

# **Kimchang Taka Chanchin Ṭha Hril Inzirtîrna**

**(The Complete Discipleship Evangelism)**

**ṬHEN 1-na**

**(LEVEL 1)**

**By**

**Andrew Wommack**

**and**

**Don Krow**

The Complete Discipleship Evangelism  
48-Lesson Course  
Level 1 (16 Lessons)

Copyright ©2012, Andrew Wommack  
Andrew Wommack Ministries  
PO Box 3333, Colorado Springs, CO 80934-333  
[www.awmi.net](http://www.awmi.net)

Title in Mizo: Kimchang Taka Chanchin Ṭha Hril Inzirtirna  
©2021 Andrew Wommack Ministries India  
[www.awmindia.net](http://www.awmindia.net)  
[info@awmindia.net](mailto:info@awmindia.net)

Item Code: MZ 417-1/3

Published and sold in India by Charis Initiatives Pvt. Ltd.  
[www.charisinitiatives.com](http://www.charisinitiatives.com)

Permission is granted to duplicate or reproduce for discipleship purposes  
on the condition that it is distributed free of charge.

# **Kimchang Taka Chanchin Tha Hril Inzirtârna**

**(The Complete Discipleship Evangelism)**

**THEN 1-na  
(LEVEL 1)**

## **A CHHÛNGA THU AWMTE (Table of Contents)**

1. Chatuana Nunna	5
2. Khawngaihna Avânga Chhandamna	13
3. Khawngaihna Avânga Felna	22
4. Pathian Nêna Inlaichînna	28
5. Pathian Mizia	37
6. Simna (Inlamlêtna)	46
7. Inpumpêkna	56
8. Tui Baptisma	64
9. Kristaa Awmte Nihna Thar - Part 1	71
10. Kristaa Awmte Nihna Thar - Part 2	79
11. Ringtuin Thil A Tihsual Hian Eng Nge Lo Thleng?	86
12. Pathian Thu Dik Famkimna	93
13. Pathian Tih A Ni Lo	101
14. Thlarauva Khat Nun Thiltihtheihna	109
15. Thlarau Thianghlim Dawn Theih Dân	117
16. Tawng Hriat Lohva Tawng Tangkainate	125

## ZIRLAI 1-NA

# CHATUANA NUNNA

*By Andrew Wommack*

Baibul-a châng lâ berte zînga mi chu Johana 3:16 hi a ni. Mi zawng zawngin he châng hi an naupan lai aţanga an hriat tawh hnu niin alang. Mahse, he châng hi hriat fuh loh riau lai leh hman dik loh riauna a awmin ka hria. Johana 3:16 thu chuan, *“Pathianin khawvêl a hmangaih êm êm a; chutichuan, a Fapa mal neih chhun a pe a, amah chu tu pawh a ring apiang an boral lohva, chatuana nunna an neih zâwk nân”* a ti a.

He Baibul châng kan inzirtîr thin dân chu, Isua kha he khawvêlah lo kalin, kan boral lohna tûrin kan sual tlan nân a rawn thi tih hi. Hei hi dik viau mahse, he Baibul châng hian he khawvêla Isua rawn kal chhan ber leh kan tân a rawn thih chhan ber chu chatuana nunna kan neih theih nân a ni tih hi. Kan sualnate hi keini leh he chatuana nunna kê min daidangtu alo ni tlat si

Kan sualte avângin Isua kha a rawn thi tih hi a dik rêng a, Isua kan rin tlat chuan tihboralin kan awm dâwn lo tih pawh hi a dik a ni. Mahse he Chanchin T̄ha phênah hian thu delhkih tam tak ala awm. Chanchin T̄ha thuchah ken laimu ber chu, Pathianin chatuana nunna min pêk a duhna hi a ni. Chu thu chu i han sawi zau dâwn teh ang.

Lal Isua khenbeh a nih dâwn hma zân khân, heti hian a tawngţai a, *“Hei hi chatuana nunna a ni, nang Pathian tak chauh leh i tirh Isua Krista hriat hi”* (Johana 17:3) tiin.

He thuin min hrih chu, chatuana nunna chu Pa Pathian tak chauh hriat leh a tih Isua Krista hriat hi a ni. Chu chu chatuana nunna kan tih chu a lo ni. Mi tam tak chuan chatuana nunna chu kumkhuaa nun rengna nêh thumunah an ngai. Ni e, mi zawng zawng hi kumkhuaa an nung ngei dâwn rêng a ni. Mi a lo thih hian, ral hlen ta daiha ngaihna hi, ngaih dâh dik lo mai a ni. Thlarau leh nunna chu a petu Lalpa hnênah a kîr leh a. Taksa erawh chu thlânah a tawih ral thung thîn. He leia lo piang tawh phawtte chu, thlarauvin an nung chhuzawm zêl dâwn zâwk a lo ni a. Chuvângin chatuana nunna chu kumkhuaa nun rengna a ni kan tih pawh hi a dik luantling lo – mi zawng zawng kumkhuaa an nung dâwn. Khi lai chângin chiang taka a târlan chu, Pathian nêna chatuana nun dunna hi mi tin hnênah pâwngpaw pêk tawp a ni lo tih hi a ni.

Mi thênkhatin, “Chatuana nunna chu kumkhuaa hremhmuna tlâk “emaw” kumkhuaa vânrâma chên zâwk a ni” tiin an sawi maithei bawk. Mahse, chatuana nunna awmzia chu Johana 17:3-a Isua sawi zâwk kha - Pathian leh Isua Krista hriat hi. Mihringin finna a neih kaltlanga a hriat fiahna aia thûk zâwk a ni. He tawngkam “hriat” kan tiha hi chu, Baibul pumpuiah hian, chhûngril lamah mi tu emaw nêh inpumkhatna, mimala inlaichinna thûk ber kan neih theih thu sawi fiah nân hman a ni zâwk thîn.

Chhandamna lo awm chhan ber hi chatuana vânrâma chên reng ringawt lam a ni lo, chu chu ropui dâwn hle mah se. Chhandamna lo awm chhan ber zâwk chu Lalpa Pathian nêna lèn dun - mimal taka Amah nêna inpâwlâna tsa tak neih a ni zâwk. Mi tam takte chu Pathian hnênah lungchhe taka tsa pin, an sualte vângin ngaihdam an dîl thîn, mahse Pathian nêna inpâwlâna tsa tak neih tumna rêng an nei ngai si lo.

Chhandamna lo awm chhan ber kan sawi fiah loh hian, Chanchin Tsa awmzia anih tûr angin kan sawi fiah lo tihna a ni ang. Chhandamna thu chu thlarau lam thil chauh, chatuana, nakin hun lo la awm tûra kan la nihlawhpui tûr ang chauhva kan târlan hian, mite a tanpui lo. Tûn apangin he leiah hian hringnun hremhmuna chêng mêk mi tam

tak an awm a ni si a. Mi tam tak te chu rilru lam buaina an nei a, a ðhen rethei taka khawsa mêkin, a ðhen innghirngghona, a ðhen hnawla awmin rilru natna nêh hun an hmang mêka, nupa inðhen tam tak an awm mêk bawk. Mi tam tak chuan, ni khat atân chauhvã dam khaw chhuah tumin an bei ðauh ðauh a. Sum leh pai phurrit neiin, mualpho lo vêl chiah chiahin an khawsa a ni. Chuvângin, chhandamna thu chuan nakin hun lo la awm tûr thil chauh a buaipui anga kan sawi hian, mi tam takte chu vawiiin atân chauhvã dam khaw chhuah tuma bei an nih avângin, an tân nakin huna mi tûr thil chu an beng arawngah an thun theih loh phah ðhîn a ni.

Thutak chu hei hi a ni; Lal Isua kha kan kumkhaw awmna tûr ringawt ngaihtuaha, hremhmuna hremna leh anchhia kan pumpelh a, vânrã nuama kan chên reng theihna tûra rawn inpe a ni ringawt lova, tûnlai khawvêl sual tak laka min chhanchhuah theih nân a lo kal tel bawk (Galatia 1:4). Isua kha tûna Pa Pathian nêna inpâwlna ðha tak leh inlaichînna thûk tak i neih theihna tûra lokal a ni zâwk e.

Isua lo kal chhan chu mimal taka Amah nêna inlaichînna thûk tak nuna hruai kîr leh tûr chein a ni. Isua hian a hmangaih tak zet che a, inhriat chian a duh a ni. Isua chuan hmun dang aþanga i neih theih aia ðha zâwk nun awmze nei pêk che a duh a ni si a.

Johana bung 10:10 chuan, “*Rûk hmang (Setana sawina) chu ru tûr leh tihlum tûr leh tichhe tûr lo chuan a lo kal lo; kei zawng nun an neih nân, tam taka an neih nân lo kal ka ni*” a ti a. Pathian chuan chatuana nunna pêk che a duh a. Pathian chuan Ama nun ang, nun hnianghnâr tak neih tûr che a duh a ni, chu chu tûna i mamawh, i duh ngawih ngawih niin ka hre bawk. Krista kha i sual ngaihdam nân chauhvã thi a ni lova, Amah i hnaih theihna tûrin a ni zâwk. Lalpa hi i lo la hre ngai lo a nih pawhin, hei vâng tak hian amah i hriat hi a pawimawh rêng a ni. I lo piangthar tawh a nih pawhin, i pianpui sual ngaihdamna i chan piah lamah, Pa Pathian nêna chatuana nun inzawmna nei tûra i pêh a ngai ta a ni.

## CHATUAN NUNNA DIKTAK CHU

- A. Chanchin Ṭha lo awm chhan chu chatuana nunna a ni (Johana 3:16)
- B. Chatuana nunna chu Pathian hriat hi a ni (Johana 17:3)
- C. Pathian hriatna famkim chu Amah nêna inpumkhatna a ni (1 Korinth 6:16-17)
- D. Chatuana nunna chu tânah kan tân a awm (1 Johana 5:12)
- E. Pathian chuan nangmah nêna inlaichînna thûk tak neih a duh a ni (Thupuan 3:20)

## ZAWHNA LEH BAIBUL CHÂNG HMAN TÛRTE

1. Johana 3:16 chhiar rawh. Pathianin he khawvêlah Isua kha eng ti tûrin nge a rawn tîrh?

**Johana 3:16** – *Pathianin khawvêl a hmangaih êm êm a; chutichuan, a Fapa mal neih chhun a pe a, amah chu tu pawh a ring apiang an boral lohva, chatuana nunna an neih zâwk nân.*

2. Baibula “hria” tih thumal a hmanna chu tu emaw nêna inpawh taka in pâwla lên dunna hi a ni. Chu thumal chu Genesis 4:1-ah “pâwl” tiin a in ziak. Johana 17:3 chhiar tel rawh. Eng nge chatuana nunna he chângin a sawi awmzia hi?

**Genesis 4:1** – *Tin, Adama chuan a nupui Evi chu a pâwl [hria] a, tichuan a raia, Kaina a hringa, “Lalpa tanpuiin mipa ka lo nei ta” a ti a.*

**Johana 17:3** – *Hei hi chatuana nunna a ni, nang Pathian tak chauh leh i tîrh Isua Krista hriat hi.*

3. 1 Johana 5:11-12 chhiar rawh – Hêng chângte kan en hian, engtik aţangin nge chatuana nunna hi a lo inţan?

**1 Johana 5:11-12** – *Hriattîrna chu hei hi a ni, Pathianin chatuana nunna min pe a, chumi nunna chu a Fapaah a awm a ni. [12] Fapa neitu chuan nunna chu a nei; Pathian fapa nei lotu chuan nunna chu a nei lo.*

4. Johana 10:10 chhiar rawh – Eng ang nunna nge Isua khân min rawn pêk a tum?

**Johana 10:10** – *Rûk hmang chu ru tûr leh tihlum tûr leh tichhe tûr lo chuan a lo kal lo; kei zawng nun an neih nân, tam taka an neih nân lo kal ka ni.*



5. I irawm chhuakin Pathian nun ang, nun hnianghnâr ziarângte han sawi teh.
6. Pathianin a Fapa Isua kha, he khawvêlah rawn tîrin, khawvêl bawhchhiatnate avânga thi tûr leh, amah ringtute chu chatuana nunna min pe tih hi i pawm zâwng a ni em?
7. Chatuana nunna kan tih hi, hun rei zâwng (kumkhua) sawina ringawt ni lovin, nun awmze nei a nihna i hre fiah thei em?

## ZAWHNA LEH CHHÂNNA

1. Johana 3:16 chhiar rawh. Pathianin he khawvêlah Isua kha eng ti tûrin nge a rawn tirh?

***Khawvêl chhandam tûr leh, tu pawh Isua ring apiangte chu an sual man tibova chatuana nunna pe tûrin***

2. Baibula “hria” tih thumal a hmanna chu tu emaw nêna inpawh taka in pâwla lên dunna hi a ni. Chu thumal chu Genesis 4:1-ah “pâwl” tiin a in ziak. Johana 17:3 chhiar tel rawh. Eng nge chatuana nunna he chângin a sawi awmzia hi?

***Chatuana nunna chu Pathian leh Isua Krista hriatna a ni (pâwnlâng tak ni lo, chhûngril leh inpumkhat takin)***

3. 1 Johana 5:11-12 chhiar rawh – Hêng chângte kan en hian, engtik aţangin nge chatuana nunna hi a lo inţan?

***Kan nuna Fapa (Isua Krista) kan neih veleh hian***

4. Johana 10:10 chhiar rawh – Eng ang nunna nge Isua khân min rawn pêk a tum?

***Nun tam - hmun dang aţanga i neih theih aia ţha zâwk Ama nun ang, nun hnianghnâr tak***

5. I irawm chhuakin Pathian nun ang, nun hnianghnâr ziarângte han sawi teh.

***Nun hnianghnâr chu rûkru lo kal chhan letling chiah nun kha***

6. Pathianin a Fapa Isua kha, he khawvêlah rawn tûrin, khawvêl bawhchhiatnate avânga thi tûr leh, amah ringtute chu chatuana nunna min pe tih hi i pawm zâwng a ni em?

***Aw***

7. Chatuana nunna kan tih hi, hun rei zâwng (kumkhua) sawina ringawt ni lovin, nun awmze nei a nihna i hre fiah thei em?

*Aw*

ZIRLAI 2-NA

# KHAWNGAIHNA AVÂNGA CHHANDAMNA

*By Don Krow*

Isua khân tehkhin thu tam tak, thawnthute hmanga thlarauva thutak nun awmzia sawi fiahna nei a hmang thîn a. Luka 18:9-14 inṭanna chu, “*Tin, mi fel tak nih inringa, mi dang zawng zawng hmusit thîn tute emaw hnênah chuan he tehkhin thu pawh hi a sawi a*” tih a nih kha. Isua khân pungkâwm zînga mi thenkhatte a tinzâwn bîk a: chûng mite chu mi fel tak nih inring chung a mi dang zawng zawng hmusittute leh hnuaichhiah thîn mite an ni a. He tehkhin thu hi an thil tih avânga thiamchan tumte hnêna a sawi a ni. Chûng mite chu mahni ngaiha mi fel intite, midang zawng hmusit chung a, “Nangni aiin ka fel zâwk” ti thînte an nih thu Isua’n a sawi kha an ni.

Châng 10 kan en chuan, “*Mi pahnih, Pathian biak inah ṭawngṭai tûrin an han kal a; pakhat chu Pharisai a ni a, pakhat chu chhiahkhawntu a ni*” tiin Isua’n min hrilh a. Tûnlai ṭawngkam chuan biak inah ṭawngṭai tûrin an kal a, pakhat zâwk chu Pharisai a ni, kan ti thei ang, Pharisaita hi sakhaw mi zet an ni a. A thu awmzia tak pawh, ‘koh hran mi bîk’ tihna niin, inti sakhaw mi êm êm chung a, “Min tibawlhhlawh ang e, ka kiang hnaiah lo kal hlek suh. Midangte ang ka nih ve loh hi. Mi zawng zawng aia fel leh ṭha ka ni si a” ti thîntu ni awm an ni. Isua’n a sawi mi pakhat dang leh hi chhiahkhawntu a ni a. Chhiahkhawntute hi mipuite hnên aṭanga chhiah la khawmtu leh, mi verther tak, mi bum hmang leh hleprûk chîng tia hriat an ni thung. Kawng tinrêngah an remchân dân ang apiangin chhiah an khawn a, sum tam tak anmahni chanpual

atân an dah a, a then azâr chauh Rom sorkar hnênah an chhûnglût thîn, chuvângin an thawhpuite chuan an thil tih chu an pawmpui lo hle a ni.

Châng 11-na kan en chuan, “*Pharisai chu a ding a, amah chauhvin heti hian a ÷awngtai a: ‘Pathian, mi dang anga hlêprute, fel lote, uirête ka nih loh avâng leh he chhiahkhawntu ang pawh hi ka nih loh avângin i chungah ka lâwm e.*” A thu sawi hi lo chhinchhiah rawh aw. Tu hnênah nge a ÷awngtai? ‘Pathian’ tih lam chung leh, thu chham tûr dik tak chham chung siin, a nihna takah chuan ama hnênah vek a ÷awngtai a nih hi. Pathian erawh chuan a ÷awngtaina hi a bengkhawn ta lova, a chhan kan la thlîr ang. A han ÷awngtai khân, “Pathian, midang ang ka nih loh avângin lawmthu ka hrih a che” a tih hi i lo hmu ang a. He Pharisai, sakhaw mi tak ni bawk hian, “Midang ang ka ni lo. Mi fel lo ka ni lova, hlêprûk hmang ka ni bawk hek lo. Hleih nei mi ka ni lova, uirê hmang ka ni bawk hek lo, tin ÷awngtaina hlân tûra lo kal he chhiahkhawntu ang hi ka ni hek lo” tiin ÷awngtaina a hlân a ni. Midang zawngte aia fel leh tha a intih avângin mite chu a hmusitin a ngainêp vek tih i hmu thei ang.

Châng 12-naah Pharisai hian, “*Chawlhkâr khat apiangah vawi hnih chaw ka nghei thîn a; ka neih apiang sâwmah pakhat ka pe thîn*” a ti leh a. “Ka thil tih hi i hmu em?” a in tihna a ni. Chaw nghei awmzia i hria em? Engmah ei lova hun hman tihna a ni. Tin, kohhran hnênah thawhlawm a thawh bawk. “Min ngaihtuah duh suh u! Nun dân tha takin a ni ka nun ni! Tanpui ngaiteah leh kohhran hnênah sum ka theh lût thîn” tia ÷awng thîn mi ang hi a ni.

Chang 13-naah erawh chhiahkhawntu lo langin, “*Chhiahkhawntu erawh chu hla takah a ding a, vân lam pawh a dâk ngam lo va, ‘Pathian, kei mi sual hi mi khawngaih rawh’ tiin a âwm a inchûm a inchûm a*” tih thu kan hmu a. A nun dânah a inzapui êm êm a, a thiltih tha lote avângin hla takah dingin, vân lam pawh hawi tha ngam lovin, a âwm a inchûm a inchûm a nih hi. Baibul-in Thuthlung Hlui lama mahni âwm inchûm a sawi rêng rêng hian, vawi tam tak an silhfênte an pawh thlêr hian, “Lalpa, ka thiltih avângin ka inchohîr, pawî ka ti êm êm a ni” tih

an sawina tluk a ni ðîn. Thupha chawina nun lantîrtu niin, inchhîrna thinlung leh thlarau lungchhia lantîrna a ni ðîn. Chu nun chu Pathianin a hmusit ngai si lova. He chhiahkhawntu, mi sual a nihzia inhria a, lungchhe tak chung a Pathian hnênah auvin, “Lalpa, mi sual mai ka ni e, ka chungah zahngai lul rawh” tia ðawngtâina hlântu a ni.

Chang 14-na chuan, “*Ka hrilh a che u, a hmasa aiin chu mi zâwk chu thiam changin a inah a kal chhuk ta a. Inngaihlu apiang an tlâwm ang a, inngaitlâwm chu chawimawiin an awm ang*” a ti a. Chhiahkhawntu chu a inah thiam changin a hâwng ta a, Pathian hmaah mi fela puan niin, Pathian ngaihdamna a chang a, Pathian hmaah thiamchangin a ding ta a ni. Eng vângin nge ngaihdam a nih? Eng vângin nge Pharisaï zâwk ni lova chhiahkhawntu zâwk kha Pathian hmaa dinga thiam chang chung a in lama a hawn nachhan? A chhan chu Pharisaï khân mahni inchawisâng chungin, “Midangte aiin ka fel zâwk a. Sualna rêng ka nei lo! Midangte ang ka ni ve si lova” a tih laiin, chhiahkhawntu erawh chuan Pathian hmaa ding tlâk ni tûrin, chhuan tûr engmah a neih lohzia a hre tlat a ni. Thil tisual ðîn mi a ni si a. Pathian thu chuan Isua kha mi fel takte lam tûra lo kal ni lovin, mi sualte lam tûra lo kal a nih thu a sawi a. Mi zawng zawngin thil kan tihsual tawh vek avângin, Pathian ropuina kan chang zo tawh lova. He chhiahkhawntu erawh a inngaitlâwm a, zahngaihna leh ngaihdamna a lo hmu ta a ni.

Kan sawi mêk hi khawngaihna avânga chhandamna thu a ni. Khawngaihna hi ðawngkam mawi tak niin, kei pawhin a awmze dik tak an sawi fiah leh an pawm dân ka hrilh dân che, mahse chu ai pawhin khawngaihna chu a la thûk zâwk cheu ang. Thuthlung thar Greek ðawnga an ziah dânah chuan khawngaihna hi *charis* tih a ni a. Khawngaihna an hrilh fiahna leh an pawm dân chu: phuna rêng nei lote chung a Pathianin a thlâwn liau liaua a duhsakna a lantîrna hi a ni. He chhiahkhawntu pawh hian Pathian lak aţangin engmah phu rêng a nei lova, mahse, amah leh amah a inngaihlâwm avângin Pathian duhsakna a chhar ta a ni zâwk. Greek thumal pakhat, *charisma* tih a awm leh a, chu chu *charis* tih zawha *ma* a tâwp a ni. A awmzia chu Pathian khawngaihna inpuan chhuahna bîk emaw Pathian khawngaihna

chikhat tihna a ni, he chhiahkhawntu pawh hian chumi avâng chuan Pathian hmaah thiam changa din theihna, a thlâwna thilpêk a hmuh phah ta a lo ni.

Rom bung 5:17 thu chuan, “*Khawngaihna nasa tak leh felna thilpêk hmutute chuan, mi pakhat (Isua Krista) avâng khân nunnaah chuan ro an rêl ngei ang*” a lo tih phah ta a. Pathian chuan nang leh kei hi Ama hmaa thiam changa ding thei kan nihna tûrin thilthlâwnpêk angin minrawn siamsak a, kan Pathian thu chhian tâk ang khân, chhiahkhawntu chuan chu thilthlâwnpêk – thiam channa leh mi fela ruatna, Isua Krista chauh kaltlanga chan theih chu a lo chang ta anih kha. Baibul chuan Johana 1:17 kaltlangin, “*Dân thu Mosian a pe, khawngaihna leh thutak Krista avângin a lo awm*” tiin a sawi a. He khawngaihna hi mi – mahni leh mahni inngaitlâwm, Pathian hmaa ding tlâk ni lo tih inhria, Pathian zahngaihna ngêntute hnênah chauh pêk a ni. Chûng mite chuan Pathian zahngaihna leh ngaihdamna an hmu dâwn a ni.

## ZAWHNA LEH BAIBUL CHÂNG HMAN TÛRTE

1. Luka 18:9 chhiar la. ‘Tehkhin thu’ hi eng nge?

**Luka 18:9 – 12** – *Tin, mi fel tak nih inringa, midang zawng zawng hmusit thîn tute emaw hnênah chuan he tehkhin thu pawh hi a sawi a: [10] “Mi pahnih Pathian biak inah tawngtai tûrin an han kal a; pakhat chu Pharisaï ani a, pakhat chu chhiahkhawntu a ni. [11] Pharisaï chu a dinga, amah chauhvin heti hian a tawngtai a; ‘Pathian, mi dang anga hlêprute, fel lote, uirête ka nih loh avâng leh, he chhiahkhawntu ang pawh hi ka nih loh avângin i chungah ka lawm e. [12] Chawlhkâr khat chhûngin vawi hnih chaw ka nghei a, ka neih apiang sâwmah pakhat ka pe thîn’ a ti a.*

2. Luka 18:9 chhiar la. Isua’n he tehkhin thu hi tu hnênah nge a sawi?
3. Luka 18:9 chhiar la (a châng tâwp lam). Mi, mahni ngaiha fel leh tha intite rêng rêng hian, midang chung a rilru put hmang an lantîr ngei ngei thîn. Luka 18:9 ang hian, eng ang rilru nge an put thîn?
  - A. Midangte an ngaina thîn.
  - B. Midangte an hmusitin an ngainêp thîn.
  - C. Midangte an hmangaih thîn.
4. Luka 18:10 chhiar la. Mi pahnih tawngtai tûrin an kal a. Tûnlai tawng takin, khawiah nge tawngtai Tûrin an kal ang?
5. Luka 18:10 chhiar la. Mi a tihte hi tute nge an nih?
6. Luka 18:11 chhiar la. Pharisaï tawngtaina kha eng nge?
7. Luka 18:12 chhiar la. Chaw nghei awmzia eng nge?
8. Luka 18:12 chhiar la. Sawma pakhat pêk awmzia eng nge?



9. Luka 18:13 chhiar la. Chhiahkhawntu kha khawiah nge a din? Eng vâng nge?

**Luka 18:13-14** - *Chhiahkhawntu erawh chu hla takah a ding a, vâ lam pawh a dâk ngam lo va, 'Pathian, kei mi sual hi mi khawngaih rawh' tiin a âwm a inchûm a inchûm ta zâwk a.* [14] *"Ka hrilh a che u, a hmasa aiin chu mi zâwk chu thiam changin a inah a kal chhuk ta a. Inngaihlu apiang an tlâwm ang a, inngaitlâwm chu chawimawiin an awm ang"*

10. Luka 18:13 chhiar la. Eng vângin nge chhiahkhawntu khân a lu a kûn tlata, vâ lam pawh a hawi chhoh loh?

11. Luka 18:13 chhiar la. Chhiahkhawntu ɽawngtâina kha eng nge?

12. Luka 18:14 chhiar la. An zînga a tu zâwk hi nge Pathian hmaa thiam changa, a ina kal chhuk ta?

13. Luka 18:14 chhiar la. Eng vângin nge Pharisai zâwk ni lova chhiahkhawntu zâwk kha thiam changa puan a nih?

14. Luka 18:14 chhiar la. Pathianin chhiahkhawntu kha thiam a chantîr ta em?

15. Rom 10:13 chhiar la. Tûnah khân ɽingɽiin Pathian hmaah i thinlung phawrh la, "Lalpa, mi sual mai ka ni, ka chungah zah ngai ang che" ti la, Pathianin chhiahkhawntu chungah a tih ang bawkhân i chungah a ti ve ang em?

**Rom 10:13** – *Tu pawh Lalpa hming lam apiangte chu chhandamin an awm ang.*

**1 Johana 1:8-9** – *"Sual ka nei lo," kan tih chuan mahni leh mahni kan inbum a, thutak chu keimahniah a awm lo. [9] Kan sualte thupha kan chawi chuan, kan sualte ngaidam tûr leh kan fel lohna zawng zawng tlêng fai tûrin, amah chu a rinawmin a fel a ni.*

## ZAWHNA LEH CHHÂNNA

1. Luka 18:9 chhiar la. ‘Tehkhin thu’ hi eng nge?

***Baibula ‘tekhkhin thu’ kan tih chu entîrna nei thawnthu hmanga thlarau lam thutak sawi fiahna a ni***

2. Luka 18:9 chhiar la. Isua’n he tekhkhin thu hi tu hnênah nge a sawi?

***Mi, mahni fel leh tha inti, mi dika inngaite hnênah***

3. Luka 18:9 chhiar la (a châng tâwp lam). Mi, mahni ngaiha fel leh tha intite rêng rêng hian, midang chungang an rilru put hmang an lantîr ngei ngei thîn. Luka 18:9 ang hian, eng ang rilru nge an put thîn?

***B. Midangte an hmusitin an ngainêp thîn***

4. Luka 18:10 chhiar la. Mi pahnih tawngtâi tûrin an kal a. Tûnlai tawng takin, khawiah nge tawngtâi Tûrin an kal ang?

***Biak inah***

5. Luka 18:10 chhiar la. Mi a tihte hi tute nge an nih?

***Pharisai leh mipui hnêna chhiahkhawntu***

6. Luka 18:11 chhiar la. Pharisai tawngtâina kha eng nge?

***Pathian, mi dang anga hleprûte, fel lote, uirête ka nih loh avâng leh, he chhiahkhawntu ang pawh hi ka nih loh avângin i chungah ka lawm e***

7. Luka 18:12 chhiar la. Chaw nghei awmzia eng nge?

***Engmah ei lova hun hman***

8. Luka 18:12 chhiar la. Sawma pakhat pêk awmzia eng nge?

***Kan hlawh chhuah hmun sawm ațanga hmun pakhat pêk***

9. Luka 18:13 chhiar la. Chhiahkhawntu kha khawiah nge a din?

***Hla takah a ding***

Eng vâng nge?

***Mi sual tak a nih avângin biak in chhûnga lût tlâkah pawh in ngai lovin biak in pâwnah a ding***

10. Luka 18:13 chhiar la. Eng vângin nge chhiahkhawntu khân a lu a kûn tlata, vîn lam pawh a hawi chhoh loh?

***Mahni leh mahni a inzahpui***

Thil sual tak i ti tawhin, mi hmêl pawh hmu ngam lo khawpin i lo sual ve tawh em?

11. Luka 18:13 chhiar la. Chhiahkhawntu ățawngțaina kha eng nge?

***Lalpa, mi sual mai ka ni, min khawngaih rawh***

12. Luka 18:14 chhiar la. An zînga a tu zâwk hi nge Pathian hmaa thiam changa, a ina kal chhuk ta?

***Chhiahkhawntu zâwk***

13. Luka 18:14 chhiar la. Eng vângin nge Pharisai zâwk ni lova chhiahkhawntu zâwk kha thiam changa puan a nih?

***Pathian hmaah inngaitlâwm takin a kûn a. Pharisai erawh chaponain a khat a, chhandamtu mamawh pawhin a inhre ve lo a ni***

14. Luka 18:14 chhiar la. Pathianin chhiahkhawntu kha thiam a chantîr ta em?

***Aw***

15. Rom 10:13 chhiar la. Tûnah khân thingthiin Pathian hmaah i thinlung phawrh la, “Lalpa, mi sual mai ka ni, ka chungah zah ngai ang che” ti la, Pathianin chhiahkhawntu chungah a tih ang bawkhân i chungah a ti ve ang em?

***Aw, ti ve ang. Min ngaidamin ka fel lohna zawng zawng min silfaisak ang***

1 Johana 1:8-9 en rawh.

## ZIRLAI 3-NA

# KHAWNGAIHNA AVÂNGA FELNA

*By Don Krow*

Vawiin lamah chuan khawngaihna avânga felna chungchâng thu kan thlîrho dâwn a. Rom 3:21-23 chuan, “*Nimahsela, tânah Dân leh zawlneite hriattîr angin Dân lova Pathian felna chu tihlanin a awm ta; chu chu Pathian felna, Isua Krista rin avânga a ring apiangte hnêna tihlana awm chu a ni (danglamna rêng a awm lo va, mi zawng zawngin thil an tisual tawh vek a, Pathian ropuina an chang zo ta lo a ni)*” a ti a.

He châng Pathian thuin, “*Dân lova Pathian felna chu tihlanin a awm ta*” a tih hi lo en ta ila. Tum khat chu mi pakhat hnênah hian, “vânrama kal tûr hian eng thil nge i tih ngaia i rin?” tiin zawhna ka zawt a. Ani chuan Thu Sâwm Pêk anga nungin, a nupui lakah rinawmin, zahawm taka nung chung leh thil dangte pawh tiin, tiin min chhâng a. Kei chuan, “vânrama kal thei tûr leh, Pathian nêna chênga, a Lal rama khawsa tûrin eng nge i tih ngai i hria em? Pathian felna tlukpui felna i neih a ngai dâwn si a” tiin ka zawt leh a. Ani chuan, “Engtin maw? Pathian felna tlukpui nei thei tu mah dang rêng rêng an awm hlei nêh! Mi pakhat tih chauh lo chu, chu mi chu Isua Krista a ni” tiin min chhâng a. Kei chuan, “I sawi dik chiah e! Mi tu mahin mahni mai chuan Dân leh Pathian thu pêk te, pawns lam leh chhûngril lamah pawh zawh famkim thei kan awm lo rêng a ni. Chu vâng tak chuan Pathian felna tlukpui, amah pawhin kan felnaa a pawmtlâk kan neih a ngai rêng a ni” tiin ka chhâng ta a.

Chu taka chu he Baibul châng 21-22-in a sawi, “*Dân lova Pathian felna chu tihlanin a awm ta; chu chu Pathian felna, Isua Krista rin avânga a ring apiangte hnêna tihlana awm chu a ni*” a tih awmzia chu a lo ni. Pathianin nang leh keia felna a tih chu, “Isua Krista kan rinna kaltlanga” felna, chu felna chu tu pawh amah ringtu hnênah leh pawmtu hnêna tihlan a lo ni ta a ni. Felna kan tih hi chi hnih awmin - mihringte felna leh Pathian felna a ni a. Mihring felna kan tih hi chu, kan nungchang tha ber ber leh, thil tha kan tihte hi niin, mahse chûngte chuan Pathian hmaah tlinga pawm tlâkah min siam thei ngai lo. Chuvângin Pathian felna tlukpui felna kan mamawh ta a, chu chu kan hnênah hlanin a awm mêk rêng a ni – Dân lova Pathian felna chu.

He Baibul châng hian Dân tel miah lovin Pathianin a felna chu kan hnênah a rawn chhawp chhuak ta, a tihna a ni. Dân kaltlanga felna chu thil tih, a thawha thawh chhuah leh Pathian pawm tlâk ni thei tûra thawhrim rah a lo ni ang. Khawvêl sakhaw dang zawng zawngte pawhin Pathian pawm tlâk ni tûr chuan, a tiha tih, thawh chhuah leh thawhrim rah a ni e, tiin an sawi thîn rêng a. “Chanchin Tha” tih awmzia chu “chanchin lawmawm” tihna a ni a, Chanchin Thain chanchin lawmawm a rawn ken tel taka chu Isua Krista ina min tihsak tawhna – kan soal ai kraws lera a thihna leh Dân thuruat min hlensakna a ni tih lo ringtu zawng zawng te chu Pathianin anmahni chu lo lawm lûtin Ama felna ngei chu an tân a hlân tih hi. Chu felna, Pathian aţanga chhuak chu Dân hman ngai lova, kan tih leh thawhrah tel miah lova Isua Krista kan rinna kal tlanga kan chan chu a lo ni ta a ni.

Châng 22-na kan en chuan, chu Pathian felna chu, Isua Krista rin avânga, a ring apiangte hnêna tihlana awm thu kan hmu a. Eng vângin nge Pathian hian mi tin hnênah Ama felna a rawn chhawp chhuah chhan chu ni ta ang? “*Danglamna rêng a awm lo va (thlei bîk rêng an awm lo), mi zawng zawngin thil an tisual tawh vek a, Pathian ropuina an chang zo ta lo a ni*” tih a ni a. Nang pawhin thil i tisual tawh a, kei pawhin thil ka tisual tawh, kan zavai hian Pathian felna tehfung leh a famkimna hmaah tling zo rêng kan awm lo. Kan soal avâng hian, kan mamawh ber chu Pathian min pawmna, Amah nêna inlaichinna dik

leh a hmaah thiamchanga din theihna a ni...chumi chan theihna chu Dân zawm that vâng ni lovin, Isua Krista rinna vâng zâwka Pathianin min rawn chhawp chhuahsak a ni. Pathian felna chu nangma thawh chhuah a ni lova, i beih chiama i thawhrah emaw, i tum rêng vânga i hlawhtlinpui a ni bawh hek lo. Kan Lalpa Isua Krista rinna kaltlanga i chan, Amaha i innghahna leh Amah i rinchhanna aţang chauhva lo awm thei a ni.

Engtin nge Abrahamama (Juda-ho thlahtu) kha chhandama a nih? Baibul chuan Abrahamama'n Pathian a ring a, Pathianin a hnêna thu a tiam pawh ringin, chu a rinna chu a felnaah ruatsak a ni, tiin a sawi a. Abrahamama kha Pathian hmaah a rinna kaltlanga mi fela ruat a nihna kha, ama tân chauh a ni lo tih pawh kan hria. Rom 3:21-22 kan chhiar chuan, mi tu pawh Isua Krista a rinna kaltlangin mi fela ruat a nihna kan hmu a. Baibul chuan Krista'n kan sualte vânga kraws-a a thisena kan bat min tlâksak avâng khân, tu pawh Krista ringtu apiangte chu, Krista an rin avângin mi felah ruat (thiam chang) an nih thu a sawi.

Rom 5:17 chuan, *“Mi pakhat sual avânga thihnain chu mi pakhat avâng maha ro a rêl si chuan, khawngaihna nasa tak leh **felna thilpêk** hmutute chuan, mi pakhat (Isua Krista) avâng khân nunnaah chuan ro an rêl ngei ang”* tiin a sawi a. Pathian chuan felna thilpêk, a hmaa thiam changa din theihna chu i tân a rawn hlân a. Thilpêk petu rêng rêngin chân a neih laiin, thilpêk dawngtu tân erawh a thlâwn liau liau a ni si a. Thilpêk min pe zet la, a man min dîl leh si ta la, thilthlâwnpêk a ni thei ngai lovang. Nangmah erawh chuan senso i nei tihna a ni zâwk. Pathian chuan nang leh kei atân hian, felna chu thilpêk angin kan hmaah a chhawp chhuak a. Chu thilpêk felna, thiam chantîrna leh Pathian hmaa ding tlâka min siamtu chu Isua Krista kaltlanga a thlâwna kan neih theih a lo ni ta a ni.

## ZAWHNA LEH BAIBUL CHÂNG HMAN TÛRTE

1. Tita 3:5 chhiar rawh. Felna kan mamawh hi keimahni thawh chhuah theih felna a ni em?

**Tita 3:5** – *Thil fel taka tih, keimahni ngeia tihte chu, chumi vâng ni lovin, siam tharna silna leh Thlarau Thianghlim siam that lehna chuanin, a khawngaihna ang zêl zâwkin min chhandam ta.*

2. 2 Korinth 5:21 chhiar rawh. Eng ang felna nge kan mamawh?

**2 Korinth 5:21** – *Amahah chuan Pathian felna kan lo nih theihna tûrin, sual rêng rêng hre lo chu Pathianin keimahni avângin sualah a siam ta a.*

3. Rom 3:22 chhiar rawh. Engtin nge chu felna chu kan chan theih ang?

**Rom 3:22** – *Chu chu Pathian felna, Isua Krista rin avânga a ring apiangte hnêna tihlana awm chu a ni (danglamna rêng a awm si lo va).*

4. Philipi 3:9 chhiar rawh. Eng nge Dân avânga felna chu?

**Philippi 3:9** - *mahni felna (Dâna felna chu) ni lovin, Krista rin avânga felna (rin avânga Pathian laka felna chu) nei zâwkin, amaha awm ka lo nih theihna tûrin.*

5. Galatia 2:21 chhiar rawh. Pathian khawngaihna chu engtin nge kan bawh bova, a lo thlâwn a kan chantîr theih dân?

**Galatia 2:21** – *Pathian khawngaihna chu ka bawh bo lo ve; Dân avânga felna a awm si chuan Krista chu a thlâwnin a thi a ni ang.*



6. Rom 5:17 chhiar rawh. Pathian felna chu eng angin nge kan lo dawnsawn ang?

**Rom 5:17** – *Mi pakhat sual avânga thihnain chu mi pakhat avâng maha ro a rêl si chuan, khawngaihna nasa tak leh felna thilpêk hmutute chuan, mi pakhat (Isua Krista) avâng khân nunnaah chuan ro an rêl ngei ang.*

## ZAWHNA LEH CHHÂNNA

1. Tita 3:5 chhiar rawh. Felna kan mamawh hi keimahni thawhchhuah theih felna a ni em?

*Ni lo*

2. 2 Korinth 5:21 chhiar rawh. Eng ang felna nge kan mamawh?

*Pathian felna (Krista kaltlanga lo awm chu)*

3. Rom 3:22 chhiar rawh. Engtin nge chu felna chu kan chan theih ang?

*Isua Krista rinna kaltlangin*

4. Philipi 3:9 chhiar rawh. Eng nge Dân avânga felna chu?

*Felna keimaha awm – thil tih felna keimah ngeiin ka thawhchhuak theih chu*

5. Galatia 2:21 chhiar rawh. Pathian khawngaihna chu engtin nge kan bawh bova, a lo thlâwn a kan chantîr theih dân?

*Pathian khawngaihna kan bawh bova, alo thlâwn a kan chantîr theih dân chu, Krista chhandam kan nih theihna tûra kan aia a thihna ring lova, mahni thiltih that hmanga chhandama awm kan tumin.*

6. Rom 5:17 chhiar rawh. Pathian felna chu eng angin nge kan lo dawnawng ang?

*Thilthlâwnpêk angin*

## ZIRLAI 4-NA

# PATHIAN NÊNA INLAICHÎNNA

*By Andrew Wommack*

Inlaichînna chungchânga thil pawimawh berte zînga pakhat chu inlaichînna kan va neihpui tûra va hriat chianna hi a ni, chu chu Pathian nêna kan inlaichînna chungchângah pawh a dik hle. Pathian nêna inlaichînna hrisêl nei tûr chuan, Pathian mizia leh nihna bulpui i hriat chian phawt a ngai a ni. A mizia leh nihna hriat chian tâwk lohna avângin, Amah nêna inlaichînna dik mi tam takin an neih theih loh phah thîn a. Chu ngei chu Eden huanah Adama leh Evi rulin a han thlêm khân, a lo thleng chiah rêng a ni. Thlêm thlûka awmin, a tâwpah Pathian thupêk pawisa lovin, mihring zawng zawngte chu sualah min luhpui ta a nih kha. Pathian nihna an hriat chian lohna taka kha, thlêmna lo awm chhan pakhat a lo ni.

Genesis 3:1-5 thu hi, mi tam tak chuan kan hre awm e, *“Tin, Lalpa Pathianin ramsa a siam zawng zawngah chuan rûl a fîng vervêk ber a. Tichuan, ani chuan hmeichhe hnênah chuan, ‘Pathianin, ‘Huana thing rah rêng rêng in ei tûr a ni lo,’ a ti elo maw?’” a ti a. Tin, hmeichhia chuan rûl hnênah chuan, “Ti lo ve, huana thing rahte hi kan ei thei asin; huan lai taka thing awm rah erawh hi chu Pathianin, ‘In ei tûr a ni lo, tawh pawh in tawk tûr a ni lo; chuti lo chuan in thi ang’ a ti a ni” a ti a. Tin., rûl chuan hmeichhe hnênah chuan, “Thi teh suh e, in ei ni apang chuan in mit a lo vâ ang a, a chhia leh a tha hriain Pathian ang in lo ni dâwn tih Pathianin a hre reng a nih chu” a ti a.*

Setana thu sawi phênah hian Pathian hi Pathian tha tak a ni miah lo a rawn tihna a ni...Adama leh Evi laka thil thup chîng...an nih theih

chungnung ber an thlen lohna tûra dâltu...Amah Pathian ang an nih phal lotu... Chhia leh Ƨha Hriatna Thing rah ei phal loh dân a siam chhan pawh anmahni dodâlna emaw tihnat theih nân a ni. A awmzia dik takah chuan, Setana khân Pathianin Adama leh Evi tân thil Ƨa ber ber a duhsak lo tia a rawn sawi khân, Pathian mizia leh nihna diktak a rawn do tihna a ni. Tûnlai mite chungah pawh chutiang chiah chuan thil a thleng mêk rêng a ni. Setana chuan “Pathian hnung i zui a, a thu kalh zawnga thil hrang hrang i tem chhin hmasak phawt loh chuan, hlimna tak tak i chang thei ngai lo vang. Hringnun hi a ninawm a...a ho dêr” tiin a hrilh Ƨhîn a. Thu lungchhiatthlâk tak erawh chu, mite hian ruihtheihthilte, zute, mipat hmeichhiatnate, helnate, nuamtawlnate, hna lama hlawhtlinnate leh, thil dang hrang hrang an tem chhinna te hian a ti lungawi zo ngai si lo hi a ni. Chu mi an han hriat chhuah meuh chuan, an nun, an chhûngkua leh an hrisêlna thlengin an lo tichhe hman tawh Ƨhîn.

Anihna takah chuan Pathian hi Pathian Ƨa a ni, kan tâna a remruatna pawh a Ƨa vêl vek bawk. Mahse Setana hian Eden huana Adama leh Evi te laka bum thlêmna ang chiah kha kan chungah a rawn hman leh mêk a ni, chu chu Pathian hi Pathian Ƨa a ni lo tih hi. Baibul chhûng thu hrethiam tlêm tak tân chuan chutiang ang rilru put chu a awl thei dâwn rêng a, a chhan chu a chhûng thuahte hian Pathianin nunrâwng tak leh hrehawm taka mite chung a thiltih dân a inziah tlat avângin a ni. Numbers 15:32-36 kan en chuan, Sabbath ni takah mi pakhatin thing tuah tûr a fawm avângin, Sabbath a serh lo tiin, mipuiin lungin an dêng hlum mai a. Nunrâwnthlâk tak angin lang mah se, hremna lek a nihna chhan kha a awm tlat a ni, mahse Pathian lehkha thu chhîar liam satliah mai mai tân chuan, chu chu zuk hriat thiam mai a awlai lo Ƨhîn a ni. Uluk taka kan zir chianna aƧanga rawn lang chu kan sualnate kha soal nasa tak a ni tih a lo lan fiah theih nân Thuthlung Hlui Dân thu kha pêk a ni, Rom 7:13-a Paula’n min hrilh fiah ang khân. Chutianga thupêk a lo nihna chhan chu, mite khân an bawhchhiatnate kha thihpui tham sualna a nihzia leh, Pathian laka pawl sawina a nihzia an hriat

loh vâng a ni. An tih loh tûr mahni leh mahni intehkhinin, an thiltihte pawh mite thiltih nên and teh zêl a.

Miin thil sual a tiha a thihpui si loh chuan, sualna chu pawh lian takah ngai lovin, anmhani ngeiin sual an tihna tehfung chu an ti hniam duai thîn. Sual leh ̣ha thlîr dân dik kha an lo hloh ta a ni. Chuvângin Pathianin mihringte chu tehfung dik tak, Amân nun dân dik a tih hnuaiah a hruai kîr leh a ngai a, chumi āanga Diabola leh a thlemna an hnâwl theih nân leh, duhthlanna dik lovin nghawng a neihte an hriat fiah theih nân. Chutianga Pathianin hma a lâk chinah chuan, a Dân thupêkte chu Amah vêkin a ken kawh alo ngai ta a ni.

Pathianin, “Hêngthupêk zawng zawng in zawm kim hma loh zawng, ka miteah ka pawm thei lo vang che u a, ka hmangaih thei bawk hek lo vang che u” a tih duh vânga Thuthlung Hlui Dân kha pe a ni lo. Chutiang mizia leh kalphung nei a ni lo. Sual leh ̣ha kan thliar hran thiam lehzual theih nân leh, Chhandamtu kan mamawhzia kan inhriat theih zâwkna tûrin khâng thupêkte kha min pe alo ni zâwk.

Buaina awm thîn ta chu, miin Pathianin anmahni a hmangaih hmian an fel famkim phawt a phûtin an in hria a, chu chuan an thil tih ̣that ang zêlin Pathianin a hmangaih anga ngaihdân an lo nei ta thîn a ni. Chu vâng chuan, an thiltih rêng rêng Pathian mit tlung a nih zet loh chuan, Pathianin anmahni a pawm thei lo tûrah an inngai a, chu chu Baibul thuchah ken a ni si lova.

Pathian duh ber chu khawvêl hi Amah nên inrema siama, thiam loh chantîr lohva...an bawhchhiatnate chu bawhchhiatnaa ruatsak lohva... an thil tihsual mawh phurhtîr loh. Chu ngei chu Baibulah mihringte chung a Pathian thinslung put, tûn hun ngeiah pawh i chung a thinslung put chu a lo ni. A thinslung dik tak “Pathian chu hmangaihna a ni” (1 Johana 4:8) tih hi i hriat fiah a ngai. I sualna leh Amah āanga pawt hranngu apiang che lâk bosak kha a tum ber a lo ni. Chu chu Isua Krista kaltlangin a lo tipuitling tawh a, tûnah hian inlaichinna ̣ha neihpuiah a sâwm che a, i thiltih ̣that rah āangin ni lo, Isua’n i sualna a phurh

zawh tawhna i rina i pawmna kaltlang zâwkin. Tûnah zawng i nunah hlawhchhamna tînrêng lo nei tawh pawh ni la, Pathian nêna inlaichinna tha i nei thei ta a. Pathianin i laka a ngen zawng che chu, Lalpa Isua Krista chungarinna i nghah mai hi a lo ni ta a ni.

## ZAWHNA LEH BIBLE CHÂNG HMAN TÛRTE

1. Genesis 3:1 chhiar rawh. Setana khân Evi hnênah eng zawhna nge a zawh?

**Genesis 3:1** - *Tin, Lalpa Pathianin ramsa a siam zawng zawngah chuan rûl a fîng vervêk ber a. Tichuan, ani chuan hmeichhe hnênah chuan, "Pathianin, 'Huana thing rah rêng rêng hi in ei tûr a ni lo,' a ti elo maw?" a ti a*

2. Genesis 2:17 leh 3:3 chhiar rawh. Pathianin Adama hnêna thu a sawi bâk eng thu nge Evi khân a phuah belh?

**Genesis 2:17** – *a chhia leh a tha hriatna thing rah erawh hi chu i ei tûr a ni lo, i ei chuan i ei ni la lain i thi ngei tûr a ni,*” tiin thu a pe a.

**Genesis 3:3** - *huan lai taka thing awm rah erawh chu Pathianin, 'In ei tûr a ni lo, tawh pawh in tawk tûr a ni lo; chuti lo chuan, in thi ang,' a ti a ni,*” a ti a.

3. Genesis 3:6 chhiar rawh. He lai chângah hian, Setana'n Evi thinlunga rinhlelhna a tuh hlawhtlin hnu khân, Evi khân eng thil nge a tih tak?

**Genesis 3:6** – *Tichuan, hmeichhia chuan thing rah chu ei mi a ni tih leh, mit la tak a ni tih leh, mi tîfing tûrin thing rah îtawm tak a ni tih a hriat chuan, a rah thenkhat chu a lo va, a ei ta a; tin, a pasal a pe ve a, ani pawhin a ei ve ta a.*

4. Genesis 3:9-10 chhiar rawh. Adama leh Evi te'n an bawhchhiat hnu khân, Pathian khân anmahni la biak pawh leh inlaichinna la neihpui a tum em?

**Genesis 3:9-10** – *Tin, Lalpa Pathian chuan Adama chu a ko va, a hnênah, "Khawiah nge i awm?" a ti a. [10] Tin, ani chuan,*

*“Huana i thâwm ka hria a, saruaka awm ka nih avângin ka hlau ta a; tichuan, ka biru ta a ni,” a ti a.*

5. Genesis 3:22-24 chhiar rawh. Eng vângin nge Pathianin Adama leh Evi kha huan ațanga a hnawh chhuah?

**Genesis 3:22-24** - *Tin, Lalpa Pathian chuan, “Ngai teh u, mihring chu a chhia leh a ța hriain keimahni ang a lo ni ta; tûnah chuan a kuta banin, nunna thing rah chu lova eiin, kumkhuain a nung dah ang e,” a ti a; [23] chuvângin, Lalpa Pathian chuan amah a lâk chhuahna lei chu let tûrin Eden huan ata chu a tîr chhuak ta a. [24] Chutichuan, mihring chu a hnawt chhuak ta a; tin, nunna thing kawng chu vêng tûrin, Eden huan chhak lampangah chuan cherub-te leh mei khandaih vir tawn zawk zawk chu a awmtîr ta bawk a.*

6. Heta Pathian thiltih hi hremna ni lovin, zahngaihna thiltih a ni tih i hmu thiam em?
7. Rom 5:17 chhiar rawh. Pathian khawngaihna nasa tak leh felna thilthlâwnpêk hi engtin nge kan chan theih ang?

- A. Kan lei ang  
B. Kan thawk chhuak ang  
C. Kan lo dawng ang

**Rom 5:17** - *Mi pakhat soal avânga thihnain chu mi pakhat avâng maha ro a rêl si chuan, khawngaihna nasa tak leh felna thilpêk hmutute chuan, mi pakhat (Isua Krista) avâng khân nunnaah chuan ro an rêl ngei ang.*

8. Rom 6:23 chhiar rawh. Kan lo soal ta a nih chuan eng nge kan phû tâwk chu?

**Rom 6:23** - *Sual man chu thihna a ni si a; Pathian thilthlâwnpêk erawh chu, kan Lalpa Krista Isua zârah chuan chatuana nunna a ni.*



9. Khawngaihna avângin, Pathianin eng nge min chantîr tâk zâwk kha?

10. Rom 10:3 chhiar rawh. Pathian hmaa keimahni felna tihngheh kan va tum tlat hian, eng thil nge kan tih loh ni ta ang?

**Rom 10:3** - *Pathian felna hre lovin, anmahni felna tihngheh tumin Pathian felnaah an intulût si lo.*

11. 1 Johana 1:9 leh Rom 4:3 chhiar rawh. Pathian laka kan fel lohna zawng zawng leh kan tlin lohna zawng zawngte kha, rinna kan neih chuan amah vêkin engtia tih nge a tum kha?

**1 Johana 1:9** - *Kan sualte thupha kan chawi chuan, kan sualte ngaidam tûr leh kan fel lohna zawng zawng tlêng fai tûrin, amah chu a rinawmin a fel a ni.*

**Rom 4:3** - *Pathian Lehhain eng nge a sawi ni? "Abrahama chuan Pathian a ring a; tin, chu rinna chu a felnaa ruat a ni," tiin a sawi a ni.*

12. Hei hian Pathian mizia chu eng nge ni tih a hrilh tak che?

## ZAWHNA LEH CHHÂNNA

1. Genesis 3:1 chhiar rawh. Setana khân Evi hnênah eng zawhna nge a zawh?

***“Pathianin, huana thing rah rêng rêng in ei tûr a ni lo, a ti elo maw? tih hi***

2. Genesis 2:17 leh 3:3 chhiar rawh. Pathianin Adama hnêna thu a sawi bâk eng thu nge Evi khân a phuah belh?

***A tawh pawh in tawk tûr a ni lo, tih hi***

3. Genesis 3:6 chhiar rawh. He lai chângah hian, Setana’n Evi thinlunga rinhlelhna a tuh hlawhtlin hnu khân, Evi khân eng thil nge a tih tak?

***Thing rah a lo va, a ei ta a ni***

4. Genesis 3:9-10 chhiar rawh. Adama leh Evi te’n an bawhchhiat hnu khân, Pathian khân anmahni la biak pawh leh inlaichinna la neihpui a tum em?

***Tum e***

5. Genesis 3:22-24 chhiar rawh. Eng vângin nge Pathianin Adama leh Evi kha huan ațanga a hnawh chhuah?

***Nunna thing rah an lo va an eia, kumkhuaa a nun lohna tûrin***

6. Heta Pathian thiltih hi hremna ni lovin, zahngaihna thiltih a ni tih i hmu thiam em?

***Hmu thiam e***

7. Rom 5:17 chhiar rawh. Pathian khawngaihna nasa tak leh felna thilthlâwnpêk hi engtin nge kan chan theih ang?

***C. Kan lo dawng ang***

8. Rom 6:23 chhiar rawh. Kan lo sual ta a nih chuan eng nge kan phû tâwk chu ?

***Thihna***

9. Khawngaihna avângin, Pathianin eng nge min chantîr tâk zâwk kha?

***Isuaa chantuana nunna***

10. Rom 10:3 chhiar rawh. Pathian hmaa keimahni felna tihngheh kan va tum tlat hian, eng thil nge kan tih loh ni ta ang?

***Isua felna a intukluh***

11. 1 Johana 1:9 leh Rom 4:3 chhiar rawh. Pathian laka kan fel lohna zawng zawng leh kan tlin lohna zawng zawngte kha, rinna kan neih chuan amah vêkin engtia tih nge a tum kha?

***Min tlen faisak a, min theihngilhsak leh min ngaihdam***

12. Hei hian Pathian mizia chu eng nge ni tih a hrilh tâk che?

***Pathian chu zahngai thei tak leh hmangaihna Pathian a ni tih min hrilh***

## ZIRLAI 5-NA

# PATHIAN MIZIA

*By Andrew Wommack*

Lalpa nêna inlaichînna tha nei tûr chuan, a mizia leh a nungchang dik tak kan hriat ngei a tûl thîn. Kan sualna avânga thinrim a ni em, nge kan thiltih that tel miah lova ama nun leh a malsawmnate min pe duh khawpin zahngaihnaa khat Pathian a ni zâwk? Pathian Lehkha Thu hian Pathian thlîrna inang lo chi hnih min kawhkmuh a, amah alo danglam ta emaw, kawng dang dangin thil a tih thîn vâng emaw ni chuang lovin. Baibul a thuziak leh tawngkam hman dân enin, Pathian khân “mihringte lakah an sualnate hrem” hun lai a nei thîn.

Chu chu fa enkawl seilen nêna a khaikhin theih ang. Naupangtê an nih lai chuan, puitling anga thil hrilhfiâh duak duak theih an ni lo a, nunphung pangngai taka nung tûr an nih chhan te, mahni hma chauh sial lo tûr leh an unaute thil khalh lai chhuhsak tûr an nih loh thu zilh fin theih an ni lo. Chuvângin nun dân tûr hrilh chawp an la ngaiin, an bawhchhiat chuan thunun an ngai mai thîn. Chu nun dân tûr chu kenkawh ngaiin, Pathian leh Setana an la hriat loh pawhin emaw mahni hma an sial viau chuan Setana tân hmun an kian a ni tih pawh la hre lo mah se, chu nun dân tûr chu kenkawh tho a ngai a ni. Thil awmzia la hre fiâh kilh kelh lo mah se, thil sual an tih leh chuan, hrem an tâwk dân tih erawh an hrethiam thei.

Chutiang deuh chu ani Thuthlung Hluia Pathian chêt dân chu. Mite an pianthar theih hma kha chuan, Thuthlung Thar hnuai keini'n thlarau lam thil hmuh leh hriat fiâh theihna kan neih ang hi an la neih ve tlat loh avângin, suala an tûk loh fo loh nân Pathianin dân

zawm tûrte pein an chungah hremna, a thenah phei chuan thihna hial hmangin dânte chu a lek kawh thîn. Setana hian sual hmanga mihringte a tihchhiat mêk avângin, sual lakah inkhuahkhirhnate siam leh hremna lek a ngaih phah thîn a ni. Chu chuan kan sualte avângin Pathianin min hmangaih tak tak lo vang tih ngaihtuahna diklorawn awmtîr mahse, chutiang chu Pathian thuin min zirtîr dân a ni hauh si lo. Rom 5:13 chuan, *“Dân awm hmains khawvêlah sual a awm tawh si a; dân a awm si loh chuan sual chu suala ngaih a ni lo”* tiin min hrilh a. *“Dân awm hmains”* tih awmzia chu, Mosia hun laia Pathianin Juda hnam hnêna Thusawmpêk leh Dân Tesep a pêk hma tihna a ni. Khâng hun hma zawngte khân khawlohna sual chu awm reng tawh mah se, tu chungah mah khawlohnaa ruat a la ni lo. Heta “ruat” tih hi sumdâwnna khawvêla “ba neih” chungchâng tawngkam a ni a, entîrnân; dawrah thil lei tûrin i kal a, “ka ba-ah lo zia mai rawh’ i tih ang kha a ni. Dâwr neitu ten an lo chhinchhiaha i hming zâwna an lo ziah thlap khân, i thil leite chu i ba anga ruat a lo ni ta a ni. I ba anga an lo zia lût hmaih erawh anih chuan, an chhinchhiaha lo tihna a ni a, anrawn thing thei lo che tihna.

He Rom bung leh chângin a sawi awmzia chu, Thusawmpêk a lo awm hma zawng kha chuan, mîte khawlohna kha an chungah khawlohnaa ruat a ni ngai lo. Chu thu chu avan ropui tak êm! Genesis bung 3 leh 4 hi han en teh. Adama leh Evi’n Pathian laka thil an tihsual khân, Pathian chu thianghlim a nih tlat avâng leh mihring chu sual a lo nih tâk avângin, Pathian khân mihringte nênlai chînna rêng rêng a nei thei tawh lo tih ngaihdân mi tam takin an nei thîn. Pathian thianghlim chuan mi bawhlawh mihringte nênlai chînna engmah a neih theih tawh loh avângin, a hnên ata lâk sawn an nihna tûrin Pathian chuan mihringte chu Eden huan a tângin a hnawtchhuak angin an ngai. Chu mai ni lovin, thil tha tih mihringin a nungchang a siam that phawt loh chuan, Pathianin amah nênlai chînna rêng rêng nei thei lovah an ngai zui deuh deuh thîn. Chu chu Lal Isua thuchahrawn kên nênlai chuan thil inpersan hlauh a ni si a. Rom 5:8 chuan, Pathian chuan a mi hmangaihna chu fak tlâkin i chungah a lantîr a, mi sual i

nih reng laiin Krista i tân a thi tiin a sawi a; chutiang chuan Thuthlung Thar chuan kan thiltih sualte ațanga kan insiamțhat hnuah ni lo, suala kan la nun reng laiin Pathianin kan hnênah a hmangaihna a lantîr thu min hrilh zâwk a lo ni. Chanchin Țha thuchah laimu, a thutak ropui tak zînga mi, i nun thlâk danglam thawk tûr chu, Pathianin i nihna ang angin a hmangaih che tih i hriat thiamna hi. A hmangaihna che a nasat êm avângin, Amah i lo neih phawt chuan, i nihna ngai ang renga nun kha i duh tawh ngai lo vang. I lo danglam tawh zâwk ang a, mahse i danglamna chu Pathian hmangaihna i hriatna ațangin a ni ang, a hmangaihna dawn tum vâng ni lovin.

Genesis bung 4 kan en chuan, Pathian khân mihring nêna inlaichîna a la nei zui reng a, Adama leh Evi te tlûk hnuah pawh a la be zui zêl a ni. Kaina leh Abela pawh la be pawp rengin, A hnênah inthawinate an rawn hlan dâwn pawh khân, benga hriat theihin an hnênah thu a la sawi a nih kha. An awm dân ațang khân Pathian âw an hre fovin an hlau lem lo tih chiang takin kan hmu thei a nih kha. Kaina'n a nau Abela a thah a, he khawvêla tualthattu hmasa ber a lo nih tâk hnu pawh khân, vân ațangin Pathian âw a lo ri a, “Khawiah nge i unaupa Abela hi?” tiin a rawn zâwt a nih kha. Kaina khân inchhirna leh pawitihna nei miah lo ang maiin Pathian hnênah dâwt a sawi a nih kha. Chutianga sawi ngam tûr chuan, miin Pathian âw a hre zingin ngaiyah a nei tawh a, hlauh pawh a hlau tawh lo hial tihna a ni. Hêng zawng zawngin min hrilh a chu, pawmdân tânglâwn taka miin an neih ang lo takin, Pathian khân mihringte kha a la pâwl zui reng ținin, an inzawmna a la chhu chat lo tih hi a ni,. Mihring bawhchhiatnate chu bawhchiatnaah a ruatsak lo tihna a ni bawk. A nih si chuan an sualna kha a haider emaw, mihringte khân thiam lohna an nei lo tihna em ni ta ang? Ni lo, chuvâng tak chuan Dân an hnênah a pêk phah ta zâwk a lo ni. Pathian duh dân leh a kalhmanga mihringte an lo awm leh theihna tûrin an hnênah Dân pêk a lo ngai ta zâwk a ni. Pathian chuan mihringte hnênah Chhandamtu an mamawh tih a hriattîr a duh mai bâkah inngaitlâwm takin ngaihdamna chu thilthlâwnpêk anga lo dawngsawng tûr an ni tih kawhmmuh a duh bawk. Pawi deuh erawh chu, sakhwana chuan

hêng thute hi thiam taka la kawiiin Dân pêk a nihna chhan chu i zawh famkim a, chutațanga Pathian ngaihdamna leh Ama lawmtlâk ilo nih theihna tûrin tih zirtîrna chu an duhdânin an kalpui ta thung. Chu chu a dik lo! Thuthlung Hlui Dân lo awmchhan chu, i سوالنا chu nasa tak a nihzia i hmuh fiah theih nân, mahni leh mahni inchhanhim i tumnain awmzia rêng a neih lohzia i in hriat ațanga, “Lalpa, i thianghlimnain a phût chin heti a nih si chuan, ka tân tih theih rual a ni love. Min ngaidam la, ka chungah zahngaihna lantîr rawh” i tih theih nân a lo ni zâwk. A pumpuia en chuan Pathian mizia chu hmangaihna a ni reng.

## ZAWHNA LEH BAIBUL CHÂNG HMAN TÛRTE

1. Rom 5:13 chhiar rawh. Heta ‘suala ngaih a ni lo’ a tih hi a awmzia eng nge?

**Rom 5:13** - *Dân awm hmains khawvêlah sual a awm tawh si a; dân a awm si loh chuan sual chu suala ngaih a ni lo.*

2. Rom 7:7 chhiar rawh. Dân lo awmchhan kha eng nge?

**Rom 7:7** – *Eng nge kan sawi tâk ang le? Dân chu sual em ni? Hnai lo ve. Nimahsela, Dân avângas hriat ni suh sela chu sual ka hre lo tûr; Dân chuan, “Awt suh,” ti suh sela chu awh hi ka hre lo tûr a ni.*

3. Galatia 3:24 chhiar rawh. He baibul châng ang hian, dân lo awmchhan kha eng nge?

**Galatia 3:24** – *Chutichuan, rinna avângas thiam kan chan theihna tûrin, Dân chu Krista hnên lama min kaihruaitu a lo ni a.*

4. Johana 8:1-11 chhiar rawh. Lal Isua khân engtin nge uirênu an man kha a buaipui dân?

**Johana 8:1-11** - *Isua erawh chu Olive tlângah a kal ta zâwk a. [2] Tin, zîngah Pathian biak inah a lût leh a, mi zawng zawng a hnênah an lo kal a; tin, ani chu a ðhu a, anmahni a zirtîr a. [3] Tin, lehkhaziaktute leh Pharisaiten hmeichhe pakhat a uire lai an man an rawn hruai a; tin, a laiah an dintîr a, [4] Isua hnênah, “Zirtîrtu, he hmeichhia hi a uire lai an man a ni, a uire lai takin. [5] Dân lehkhabuah Mosian hetiang mi hi lunga den hlum thu min pe a; nangin engtin nge i ngaih?” an ti a. [6] Chu thu chu amah fiah nân an ti a, a hêkna tûr an hmuh theih nân. Chutichuan, Isua a kûn a, a kutzungin leiah a ziak a. [7] Tin, an zawh sek sek avângin ani chu a tho va, an hnênah, “In zînga sual nei lo apiangin amah chu lungin deng hmasa rawh se,” a ti a. [8] Tin, a kûn leh a, a kutzungin leiah a ziak leh a. [9] Tin, anni chuan a thusawi chu an*



*hriatin, upa berin a tan a, a tâwp thlengin, pakhat khatin an relh chhuak ta zêl a; chutichuan, Isua chauh a awm ta a, hmeichhia, a laia a awmna ngaia awm nêh khân. [10] Tin, Isua chu a tho va, a hnênah, “Hmeichhia, khawiah nge an awm tâk? Tu mân thiam loh an chantîr na che nge?” a ti a. [11] Tin, ani chuan, “Lalpa, tu mân mi chantîr lo ve,” a ti a. Tin, Isuan, “Kei pawhin thiam loh ka chantîr lo va che; kal la, tân hnuah tisual leh tawh suh,” a ti a.*

5. Isua thu sawite leh thiltihte khân Pathian mize dik tak an lantîr em?  
Johana 3:34 en rawh.

**Johana 3:34** - *Pathian tirh chuan Pathian thu a sawi thîn; ani chuan teh kherin Thlarau a pe si lo.*

6. 1 Johana 4:8 chhiar rawh. He baibul châng ang hian, Pathian mize dik tak chu eng nge ni?

**1 Johana 4:8** - *Hmangaihna nei lo chuan Pathian a hre lo; Pathian chu hmangaihna a ni si a.*

7. Rom 5:6 chhiar rawh. Eng kan la nih lai khân nge Pathian hmangaihna chuan kan lam a hawi?

**Rom 5:6** - *Kan la chak loh lai khân a hun têin Krista chu mi sualte ai chuan a lo thi ta si.*

8. Rom 5:8 chhiar rawh. Eng ang dinhmuna kan din lai khân nge Pathianin min hmangaih?

**Rom 5:8** – *Nimahsela, Pathian chuan a mi hmangaihna chu fak tlâkin a lantîr a, mi sualte kan la nih laia Krista kan aia a thih avâng khân.*

9. Rom 5:10 chhiar rawh. Eng ang dinhmuna kan din lai khân nge Pathianin min hmangaih?

**Rom 5:10** - *Hmêlma kan nih lai maha a Fapa thihna avânga Pathian nêna lo inrem tawh kan nih si chuan, inrema kan awm tawh hnu hian a nunna avângin chhandamin kan awm ngei ang.*

10. Isua Krista hnênah ngaihdam i dîla, i Lal leh i Chhandamtu ni tûra i sawm a, Isua'n ama nun ngei i سوال tlan nân a hlân tih i rin bawk chuan, Pathian chuan a zahngaihna leh khawngaihna ze dik tak chu a entîr ngei ang che em?

## ZAWHNA LEH CHHÂNNA

1. Rom 5:13 chhiar rawh. Heta ‘suala ngaih a ni lo’ a tih hi a awmzia eng nge?

***Thilman kan bat a, kan ba buah ziah luh a ni lo tih ɣawngkam a ni***

2. Rom 7:7 chhiar rawh. Dân lo awmchhan kha eng nge?

***Sual kan hriat nâna lo awm a ni***

3. Galatia 3:24 chhiar rawh. He baibul châng ang hian, dân lo awmchhan kha eng nge?

***Mihring hnênah Isua Krista, chhandamtu a mamawh tih a hriat chhuah theih nâna lo awm a ni***

4. Johana 8:1-11 chhiar rawh. Lal Isua khân engtin nge uirênu an man kha a buaipui dân?

***Zahngaihna leh khawngaihna in***

5. Isua thu sawite leh thiltihte khân Pathian mize dik tak an lantîr em? Johana 3:34 en rawh.

***Aw, lantîr e***

6. 1 Johana 4:8 chhiar rawh. He baibul châng ang hian, Pathian mize dik tak chu eng nge ni?

***Hmangaihna***

7. Rom 5:6 chhiar rawh. Eng kan la nih lai khân nge Pathian hmangaihna chuan kan lam a hawi?

***Chakna rêng kan la neih loh lai, tanpui ngaih lai leh Pathian hriat loh laiin***

8. Rom 5:8 chhiar rawh. Eng ang dinhmuna kan din lai khân nge Pathianin min hmangaih?

***Mi sualte kan nih laiin***

9. Rom 5:10 chhiar rawh. Eng ang dinhmuna kan din lai khân nge Pathianin min hmangaih?

***Hmêlmate kan nih laiin***

10. Isua Krista hnênah ngaihdam i dîla, i Lal leh i Chhandamtu ni tûra i sâwm a, Isua'n ama nun ngei i soal tlan nân a hlân tih i rin bawk chuan, Pathian chuan a zahngaihna leh khawngaihna ze dik tak chu a entîr ngei ang che em?

***Aw, entîr ngei ang***

## ZIRLAI 6-NA

# SIMNA (INLAMLÊTNA)

*By Don Krow*

Mi thenkhat chuan simna (inlamlêtna) chungchâng thua hriat thiam loh an nei thîn. Simna hi fel famkimna ni lovin, kawng zawh thîn thlâk danglamna a ni. Fapa tlânbo tehkhinthu chungchâng kha kan thlîrho dâwn a. Isua khân tehkhin thu hmangin, mimalin simna nun a neih dân chanchin fiah takin min hrilh a nih kha. Luka 15:11-12 kan en chuan, *“Tin, mi tuin emaw fapa pahnih a nei a; tin, a naupang zâwk chuan a pa hnênah, ‘Ka pa, ro ka chan ai mi pe rawh,’ a ti a. Tichuan, a sum chu an hnênah a sem ta a”* tih kan hmu a.

A fapa naupang zâwk hian a pa boral hma hauhin, a ro chan ai neih a duh a. Chu chu kalphung pangngai ang zawng a ni lo, mahse a pa chuan a thil ngen chu tihhlawhtlinsakin, a fapate pahnih chu an ro chanai a sem ta a. Châng13-na chuan, *“Tin, ni rei lo tê chinah a fapa naupang zâwk chuan a chan ai zawng zawng chu a la khâwm vek a, khaw lamhla takah a kal ta a, chutah chuan nuam lutukin a awm a, a sum chu a khawhral ta mai mai a”* a ti a. A fapa naupang zâwk chuan a ro chan ai zawng zawng chu lain, ram hla takah a kal ta vang vang a. Chutah chuan a hausakna chu a chênral ta huau huau mai a ni. Baibul lehlin pakhat chuan, *“Hlimhlawp bâwlin, a sum neihte chu nawhchizuarte hnênah a khawhral”* tiin a ziak.

Châng 14-15-nate chuan, *“Tin, a deh ral zawh veleh, chu khaw lamah chuan tàm nasa tak mai a lo tla a; ei tûr a lo tlachham ta a. Tichuan, chumi khaw lam mi, mi pakhat a va bêl a; chu mi chuan vawk chaw pe tûrin a lo lamah a tîr a.”* a ti phawt a. Chu khuua mi pakhat

hnênah hna a va hmu a, vawk chaw pe tûrin a lo tîr ta a ni. Châng 16-na kan en chuan, “*Vawk chaw hmangte chuan intihpuar a duh êm êm a; tuma ’n engmah an pe si lo*” tih kan hmu leh a. Rilţam êm êm, chaw nghei tûr ang hialin a lo awm tâkah chuan, “*Vawk chaw kha min han pe mai r’u – eng thil pawh*” a ti chungin, tu mahin ei tûr an pe si lo. A ro chanai zawng zawng lah a chênral vek tawh bawk si. Châng 17-na chuan, “*Tin, a inhriat chhuah veleh, ‘Ka pa hnêna inhlawhfate chaw ei sên lohva nei an tam vei nêh, kei lah chu hetah rilţâmin ka thi dâwn si a!’*” a ti ta a. Baibul lehlin pakhat leh chuan, “*A inngaihtuah harh Veleh*” tiin a letling thung”. A awmzia chu, a pa chhiahhlawhte mai mai pawhin amah aain ei tûr an ngah zâwkin, amah chu rilţamin a thi ruai a ni si a, tihna tluk a ni.

Tichuan, thutlûkna a siam ta a – a inlamlêt (sim) ta a ni. Simna kan tih hi rilru thlâk danglamna, thinlung inthlâk danglamnain mihring chu inlamlêta, kawng thar zawh tûra siam danglamtu a ni. Châng 18-19-naah chuan heti hian a ti ta a nih kha, “*Ka tho vang a, ka pa hnênah ka kal ang a, a hnênah, ‘Ka pa, vâna mi chungah leh nangma mithmuhin thil ka tisual e; i fapaa vuah tlâk ka ni ta lo ve; i hnêna inhlawhfa pakhat angin mi siam ve rawh, ka ti ang,’ a ti a.*” “*Ka pa, i bawihah min siam rawh, i chungah thil ka lo tisual tain i sum ka khawhral ta vek a, Pathian lakah pawî ka khawih ta a ni. Chuvângin, i duh ang ang a i chhawr tûr chhiahhlawhah min siam rawh, a tihna tluk a ni.*” Tichuan, a thova a pa hnên lam chu a pan ta a ni. Simna hi ngaihdân tih danglama, rilru thlâk danglamna leh thinlung thlâkthlengna ringawt a ni lova; rin dân thar a lo neih avângin, a hawi kîra kawng thar lam panin mi a chêt chhuahtîr thîn a lo ni zâwk. Kan zavaiin Pa Pathian leh vânrâm, kan in ata kan pêng bo vek tawh a. Baibul chuan Isaia 53:6-ah, “*Kan za hian berâm angin kan vâk bo va, mahni kawng kawngah kan pêng theuh va*” tia a lo sawi tawh ang khân. Mahse, Pathian chuan kan sualnate chu min lâk bosakin, Isua chungah a nghat ta vek a lo ni.

Tekhîin thu kha châng 20-24-ah heti hian chhunzawm a nih kha, “*Tichuan, a tho va, a pa hnênah a kal ta a. Chuti chuan, hla taka a la awm laiin a pain a lo hmu a, a khawngaih êm êm a, a tlân a, a ir a*

*chuktuah a, a fawp ngawih ngawih a. Tin, a hnênah a fapain, 'Ka pa, vâna mi chungah leh nangma mithmuhin thil ka tisual e; i fapaa vuah tlâk ka ni ta lo ve,' a ti a. Nimahsela a pa chuan a bawihthe hnênah, 'Puan tha ber kha han la thuai ula, han sintîr rawh u; a kutah zungbun te, a kehphahah pheikhawk te buntîr rawh u; sebawng no thau tak kha han la ula, talh rawh u, hlim takin i ei ang u; he ka fapa hi a thi a, a lo nung leh ta a nih hi; a bo va, kan hmu leh ta a nih hi,' a ti a. Tichuan hlim takin an awm tan ta a" tiin. Inpâwl khawmna hun hlimawm an nei chho leh thei ta a ni.*

He tehkhin thu hi mi pakhat hnênah ka hrilh tumin, ani chuan, "Isua thu sawi awmzia hi ka man thiam e. Kan Pa vâna mi lam hawia, zahngaihna dîla, 'Ka Pa, i chungah thil ka lo tisual ta a, i fa-a vuah tlâk pawh ka ni ta lo' ka tih chuan, Ani'n a fa-ah min lo pawm mai dâwn a ni" a ti. Vâna kan Pa hian lainatna a ngah a, a bawihah a lo siam hauh lo vang che. A fapa i nihna dik takah a lo dah leh zâwk dâwn che a lo ni. Chuvângin Pathianin a nghâk reng che a ni. I lo vâk bo tawh thîn em? Tûn hunah ngei hian Pathian, vâna i Pa leh vânrâm, i in lamah kîr leh ta che!

## ZAWHNA LEH BAIBUL CHÂNG HMAN TÛRTE

1. Simna awmzia han sawi teh.
2. Luka 3:1-5 chhiar rawh. Miin a boral lohna tûrin eng thil nge a tih ang?

**Luka 3:1-5** - *Tin, Tiberia Kaisara a lal achin kum sâwm leh kum nga kumah (Pontia Pilata chu Judai ram awptu a ni a. Heroda chu Galili ram lal a ni a, a unau Philipa chu Iturea leh Trakonitis ram lal a ni a, Lusania chu Abilene ram lal a ni a, [2] Ana leh Kaiapha chu puithiam lalberte an ni a), thlalêrah Zakaria fapa Johana hnênah chuan Pathian thu a lo thleng a. [3] Tin, ani chu Jordan lui kam vêl ram tinah a kal a, thil tihsual ngaihdam nân simna baptisma thu a hril zêl a; [4] Zâwlnei Isaia thu buah: “Thlalêra mi au râwl chuan, ‘Lalpa lamlian sial ula, A kawngte tingîl rawh u, [5] Kawr tin chhûn khah a ni vek ang a, Tlâng tin mual tin tihhniam a ni bawk ang; Kawng kawite a lo ngîl ang a, Kawng bumbohte a lo rual bawk ang;*

3. 2 Petera 3:9 chhiar rawh. Mi zawng zawng tâna Pathian duh zâwng hi eng nge ni?

**2 Petera 3:9** - *Mi thenkhatin muanga an ruat angin Lalpa chu a thutiam kawngah chuan a muang lo ve; tu ma boral duh lova, mi zawng zawng lo sim duhin, nangmahni lamah a dawhthei a ni zâwk e.*

4. Luka 16:19-31 chhiar rawh. Luka 16:28 kan en chuan, Eng vângin nge mi hausa pa khân mitthi zînga mi ngei lo tho lehin, a unaupate hnêna thu zuk sawi tûra a duh?

**Luka 16:19-31** - *“Tin, mi hausa tu emaw a awm a, puan senduk leh puan zai sîn tak a sin a, ni tin nuamsa takin a awm thîn; [20] tin, a hming Lazara, kutdawh pakhat, pân bawm khah lûk, a kawngkhâr bulah an muttîr thîn a, [21] mi hausa dawhkâna ei nawi tla chu ei a duh a; uite lah chuan a pânte an lo liahsak thîn a. [22] Tin, heti hi*



*a ni a, kutdawh chu a thi a, vântirhkohten an kalpui a, Abrahama ângchhûngah an dah a. Mi hausa pawh chu a thi a, phûmin a awm ta a. [23] Tin, mitthi khuaah chuan na tak tuar rêng rêngin a awm a, a han vanvadâk a, hla taka Abrahama, a ângchhûnga Lazara awm nên a hmu ta a. [24] Tin, a au va, 'Ka pa Abraham, mi khawngaih la, Lazara kha han tîr rawh, a kutzung hmâwr tuiah chiah sela, ka lei tihdaihna tûrin; he meialhah hian ka na êm êm a ni,' a ti a. [25] "Nimahsela, Abrahama chuan, 'Ka fapa, nangin i dam lai khân thil tha i chang a, chutiang bawkin Lazaran thil tha lo a chan kha hre ta che; nimahsela, tûnah ani zawng hetah thlamuang takin a awm a, nang zawng i nâ a nih kha. [26] Chu lo rêngah pawh, heta tanga nangni hnêna kal tumte chu an kal theih lohna tûr leh, tu mah khata tanga keini hnêna an lo kai theih lohna tûrin, keini leh nangni inkârah hian leikak nasa tak an siam tlat a ni,' a ti a. [27] "Tin, ani chuan, 'A nih leh ka pa, ani chu ka pa ina kaltîr tûr talin ka ngên a che; [28] pianpui mipa panga ka nei si a; he ka awmnaah hian an lo kal ve dah ang e, thahnemngai takin hrilh teh se,' a ti a. [29] Abrahama erawh chuan, 'Mosia leh zâwlneite an nei alâwm; chu mite thu chu ngai rawh se,' a ti a. [30] Tin, ani chuan, 'Ka pa Abraham, ni lo ve; mitthi zînga mi meuh an hnênah kal zâwk sela an sim ang,' a ti a. [31] Tin, ani chuan a hnênah, 'Mosia leh zâwlneite thu an ngaih loh chuan, mitthi zînga mi tholeh mah sela an awih chuang lo vang,' a ti a," a ti a.*

5. Luka 16:30 chhiar rawh. Hênga unau pate hian he nâ tawrhna hmun (Hremhmun) pumpelh tûr hian eng nge an tih ngai ang
6. Tirhkohte 26:18 chhiar rawh. Chiangkuang tak chuan sawi lo mah se, he lai bung leh châng hian simna chungchâng thu a sawi a. Simna nun neitute hnênah eng nge lo thleng ang?

**Tirhkohte 26:18** – *Chutichuan, thim chu êng lamah an hawisan ang a, Setana thuneihna chu Pathian lamah an hawisan ang, sual ngaihnhathiamna an hmuh nan leh, min rin avânga thianghlim tawhte zînga ro chan an neih nân, a ti a.*

7. Tirhkohte 26:20 chhiar rawh. He lai châng tâwp lamah hian Jentailte tâna thil tih tûr pathum târ lan a ni a. Chûng thil pathumte chu eng nge an nih?

**Tirhkohte 26:20** – *A tûrin Damaska khuua mite hnênah, chumi hnuah chuan Jerusalem khuua mite hnênah te, Judai ram tina mite hnênah te, Jentailte hnênah te pawh, sim hming pu tlâka thil tia, sima Pathian lam an hawina tûrin ka hril zâwk thîn a ni.*

8. Matthaia 7:21-23 chhiar rawh. Isua khân hêng mite hian Pathian duh zâwng ni lo eng thilte nge an tih thîn kha?

**Matthaia 7:21-23** - *'Lalpa, Lalpa' mi ti nazawng chu vânramah an lût lo vang a; ka Pa vâna mi duh zâwng titu erawh chu an lût ang. [22] Chumi niah chuan mi tam takin, 'Lalpa, Lalpa, i hmingin thute kan sawiin, i hmingin ramhuaite kan hnawt chhuakin, i hmingin thil mak tam takte kan ti thîn lo vem ni,' an la ti ang. [23] Chumi hunah chuan, 'Nangni thil sual tite u, ka hre ngai lo va che u, ka hnên ata kal bo rawh u,' tiin anni chu ka la hrilh ang.*

9. He thu hian tawngkam ringawt nilova Pathian laka simna dik tak pawimawhna eng tiang takin nge a lantîr?

10. Isaia 55:7 chhiar rawh. Mi suaksualte chuan eng eng an tih tûr?

**Isaia 55:7** - *Mi suaksual chuan a awm dân chu bânsan sela, mi fel lo chuan a ngaihtuahte chu bânsan bawh rawh se; Lalpa hnênah kîr leh rawh se; tichuan, anin a lo khawngaih ang; kan Pathian hnênah kîr leh rawh se, anin a ngaidam nasa khawp dâwn si a.*

11. Mi fel lote chuan eng thil pahnih nge an tih tûr?

12. Chung thil pahnih titute chungah Lalpa'n eng thil nge a tih ve ang?

13. Luka 15:7 chhiar rawh. Mi sual, sual simte engtin nge Vânramin a lo dawnsawn?

**Luka 15:7** - *Ka hrilh a che u, chutiang bawkin mi fel sawmkua leh pakua sim chuan tûr nei lote ai chuan mi sual pakhat sim chungah hian vâna mi an lâwm zâwk ang.*

14. Tirhkohte 3:19 chhiar rawh. I sual i sima i lo pianthar hian, i sualte chungah eng nge lo thleng ang?

**Tirhkohte 3:19** – *Chuvângin, in sualte thai bo a nih theih nân sim ula, hawi kîr leh rawh u, chutichuan, Lalpa hnên ata harh hunte a lo la thleng thei ang a.*

## ZAWHNA LEH CHHÂNNA

1. Simna awmzia han sawi teh.

*A. “Hawi kêr” tûra thuthlûkna thar siam*

*B. Rilru inthlâkthlengna*

*C. Thinlung lo danglamna ațanga Pathian lam hawina, mahni tih țhin dân ațanga Pathian tih dân a lêt*

*D. Kawng zawh țhin thlâk danglamna, famkimna ni lovin*

*E. Mimal nun kawng zawh lai thlâk pumhlum tûra thuthlûkna siamna*

*F. Hnung lama thil awmte kalsana, Pathian leh a duh dân nung tûra inpumpêkna*

*G. Isua Krista kaltlanga mimal hnênah emaw Pathian hnêna hawikârna*

2. Luka 3:1-5 chhiar rawh. Miin a boral lohna tûrin eng thil nge a tih ang?

*Sima inlamlêt*

3. 2 Petera 3:9 chhiar rawh. Mi zawng zawng tâna Pathian duh zâwng hi eng nge ni?

*Mi zawng zawng sima awmah a duh*

4. Luka 16:19-31 chhiar rawh. Luke 16:28 kan enin, eng vângin nge mi hausa pa khân mitthi zînga mi ngei lo tho lehin, a unaupate hnênah eng thu nge zuk sawi tûra a duh?

*He hremhmun an pumpelh theihna tûrin*

5. Luka 16:30 chhiar rawh. Hênga unau pate hian he nâ tawrhna hmun (Hremhmun) pumpelth tûr hian eng nge an tih ngai ang?

*An sima an inlamlêtna ngei a ngai*

6. Tirhkohte 26:18 chhiar rawh. Chiangkuang tak chuan sawi lo mah se, he lai bung leh châng hian simna chungchâng thu a sawi a. Simna nun neitute hnênah eng nge lo thleng ang?

*A. An mit a lo var ang*

*B. Thim ata êngah an lût ang*

*C. Setana thuneihna hawisanin Pathian thiltihtheihnaah an intulût ang*

*D. An sualte ngaihnhathiamna an hmu ang*

*E. Ro chan an nei ang*

7. Tirhkohte 26:20 chhiar rawh. He lai châng tâwp lamah hian Jentailte tâna thil tih tûr pathum târ lan a ni a. Chung thil pathumte chu eng nge an nih?

*A. Simna*

*B. Pathian lam hawi*

*C. Sim hming pu tlâka thil tih*

8. Matthaia 7:21-23 chhiar rawh. Isua khân hêng mite hian Pathian duh zâwng ni lo eng thilte nge an tih thîn kha?

*Khawlohna leh dân bawhchhiatna te*

9. He thu hian ʔawngkam ringawt nilova Pathian laka simna dik tak pawimawhna eng tiang takin nge a lanfîr?

***Chhandamna chu thinlung aʔanga lo chhuak, ʔawngkam ringawt nilovin***

10. Isaia 55:7 chhiar rawh. Mi suaksualte chuan eng nge an tih tûr?

***An awm dân ʔha lo bansan***

11. Mi fel lote chuan eng thil pahnih nge an tih tûr?

***An ngaihtuahna sualte bansana Lalpa hnêna kîr leh***

12. Chung thil pahnih titute chungah Lalpa'n eng thil nge a tih ve ang?

***An chungah zahngaihna lanfîrin khawngaihna nasa tak a hmuhtîr ang***

13. Luka 15:7 chhiar rawh. Mi soal, soal simte engtin nge vânramin a lo dawnsawn?

***Vânramah chuan lawmna nasa tak a thleng***

14. Tirhkohte 3:19 chhiar rawh. I soal i sima, i lo pianthar hian, i sualte chungah eng nge lo thleng ang?

***Ka sualte thai bo a ni ang***

**ZIRLAI 7-NA**  
**INPUMPÊKNA**

*By Don Krow*

**Luka 14:25-26 – Tin, mipui tam tak a hnênah an kal ve a; tichuan, ani chu a hawi a, an hnênah, “Tu pawh ka hnêna lo kal chuan, a pa te, a nu te, a nupui te, a fa te, a unau te, a farnu te, ama nun nêl lam pawh a huat loh chuan ka zirtîr a ni thei lo vang.**

*“Isua hnênah mipui tam tak an kal ve a, an hnên lam chu a hawi a, an hnênah” (Luka 14:25) tih kan hmu a. Isua rawngbâwl hunlai hian, amah zuitu mipui tam tak an awm a. Mizo ãawng hian a sawitum tak a phawk chhuak zo lo, mahse Greek ãawng chuan, he châng hi imperfect tense (thil thleng tawhrawn thleng nawn leh sawina) a ni tih kan hmu thei thung. Chumi awmzia chu, hetih hun lai hian, mipui tam takte chuan Isua kha chhum lo chat lovin a hnung an zui reng tihna a ni. Thilmak a tihte vâng emaw, mite a hrai vâng pawh a ni thei, a chhan chiah zuk hre lo mah ila, mipui sâng tam tak khân amah an zui reng a ni. Chutih hun lai tak chuan a ni, Isua khân mipui lamte hawiin, mi tam takin amah an hawisana, a hnungzui an bânsan phah theihna tûr ni ngeia lang thu kha a sawi chhua luih tâk ni.*

*“Tu pawh ka hnêna lo kal lo chuan [ka ruala kal a duh chuan, ka kiangah a kal duh chuan, mi zui a duh chuan tihna a ni], a pa te, a nu te, a nupui te, a fa te, a unau te, a farnu te, ama nun nêl lam pawh a huat loh chuan ka zirtîr a ni thei lo vang” tiin Luka 14:26 chuan a ziak a. He Pathian thu ka han en hian, ‘Lalpa, chutiingin i ti tak tak lo vang. Heta “huat” tih ãawngkam hi eng nge a awmzia le? Tlêma hmangaih lo deuh tihna lampang a ni ang em’ tiin ka inngaihtuah a.*

Mahse, ka han zir chian deuh tâkah chuan, “hua” tih ÷awngkam chu a lo ni ngei tih ka zuk hmu chhuak ta a ni.

Isua hian a thu sawi tihfiah nân, ÷awngkam uar thei ang ber a hmang a lo ni. I pa emaw, i nu emaw, i nupui emaw, i fate emaw, i unaute emaw i nun ngei pawh i huat loh chuan, a hnungzuitu i ni thei lo vang, tiin a sawi a ni. Ka zawh duh che chu: He khawvêlah hian tu nêh nge inlaichînna thûk ber i neihpui theiha i rin? I nu leh pa, i nupui leh i fate emaw pawh an ni thei e. A nih leh i nupui chuan haw ta che se la, then hial che lo duh ta se la, emaw i nu leh pa lo thi ta ang se la? Chutih hunah chuan tu nge i kiangah ding tlat ang? I unaupa leh unaunu te an ni ngei ang. Isua erawhin, anmahni chu i huat si loh chuan, a hnungzuitu i ni thei lo vang a ti si a. Eng chungchâng nge a sawi tak?

Isua hian inlaichînna thûk ber kan neihpui theih chungchâng thu a ni a sawi. I lak a÷angin inpumpêkna a phût a, chu inpumpêknaah chuan amah chu a pawimawh lawr lak tûr a ni. I nunah mi pawimawh ber nih a duh. He khawvêla inlaichînna thûk ber i neih leh amah nêna in inlaichînna chungchâng nêh a khaikhin ÷hîn dâwn tihna a ni. “Huat” tih chu tehkhinna ÷awngkam, khaikhinna thu a ni a, Isua chuan, “Nang nêna kan inlaichînna hi a pawimawh êm avângin, khawvêl thil zawng zawngte aiin kan inlaichînna hi a sâng ber chungchuang tûr a ni” a tihna a ni. I nupui te, i fa te, i nu leh pa leh i unau te ai pawha hmangaih zâwk mi pakhat i nei a. Chu mi chu tu nge a nih i hria em? Pathian a ni lo ania... nangmah ngei kha a ni. I laichîn hnai berte ai pawhin mahni i inhmangaih zâwk ÷hîn.

Eng vângin nge chhûngkua a keh chhiat a, nupui pasal an inthen ÷hîn? An kawppuite aia mahni an inhmangaih zâwk ÷hîn vâng a ni. “Ka duh dân ang zêla thil i tih loh chuan, ka tân tangkaina i nei lo” an tih ÷hîn vâng a ni.

Isua chuan inlaichînna, mahni hma i sialna nun ai pawha ka pawimawh zâwkna chu ka hauh a ni, a ti. Chu chu a zirtîr nihna dik tak



chu a lo ni. Chên nei lova Ama hnungzui lam a sawi lo. Amah zui tûrin  
min sawm mai a ni. Kan nunah hian mi pawimawh ber nih a duh a ni.

## ZAWHNA LEH BAIBUL CHÂNG HMAN TÛRTE

1. Luka 9:57-62 chhiar rawh. He lai Baibul châng hian, Krista hnung kan zuina kawnga kan inpumpêkna thûk zâwng tûr eng nge min zirtîr?

**Luka 9:57-62** - *Tin, kalkawnga an kal laiin tuin emaw a hnênah, “I kalna apiangah ka zui ang che,” a ti a. [58] Tin, Isuan a hnênah, “Sihalten kua an nei a, chunglêng savate pawhin bu an nei a, Mihring Fapa erawh hi chuan a lu nghahna a nei lo,” a ti a. [59] Tin, mi dang hnênah, “Mi zui rawh,” a ti a. Nimahsela, ani chuan, “Lalpa, ka pa mi vuitîr zet rawh,” a ti a. [60] Isua erawh chuan a hnênah, “Mitthiin anmahni mitthi chu vui rawh se; nang chuan Pathian ram thu va hril darh zâwk rawh,” a ti a. [61] Tin, mi dang pawhin, “Lalpa, ka zui ang che; amaherawhchu, ka ina mite tawng thain mi thlahtîr zet rawh,” a ti a. [62] Tin, Isuan a hnênah, “Tu pawh leilehnaa kut nghata hnung lam en chu, Pathian ram mi ni tlâk a ni lo ve,” a ti a.*

2. Luka 8:13-14 chhiar rawh. Eng vângin nge mi thenkhatte Kristian rinna an tlûksana, an hnungtawlh thîn?

**Luka 8:13-14** - *Tin, pialtlêp chung a mi chu hêng mi hi an ni: an hriat veleh thu chu lâwm taka pawmte hi; nimahsela zung rêng an nei lo – rei lo tê chauh an awih a, thlêm an nih hunin an bânsan leh thîn. [14] Tin, hnimhlîngnei zînga tla chu hêng mi hi an ni; an hriat hnuin an kal a, dam chhûng khawsak lungkhamnate, hausaknate, nawmsaknate chuan a dîp a, an rah puitling thîn lo a ni.*

3. Ezekiela 16:8 chhiar rawh. Pathianin a mite nêna an inlaichînna kha nupui pasal inneihna nen a hrilh fiah a. He inlaichînnaah hian tu ta nge kan nih?

**Ezekiela 16:8** - *Tin, i kianga ka lo kala ka en chein, ngaih la tham i lo ni ta a, ka puan ka zâwn chia, i saruak chu ka khuh tawh a che.*

*A ni, i hnênah chhia ka chham a, thuthlungah ka luh pui ta chia, ka ta i ni ta e, tih hi Lalpa PATHIAN thu chhuak a ni.*

4. 1 Korinth 6:19 chhiar rawh. Tu ta nge i nih?

**1 Korinth 6-19-20** - *A nih leh, in taksa chu, in chhûnga awm Pathian hnên atanga in hmuh, Thlarau Thianghlim in a ni tih in hre lo em ni le? Mahni ta pawh in ni lo va, [20] mana lei in ni tawh asin; chuvângin, in taksaah chuan Pathian chawimawi rawh u.*

5. 1 Korinth 6:20 chhiar rawh. I taksa leh thlarau kha tu ta nge?

6. Jakoba 4:4 chhiar rawh. Pathian hi thlarauin i uirêsan thei em?

**Jakoba 4:4** - *Nangni uirete u, khawvêl ðhian nihna hi Pathian hmêlma nihna a ni tih in hre lo vem ni? Chutichuan, tu pawh khawvêl ðhian nih duh apiang Pathian hmêlmaah a insiam ðhîn a ni.*

7. Engte nge Pathian mithmuha thlarau uirêna? Rom 1:25 chhiar rawh.

**Rom 1:25** - *Pathian thutak chu dâwta chantîrin, a Siamtu biak aiin a siama chu biain a rawng an bâwl ta zâwk si a. A Siamtu chu chatuana fak tlâk a ni. Amen.*

8. Johana 2:23-25 chhiar rawh. Hêngbung leh châng atangte hian, eng ang inpumpêkna leh eng ang rinna nge kan zir chhuah theih ang?

**Johana 2:23-25** - *Tin, kalhlên kûta Jerusalem khuua a awm lai chuan a thil mak tihte an hmu a, mi tam takin a hming an ring ta a. [24] Nimahsela, Isua chu an lakah a ngampa lo, mi zawng zawng a hriata, mihring thu tu ma hrilh fiah a ngaih loh avângin; amahin [25] mihring chhûnga awm apiang chu a hre si a.*

9. Luka 14:28-30 chhiar rawh. Isua zui man tamzia i chhut tawh ngai em? A hnungzui i duh takzet em?

**Luka 14:28-30** - *Chuti lo chuan, lung phûm tawh zeta a sak zawh theih loh chuan, a en apiangin, 'He mi hian in a rel ting a, a sa zo thei si lo,' tiin an nuihsan dah ang e. "Nangni zîngah tu pawhin in sâng sak tum ula, a tîrah thuin, sak zawhna khawp sum in neih leh neih loh hre tûrin, a man tûr chin tu nge chhût lo vang che u?[29,30] Chuti lo chuan, lung phûm tawh zeta a sak zawh theih loh chuan, a en apiangin, 'He mi hian in a rel ting a, a sa zo thei si lo,' tiin an nuihsan dah ang e.*

## ZAWHNA LEH CHHÂNNA

1. Luka 9:57-62 chhiar rawh. He lai Baibul châng hian, Krista hnung kan zuina kawnga kan inpumpêkna thûk zâwng tûr eng nge min zirtîr?

### *Inpumpêkna pumhlum*

2. Luka 8:13-14 chhiar rawh. Eng vângin nge mi ðhenkhatte Kristian rinna an tlûksana, an hnungtawlh ðhin?

*Pathian thuah nghet takin zung an kaih lova. He khawvêl nawmsakna, hausakna leh nawmchenna te'n anmahni an hruai bo ðhin*

3. Ezekiel 16:8 chhiar rawh. Pathianin a mite nêna an inlaichînna hrill fiah nân nupui pasal inneihna entîrnân a hmang. He inlaichînnaah hian tu ta nge kan lo nih?

### *Lalpa Pathian*

4. 1 Korinth 6:19 chhiar rawh. Tu ta nge i nih?

### *Pathian*

5. 1 Korinth 6:20 chhiar rawh. I taksa leh thlarau kha tu ta nge?

### *Pathian*

6. Jakoba 4:4 chhiar rawh. Pathian hi thlarauin i uirêsan thei em?

### *Aw*

7. Engte nge Pathian mithmuha thlarau uirêna?

*A laka thinlung hêla, a thilsiamte chibai bûknaah (Pathian aia i nuna i ngaih pawimawh zâwkte chu)*

Rom 1:25 chhiar rawh.

8. Johana 2:23-25 chhiar rawh. Hêngbung leh châng aṭangte hian, eng ang inpumpêkna leh eng ang rinna nge kan zir chhuah theih ang?

***Isua chuan kan thinlung zawng zawng a duh a ni (inpumpêkna nun chu)***

9. Luka 14:28-30 chhiar rawh. Isua zui man tamzia i chhut tawh ngai em?

A hnungzui i duh takzet em?

**ZIRLAI 8-NA**  
**TUI BAPTISMA**

*By Don Krow*

**Zawhna:** *“Vânrama kai tûr hian baptisma ka chan kher a ngai em tih hi hriat ka duh a ni. Pathian ka hmangaihin, kum 7 mi ka nihin baptisma ka chang tawh a. Tûnah chuan kum 18 ka lo ni ve ta a, kohhran thurin bîk nei lova lawi mi pakhatin, naupangte nih laiin chhandamna chan leh baptisma chan a nih theih loh, tiin min hrilh a. Anmahni bawk hian vânram kai tûr chuan baptisma chan ngei a ngai an tih laiin, ka lawina Baptist chhûngkua erawh chuan, a ngai hran lo an ti thung a. Vânram kai hi ka duh ber a ni. Pathian tân ka phâk ang tâwk zêlin ka nun ka hmang thîn, mahse baptisma ka chan nawn leh a ngai em tih hi hriat ka mamawh takzet a ni, hetia kum lama chang thei rual an tih ka lo nih tâkah chuan. A rang lama min puih theih chuan ka lawm hlê ang. Lalpa'n malsawm che u rawh se”*

**Chhâna:** Chhandamna leh sual ngaihdamna te hi a thlâwn liau liau, Isua Krista kan rinna kaltlanga kan chan a ni a. Tirhkohte 10:43 chuan heti hian a ti a, *“Tu pawh amah chu ring apiang, a hming avângin sualte ngaihhnathiamin an awm ang tih, hêng a chanchin hi zâwlnei zawnng zawnngin an hriattîr thîn kha,”* tiin. Chhandamna chu rinna kaltlanga lo awm niin; Isua rinna leh inngahna, leh kan tâna a thisen a luanna chuan Pathian hmaah thiamchangin min dintîr ta a. Tirhkohte 10:44-48-ah ringtute chuan baptisma an chan hma in Thlarau Thlianghlim an dawng tih kan hmu a, chu chuan a finfiah chu baptisma chan hma in chhandam an ni tih hi.

Hei hi thu dik ni mah se, hmun dangah baptisma an chan laia soal ngaihdamna thleng angin a lang bawk sia (Tirkhohte 2:38). Hei hi a chhan leh vâng chu baptisma hi miin a rinna a lantîrna emaw rinna avânga a thiltih a ni, simna leh rinna nêna Isua lam a hawi lai a thil tih a ni. (Marka 16:16 chuan, “*A ringa baptisma chang chu chhandamin an awm ang a; a ring lo erawh chu thiam loh changin an awm ang*” a ti rêng a). Tin, Pathian hming kan lamna ațanga chhia leh ța hriatna thiangan kan neihna a ni. (Tirkhohte 22:15 leh 1 Petera 3:21)

Naupang kum 7 mi i niha, thinlung leh tih takzeta Isua lam i hawia, baptisma i chang anih chuan, Pathian chuan rinna mawlmang tak i neih kha a lo pawm êm êm a ni. Baptisma chan hmain thil pawimawh hriat ngei ngei tûr erawh a awm. Pakhat chu simna a ni. Thinlung leh rilru inthlâk danglamna i neih avânga i سوالنا ațanga Isua lam hawitîrna che leh a ngaihdamna i chang em? (Tirkhohte 2:38, 20:21 leh 17:30) Isua chu i Lal leh Chhandamtu a ni tih, rinnain i pawm em? (Marka 16:16, Johana 3:16 leh Rom 10:9-10)? I la pawm lo a nih chuan, tûnah khân Isua hnên pan la, soal thupha chawiin, a khawngaihnaah chuan ngaihdamna chang tûrin a hnên pan la, tichuan, a hnungzui tûra thutlûkna i siamna chu tui baptisma hmangin nemnghet ang che.

**Baptisma hi miin Isua an rinna an lan chhuahtîrna a ni a.** Chu mi rinna tel lo chuan, a baptisma chan chu engmah lo mai a ni. Isua hnên pana, Lal leh Chhandamtua pawmtute chuan mi zawng zawng hriatah chu an rinna chu an lan chhuahtîr ngam a, zep nei miah lovin Isua an thlang tih an lantîr ngam bawk. Isua thupêk hnialtute chuan, eng emaw chenah rinna thi an lantîr tihna a ni. **Rinna chu miin a lan chhuahtîr duh loh chuan thi a ni thîn** (Jakoba 2:18-19). I rin chauhvîn chhandamna i chang thei, mahse chu rinna chu amah maiin a awm ngai ngai lo. Rinna chuan in lan chhuahtîr a duh reng thîn. Baptisma chan hi chu rinna lan chhuahtîrna a lo ni. **Baptisma chan erawhin min chhandam lo, Isua zâwkin min chhandam a ni. Tuiin kan sualte a tlêng fai lova, Isua thisenin a tlêng fai zâwk a ni.** Rinna hmangin a thisen chuan alo tlêng fai che a, chu rinna chu miin baptisma a chan laiin a lanchhuahtîr thîn a ni. (Tirkhohte 22:16) Zawhna lo



awm ta chu, tânah khân simin i inlamlê tawh em? Amah (Isua) chu i ring em? A nih si chuan muangchâng lovin, tho la, baptisma chu chang rawh le.

## ZAWHNA LEH BAIBUL CHÂNG HMAN TÛRTE

1. He tleirawl hian eng zawhna nge a zawh kha?
2. Tirhkohte 10:43 sawi angin, engtin nge kan hnênah chhandamna a rawn thlen dân?

**Tirhkohte 10:43** – *Tu pawh amah chu ring apiang, a hming avângin sualte ngaihnathiamin an awm ang tih, hêng a chanchin hi zâwlnei zawng zawngin an hriattîr ðin kha.*

3. Baptisma chu rinna kan puanchhuahna a ni a, chhandamna a lo thlen laia kan tih ðin a ni. Engtin nge Tirhkohte 2:38 hian he thutak hi a puanzâr?

**Tirhkohte 2:38** - *Tin, Petera chuan an hnênah, “Sim ula, in sual ngaihdam nân Isua Krista hmingin baptisma chang ðeuh rawh u; tichuan, Thlarau Thianglim pêk hi in hmu ang.*

4. Marka 16:16 hian engtin nge he thutak hi a puanzâr?

**Marka 16:16** - *A ringa baptisma chang chu chhandamin an awm ang a; a ring lo erawh chu thiam loh changin an awm ang*

5. Baptisma hi Lalpa hming lamna kawng pakhat a ni a. Chu chu Tirhkohte 22:16 hian engtin nge he thutak hi a sawi fiah?

**Tirhkohte 22:16** - *Tin, engati nge i la awm reng le? Tho la, ama hming lam chungin baptisma chang la, i sualte tlêng fai ta che, mi ti a.*

6. Baptisma hi Pathian hming kan lamna aţanga chhia leh ða hriatna thiang kan neihna a ni. 1 Petera 3:21 hian chu chu a nemnghet em?

**1 Petera 3:21** - *Chumi anpui (baptisma) chuan Isua Krista thawhleha avângin tûnah a chhandam che u a ni (tisa bawlhhlawh*

*tihfai mai ni lovin, chhia leh tha hriatna thianga Pathian lamna hi a ni zâwk e*

7. Tirhkohte 3:28 enin, Baptisma chang tûrin eng nge ngai?
8. Marka 16:16 enin, Baptisma chang tûrin eng nge ngai?
9. Nausên hian a soal a sim thei em?
10. Nausên hian a ring thei em?
11. Tirhkohte 10:43-48 chhiar rawh. Krista a rin hnu hian, ringtu chuan eng kawng nge a zawh leh tûr?

**Tirhkohte 10:43-48** – *Tu pawh amah chu ring apiang, a hming avângin sualte ngaihnhathiamin an awm ang tih, hêng a chanchin hi zâwlnei zawng zawngin an hriattîr thin kha,” a ti a. [44] Tin, Peteran chûng thu a sawi lai tak chuan, thuhretu zawng zawng chungah chuan Thlarau Thianghlim a lo thleng ta a. [45] Tin, serh tanho zînga ringtute, Petera rawn zui apiang chuan, Thlarau Thianghlim pêk chu Jentailte chungah pawh leih a nih avângin mak an ti hle a; [46] tawng hriat lohtea thu sawiin Pathian fakin an hre si a. Tin, Peteran a bia a, [47] “Hêng mite, keimahni anga Thlarau Thianghlim hmu ve hi, baptisma an chan loh nân miin tui hman an khap thei em ni?” a ti a. [48] Tichuan, Isua Krista hminga baptisma chan tûr thu a pe a. Chûng zawhah chuan ni eng emaw zât châmah an ngên a.*

## ZAWHNA LEH CHHÂNNA

1. He tleirawl hian eng zawhna nge a zawh kha?

*Vânram lai târin Baptisma chan a ngaih leh ngaih loh a zawt*

2. Tirhkohte 10:43 sawi angin, engtin nge kan hnênah chhandamna a rawn thlen dân?

*A thlâwnin, Isua Krista rinna kaltlanga thilthlâwnpêk angin*

3. Baptisma chu rinna kan puanchhuahna a ni a, chhandamna a lo thlen laia kan tih thin a ni. Engtin nge Tirhkohte 2:38 hian he thutak hi a puanzâr?

*Petera chuan an hnênah, “Sim ula, Baptisma chang rawh u” a ti a*

4. Marka 16:16 hian engtin nge he thutak hi a puanzâr?

*Isua’n, “A ringa baptisma chang chu chhandamin an awm ang” a tih ang hian, chhandamna leh Baptisma hi a thleng hun a inrual chiah thei a ni*

5. Baptisma hi Lalpa hming lamna kawng pakhat a ni a. Chu chu Tirhkohte 22:16 hian engtin nge he thutak hi a sawi fiah?

*Baibul chuan miin Lalpa hming an lam chuan, an sualte tlen faisakin a awm ang a ti a. A lan danah chuan Lalpa hming lam hi tawngkama sawi chhuahna a ni. (Luka 18:13) A nih loh pawhin Baibula a lan dân ang thovin, Baptisma channa hi a ni bawk*

6. Baptisma hi Pathian hming kan lamna aţanga chhia leh tha hriatna thiang kan neihna a ni. 1 Petera 3:21 hian chu chu a nemnghet em?

*Aw*

7. Tirhkohte 3:28 enin, Baptisma chang tûrin eng nge ngai?

***Sual Simna***

8. Marka 16:16 enin, Baptisma chang tûrin eng nge ngai?

***Miin rinna a nei tûr a ni***

9. Nausên hian a sual a sim thei em?

***Thei lo***

10. A nih Nausên hian a ring thei em?

***Thei lo***

11. Tirhkohte 10:43-48 chhiar rawh. Krista a rin hnu hian, ringtu chuan eng kawng nge a zawh leh tûr?

***Tui Baptisma***

## ZIRLAI 9-NA

# KRISTAA AWMTE NIHNA THAR – Part 1

*By Andrew Wommack*

2 Korinth 5:17 thu chuan, “*Chumi avâng chuan tu pawh Kristaa awm chuan thil siam thar a lo ni a; thil hluite chu a ral ta a; ngai teh u, a lo thar ta*” tiin a sawi a. He thu, “*Kristaa awm chuan*” tih hi Thuthlung Tharah hian vawi 300 chuang hman a ni a, a zavaiin Pathian nena inzawmna, inpumkhatna pawimawhzia sawina vek a ni. Chu chu i chung a lo thlen tikah chuan, thil nung thar i lo ni tawh tihna a ni. Lehlín ðhenkhat chuan, ‘Thil siam thar’ an ti bawk.

Kristaa i nihna thar hriat thiam ngei ngeina tûr atâna ka ngaih, thupui pawimawh deuh endik ngai lo awmtîr ta chu: Kristaa i nihna thar chu i hmuh leh khawihtheih tisa huam chhûnga thleng a ni lo tih hi a ni. I taksa ruangâm chungchâng a sawina a ni lova, i hmêl leh pianphung zawng zawng a lo danglam ta a tihna a ni bawk hek lo. Chhandam nih hmaa mi thau tak kha, chhandam a nih hnuah pawh ei leh ina a insûm a nih si loh chuan, a thau dân a pangngai reng ang. A dawt lehah chuan rilru emaw thinlung dinhmun – mi tam takin anmahni mihring ze nihna bera an ngaih a sawina pawh a ni lo. Chhandam i nih hmaa mi vengva tak i nih loh chuan, chhandam i nih hnuah mi vengva tak i ni kher lo vang, mahse a hmaa i thil hriat dân leh ngaihtuah dân tam takte chu ila vawng tho ang.

A pathumna ala awm leh bawk. A ni lo pahnih kan hriat tawhna atângin leh, Baibul thuiin min khawhmuh angin keimahnia thil thar lo thlenna chu kan thlarauvah a ni. Chumi rawn nemnghehthu chu 1 Thessalonika 5:23-a Paula'n Thessalonika mite tâna a ðawngtâina,

*“Remna Pathian ngei chuan in pumin tithianglim che u rawh se; tin, in thlarau leh, in rilru leh, in taksa chu kan Lalpa Isua Krista lo kal hunah chuan sawiselbovin a puma humhimin awm rawh se”* a tih hi a lo ni ta a. He Baibul chângin chiang taka min târlan sak chu, taksa, rilru leh thlarau nei kan nihna hi a ni. Taksa lai hi chu a chiang viau a. Chu chu keimahnia hmuh thei lai, kan pâwn lam nihna sawina a ni. Chu mi piahah chuan kan thinlung dinhmun, kan rilru ngaihtuahna a awm tih kan hre theuh ang chu. Baibul-in chu chu kan rilru a tih chu a ni. Miin a kutin khawih kher che lo mah se, a thu sawi kaltlangin, a tha zâwng emaw a chhe zâwngin emaw nangmahah nghawng a nei thei che tih kan hria. Mi tam zâwkte hi chu an taksa, an rilru leh thinlunga an hriatthiam dân ang zulzui chauhvîn an awm a, mahse Pathian Thu chuan chumilo dang, thlarau a awm a ti bawk.

Chumi thlarau chu a ni chhandam kan nih hnua siam thar leh tih danglama lo awm ta chu. Nunna min pe tu ber zâwk lo niin. Jakoba 2:26 chuan, *“Thlarau tel lovin taksa chu thi a ni, chutiang bawkin thiltihte tel lovin rinna pawh chu thi a ni”* tiin a sawi rêng a ni. He thu hian kan taksatea nunna thaw luttu chu thlarau a nihzia a târlang. Kan nunna lo chhuahna bul pawh a ni rêng a. Genesis 2-a Pathianin Adama leh Evi a siam khân, Adama ruangam chu siam fel vek ni tawh mah se Pathianin amahah chuan nunna thaw a thaw lût ta a nih kha. Thuthlung Hlui Hebrai ãawng chuan heta “thaw” tih thumal hi, thâwkna tih thumal kan hman na nen inang chiahin, hmun thenkhatah chuan “thlarau” tiin lehlin a ni bawk. Pathian khân Adama taksa a siam rual khân, a thinlung leh rilru mizia a siam tel bawk, mahse Pathian chuan Adamaah nunna thaw a thaw lût a, mi nung a lo ni ta a nih kha. Chu thlarau ngeia chu a ni, keimahnia nunna rawn siamtu chu.

Chhandam an nih hma, miin an nun pumpui hlanna an neih avânga Pathian anmahni chhûnga a lo chên hma khân, anmahnia thlarau awm kha thi sa a ni a. Ephesi 2:1-in, *“Nangni pawh in bawhchhiat leh insualte vanga thi in nih lai khân a tinung che u a ni”* a lo tih ang khân. Kan pianthar hma pawhin, mihring takin kan nung ngei tih zawng kan hre chiang a. Mahse, heta “thi” tih hi chu thlaurauva thi tih

a sawina a ni. Baibul-a thihna a tih hi, tûnlai mi tam takin awm loh hlennaa an ngaih ang hi a ni lo. A awmzia tak chu, “tihhranna emaw lâkhranna” tihna mai a ni. Mihring lei taksa a lo thih hian, an awm lo hlen ta tihna a ni lo. Baibul chuan Pathian hmaah an awm nghâl anih loh chuan, hremhmunah an awm nghâl tiin min zirtîr zâwk a ni. Rilru leh thlarau chu a la nung zui reng a, mahse taksa ÷awih leh thi ta lak aţangin lâkhranin an awm zâwk a lo ni.

Genesis 2:17-in, “*In ei chuan in ei ni lâ lâin in thi ngei tûr a ni*” a tih khân, an taksa thihna a sawi lo va, an thlarau zâwk chu Pathian hnên aţanga tihhranin a lo awm ta, a tihna a ni. Kha thlarau, Pathianin keimahniah a thâwk luh nunna leh nun awmzia neihtîrtu ber kha, Pathian aţanga chhuak nunna ropui leh mak tak aţanga tihhranin a awm ta...A thianghlimna leh a famkimna...Baibul-in *nun tam* a tih, tawpchin nei lo leh tehkhin rual loh, hnianghnârna a tih nun ata chu. Tichuan, mihring chuan tlâkchhiat lam a pan ta a. Khawsa theiin la nung reng mah se, Pathian laka lâk hran leh tihhrana awmin a khawsa tawh zâwk a lo ni. Chu chu hringnunna kan buaina bul ber...thinlung leh rilru chauhna nun kan neih pahna chu a lo ni ta a ni.

Pathian hnêna mihring a lo kîr leh hian, thlarau thar pêka awmin, mi piang thar a lo ni ta a, chu ÷awngkam chu Isua'n Johana 3:5-a a hman ngei kha a ni. Mihring a lo pian chhuaha taksa, rilru leh thlarau a rawn nei ang bawkin, a han pianthar pawh khân Krista thlarau pêkin a awm ta a ni. Galatia 4:6 chuan, “*Tin, fa in nih avângin Pathianin a Fapa Thlarau chu, “Abba! (Ka pa!)” tia auvin kan thinlungah a rawn tîr a*” tiin a lo sawi ta a nih kha. Pathianin keimahniah a thlarau chu rawn dah tharin, nun thar duhawm leh nihna thar diai, thlarauva mi thar hlak nihna nei kan lo ni ta a ni.

Chuta china Kristian nun pumpui chu, a thlarauva thil thleng apiang, a thinlung leh a rilru ngaituahna hmanga inzir thar zêlna a lo ni tawh ang. Dik tak chuan, Isua Krista i Lalpaa i thlan khân, i chhandamna kha hmun thuma ÷hena hmun khat chu tihzawhin a awm tawh. I thlarau chu thlâk danglam hlakin a awm a. Chatuana i thlarau neih reng tawh



tûr nêh a danglam lo. Chu thlarau chuan hmangaihna, hlimna, remna a nei sa diam tawh a, Pathian awmpuina zawng zawng pawh a chang tawh tihna a ni. I thlarau tharah chuan tlâkchhamna leh mamawh neihna rêng rêng a awm tawh lova, mahse i hmuh thiam ve a ngai a, chuvângin a ni Pathian Thu zir hi Kristian nun atân a pawimawh êm êm ni. Mi thar hlak ni tawh mah la, Pathian Thu hriatna i neih zet loh chuan, i nun a danglam mai lo vang. Kristian nuna hnehna kan neih theihna chu Pathian Thu hi Thlarau a ni a, nunna pawh a ni tih i hmuh fiahna ațangte, tu nge i nih tih i inhriat ațanga leh, Pathian thil tih i hriat thiam a i lo rin ațangin a ni.

## ZAWHNA LEH BAIBUL CHÂNG HMAN TÛRTE

1. 2 Korinth 5:17 chhiar rawh. Tu pawh Krista-a a awm chuan, eng nge an nih kha?

**2 Korinth 5:17** - *Chumi avâng chuan tân achinah hian keini zawngin tisa lamah chuan tu mah kan hre tawh lo vang; tisa lamah Krista chu lo hre tawh mah ila, tânah zawng kan hre leh tawh lo ve*

2. 2 Korinth 5:17 chhiar rawh. Thil hlui a tihte chungah eng nge lo thleng?
3. 2 Korinth 5:17 chhiar rawh. Eng thilte nge siam thara awm chu?
4. Ephesi 2:1 chhiar rawh. I pianthar hmaa i dinhmun kha eng nge?

**Ephesi 2:1-5** – *Nangni pawh in bawhchhiat leh in sualte avânga thi in nih lai khân a tinung che u a ni; [2] chûngahte chuan hmânah khân he khawvêl dân anga in awm kha, boruaka thuneihna lal, tâna awih lo fate chhûnga thâwk mêktu thlarau dân ang hian. [3] Chûng awih lo fate zîngah chuan keini pawh hmânah chuan tisa leh rilru duh zâwnng tiin, kan tisa châknate angin kan awm vek a, mi dangte ang bawkin thinurna faa piang rêng kan nih kha; [4] nimahsela, Pathian chuan khawngaihna a ngahin, a mi hmangaihna nasa tak avâng khân, [5] kan bawhchhiatnate avânga thi kan nih lai meuh pawhin Krista rualin min tinung ve a (khawngaihnaa chhandam in ni ta e),*

5. Ephesi 2:2 chhiar rawh. Ringlo mi i nih lai khân, engtin nge i khawsaka i nun i hman thin?
6. Ephesi 2:3-5 chhiar rawh. Pathian chuan eng nge a ngah?
7. Ephesi 2:4 chhiar rawh. Engati nge Pathianin khawngaihna a ngah êm êm?

8. Ephesi 2:5 chhiar rawh. Kan sualte leh bawhchhiatnate avânga thi kan nih lai khân, Pathianin kan chungah eng nge a tih?
9. Ephesi 2:5 chhiar rawh. Engtin nge Pathianin min chhandam?
10. 1 Korinth 6:9-10 chhiar rawh. Mi chi hrang hrang a târlante ang hi ni ðhinin i in hria em?

**1 Korinth 6:9-11** - *A nih leh, mi fel lote chuan Pathian ram an luah lo vang tih in hre lo vem ni le? Bumin awm suh u; inngaih hmangte emaw, milem betute emaw, uirête emaw, mi hurte emaw, mawngkawhurte emaw, [10] rûk hmangte emaw, mi duhâmte emaw, zu ruih hmangte emaw, mi hau hmangte emaw, hlêprute emawin Pathian ram an luah lo vang. [11] Tin, nangni ðhenkhat chutiang mi in nih ðhin kha; nimahsela, Lalpa Isua Krista hmingah leh kan Pathian Thlarauvah tlen fai in ni tawh a, tihthianglim in ni tawh a, thiam chang in ni tawh.*

11. 1 Korinth 6:11 chhiar rawh. ‘In nih ðhin’ a tih hi hun kal taa mi nge, tân hun ami nge, hun lo la awm tân ami?
12. 1 Korinth 6:11 chhiar rawh. I lo ‘pianthar’ khân, thil pathum i chungah eng nge lo thleng?
13. 1 Korinth 6:11 chhiar rawh. Heta kan thlarau dinhmun a sawi hi hun kal ta ami nge, tân hun ami nge, hun lo la awm tân ami?
14. 1 Korinth 6:17 chhiar rawh. “Lalpa zawm erawh chu amah nênn \_\_\_\_\_ an ni”

**1 Korinth 6:17** – *Lalpa zawm erawh chu amah nênn thlarau pumpkhat an ni.*

## ZAWHNA LEH CHHÂNNA

1. 2 Korinth 5:17 chhiar rawh. Tu pawh Krista-a a awm chuan, eng nge an nih kha?

*Thil siam thar*

2. 2 Korinth 5:17 chhiar rawh. Thil hlui a tihte chungah eng nge lo thleng?

*A ral vek*

3. 2 Korinth 5:17 chhiar rawh. Eng thilte nge siam thara awm chu?

*Thil engkim*

4. Ephesi 2:1 chhiar rawh. I pianthar hmaa i dinhmun kha eng nge?

*Ka bawhchhiat leh sualte avângin thi ka ni*

5. Ephesi 2:2 chhiar rawh. Ringlo mi i nih lai khân, engtin nge i khawsaka i nun i hman thin?

*He khawvêl dân angin ka nung a, Setana (boruaka thuneihna lal) thu ka awih a, thu awih lo fate chhônga thlarau dân angin ka awm bawk*

6. Ephesi 2:3-5 chhiar rawh. Pathian chuan eng nge a ngah?

*Khawngaihna*

7. Ephesi 2:4 chhiar rawh. Engati nge Pathian in khawngaihna a ngah êm êm?

*A mi hmangaihna nasa tak avângin khân*

8. Ephesi 2:5 chhiar rawh. Kan sualte leh bawhchhiatnate avânga thi kan nih lai khân, Pathianin kan chungah eng nge a tih?

***Krista rualin min tinung***

9. Ephesi 2:5 chhiar rawh. Engtin nge Pathianin min chhandam?

***A khawngaihna in***

10. 1 Korinth 6:9-10 chhiar rawh. Mi chi hrang hrang a târlante ang hi ni ðhinin i in hria em?

***Aw***

11. 1 Korinth 6:11 chhiar rawh. ‘In nih ðhin’ a tih hi hun kal taa mi nge, tân hun ami nge, hun lo la awm tân ami?

***Hun kalta a mi***

12. 1 Korinth 6:11 chhiar rawh. I lo ‘pianthar’ khân, thil pathum i chungah eng nge lo thleng?

***Pathian hmaah silfaina, tihthianglimna leh thiamchantîrin ka awm***

13. 1 Korinth 6:11 chhiar rawh. Heta kan thlarau dinhmun a sawi hi hun kal ta ami nge, tân hun ami nge, hun lo la awm tân ami?

***Tân hun ami***

14. 1 Korinth 6:17 chhiar rawh. “Lalpa zawm erawh chu amah nê \_\_\_\_\_ an ni”

***Thlarau pumkhat***

## ZIRLAI 10-NA

# KRISTAA AWMTE NIHNA THAR – Part 2

*By Andrew Wommack*

Kan zirlai hnukung berah khân piantharna chungchâng thu kan zirhovin, thlarauvah kan thinlung thlâk danglam a nih dân kan zir tawh a. 2 Korinth 5:17-in, “*Tu pawh Kristaa awm chu thil siam thar a lo ni ta. Thil hluite chu an lo ral ta a, ngai teh u, thil thar an lo ni ta*” tih thu kan hmang a nih kha. Kan lo pianthar hian, kan thlarauvah a puma inthlâk danglamna rawn thlengin, kan thlarauva danglamna rawn thleng kan hriat theihna awmchhun chu Pathian thu ațang a ni. Pâwn lam thil ațangin kan zu hre thei lova, kan rilru ngaihtuahna dinhmun ațangin kan hmu fiah thei bawk hek lo, a chhan chu kan rilru dinhmun te hi kan rilru suanguahna huang chhûng ami anih vâng a ni. Mahse, keimahnia thlarauvah chuan, a puma inthlâk danglamna a awm.

Miin a nuna Isua Krista a lo pawm hnua thil lo thlengte chanchin Baibula thu kaltlangin ka han târlang ang e. Ephesi 4:24 chuan, “*Mihring thar, thutak felna leh thianghlimnaa Pathian anga siam khân, inthuum bawk ula*” tiin a sawi a nih kha. Mi an lo pianthar hian, an thlarau chu Pathian anga thutak felna leh thianghlimah a lo chang. Baibul chuan felna hi chi hnihin minlo zirtîr reng a. I thil tih avânga nangmah ațanga chhuak felna a awm a, midangte nêna in inlaichînna kawngah chutiang felna chu i neih reng a ngai. Dik taka i nun lohva, dik taka i tih loh chuan i hnathawhnaa i hotuin a bân thei chein, i kawppui pawhin a ðhen thei che a ni; chuvângin mahni felna i neih a ngai. Mahse, Pathian erawh chuan i pâwnlâng felna vângin a lo pawm mai lo che a. Pathianin a ngial a nganin Ama felna chu a pe ta zâwk che a ni.

2 Korinth 5:21-in a sawi chu Pathianin a fapa kha سواله a siamna chhan chu keimahni tân, Amaha Pathian felnaa siam kan lo nih theihna tûrin a ni. Chuvângin kan pâwnlâng felna aia ril leh thûk zâwk daih felna a awm a, chu chu Pathian min tihsakna aţangin a ni. Krista kan rin avângin a ngial a nganin Pathian felna chu kan dawng. Thutak felna leh thianghlimnaa Pathian anga siam kan ni. Chu felnaah chuan kan  ang puitling dâwn tihna a ni lova; kan fel sa tawh reng ani. A sawi fiah dân awlsam ber chu, Pathian hmaah fel famkimin kan ding reng tawh tihna a ni.

Pathian kan chung a lungawina chhan chu Isua vâng a ni, engdang vâng a ni lo. Danglamna thlenna tak chu kan thlarauvah a lo ni. Thutak felna leh thianghlimnaa Pathian anga siam kan nih tawh bâkah thil siam thar sar kan ni bawk. Ephesi 2:10 pawhin, *“Thil  a ti at n Krista Isuaah chuan siamin kan awm”* a lo tih phah ta a ni. Kan thlarauvah chuan famkim leh thianghlim kan ni. Sual leh tl kchhamna r ng r ng a awm lo. Ephesi 1:13 (Mizo-English Parallel) chuan, *“in lo ring ve ta a, amah in rin av ngin, Thlarau Thianghlim p k tiamnain, (charhphuia) chhinchhiah in ni tawh a”*(bracket a inziak hi ka belh) min ti ta z wk a lo ni.

Mi  enkhath chuan, *‘Ka pianthar tirh kh n, kawng engkimah ngaihdam leh silfai ka ni tih ka ring ngei al wm, engah mah buaina a awm lo. Mahse, khami hnu kh n thil ka ti sual leh tawh, Pathian mithmuhah ka tling zo ta lo’* tiin kan in ngaihtuah a ni mai thei. I tvisual ngei anih pawhin, i tlin lohna chu i thiltihahte, i rilru leh i ngaihtuahna lamah a ni ang, i thlarau erawh a tvisual ve lo. I thlarau chu phui taka charhphuia chhinchhiah a ni, hmeichhia in b lah thei a dah a, thil chhinchhiahna hriak khal (seal wax) hmanga boruak leh bawlhhlawh r ng r ng a luh theih loh n na a charhphui tlat ang hi a ni a. Pathianin a ch rhphui (sealed, chhinchhiah) tlat che av ngin, i lo pianthar kh n, thlarau thar i dawng a, sual chuan i thlarau chu a chhuntlang thei tawh lo. Nihna thar i nei tawh. Pathian n na inlaich nna nei t r chuan, amah chu i thlarau nihna thar aţangin inp wna leh chibai b kna i neihpui ang, i mihring tisa nihna aţang ni lovin.

Hei hi a ni Kristian nuna inthlâk danglamna ropui tak, miin an nihna diktak zâwka an in thlâk ngaihna chu. Pathian i va bêl dâwn chuan, hmuh leh khawihtheih huang chhûnga i thil tih aţang ni lo, i rilru chhûnga i ngaihtuahna aţang ni lo, Amân alo tihsak tawhna che avânga thlarauva i nihna aţang chauhvîn i bêl ang. Famkim taka a thawh zawh sak tawhna che a ni, danglam ve mai mai tawh lo thil a ni. Thutak felna leh thianghlimnaa Pathian anga siam i ni tawh. Chu chu nangmaha thlarau kha a ni, chuvângin Pathian nêna in pâwl tûr chuan, thlarau leh thutak (felna leh thianghlimna) in chibai i bûk tûr a ni. He Kristaa i nihna tharah hian i ding nghet tlat tûr a ni.



## ZAWHNA LEH BAIBUL CHÂNG HMAN TÛRTE

1. 1 Korinth 6:17 chhiar rawh. Kan thlarauvah siam thar hlakna a thleng tih hi Pathian thu aṅg chauhvîn kan hre thei a. He Baibul châng hian kan chungah eng nge thlenga a sawi kha?

**1 Korinth 6:17** – *Lalpa zawm erawh chu amah nê̄n thlarau pumkhat an ni.*

2. Efesi 3:17 (MCL) chhiar rawh. Krista hi tûnah khawiah nge a chên?

**Efesi 3:17 (MCL)** – *Rinna avângin Krista chu in thinlungah chêng sela, hmangaihnaah zung kaiin phun ngheh in ni dâwn nia.*

3. Efesi 3:17 (MCL) chhiar rawh. Engtin nge chu chu a lo thlen theih?

4. 1 Johana 5:12 chhiar rawh. Chhandamna chang thei tûrin eng nge kan neih ngai?

**1 Johana 5:12** – *Fapa neitu chuan nunna chu a nei; Pathian Fapa nei lotu chuan nunna chu a nei lo.*

5. Kolossa 1:26-27 chhiar rawh. Kumkhua leh chhuan zawng zawng laka thurûk inthup, mahse lantîra lo awm ta chu eng nge ni?

**Kolossa 1:26-27** – *Chu Pathian thu chu kumkhua leh chhuan zawng zawng laka thurûk inthup kha a ni a; tûnah erawh chuan a mi thianghlimte hnênah lantîrin a awm ta.[27] Chûng mite hnênah chuan hnam tin tâna a thurûk ropui leh hlu tak chu Pathianin hriattîr a duh rêng a ni; chu thurûk chu Krista, nangmahnia awm ropuina beisei chhan chu a ni*

6. Ephesi 4:23-24 chhiar rawh. Eng chu nge thutak felna leh thianghlimnaa siam chu?

**Ephesi 4:23-24** – *In rilru thlarauvah chuan a tharin lo awm ula, [24] mihring thar, thutak felna leh thianghlimnaa Pathian anga siam khân inthuum bawk ula.*

7. 2 Korinth 5:21 chhiar rawh. Tu felna nge kan neih tâk?

**2 Korinth 5:21** – *Amahah chuan Pathian felna kan lo nih theihna tûrin, sual rêng rêng hre lo chu Pathianin keimahni avângin sualah a siam a.*

8. Ephesi 1:4 chhiar rawh. Pathian hmaa ringtute nihna kha eng nge ni?

**Ephesi 1:4** – *Hmangaihnaa thianghlim leh sawisêl bovin ama hmaah kan awm theihna tûrin, leilung pian hmain Kristaa min thlan ang khân.*

9. Efesi (MCL) 1:6 chhiar rawh. Engtin nge thlan kan nih?

**Efesi 1:6 (MCL)** – *Duh taka zâra a khawngaihna thil thlâwnpêk ropui tak min pêk avângin i fak ang u.*

## ZAWHNA LEH CHHÂNNA

1. 1 Korinth 6:17 chhiar rawh. Kan thlarauvah siam thar hlakna a thleng tih hi Pathian thu aţang chauhvin kan hre thei a. He Baibul châng hian kan chungah eng nge thlenga a sawi kha?

***Kan thlarau chu Lalpa nen inzawmin pumkhat alo ni***

2. Efesi 3:17 (MCL) chhiar rawh. Krista hi tûnah khawiah nge a chên?

***Kan thinlungah***

3. Efesi 3:17 (MCL) chhiar rawh. Engtin nge chu chu a lo thlen theih?

***Rinna chauhvin***

4. 1 Johana 5:12 chhiar rawh. Chhandamna chang thei tûrin eng nge kan neih ngai?

***Fapa (Isua Krista)***

5. Kolossa 1:26-27 chhiar rawh. Kumkhua leh chhuan zawng zawng laka thurûk inthup, mahse lantîra lo awm ta chu eng nge ni?

***Keimahnia awm Krista, ropuina beiseina chhan chu***

6. Ephesi 4:23-24 chhiar rawh. Eng chu nge thutak felna leh thianghlimnaa siam chu?

***Keimahnia mihring thar (kan thlarau rawn piangthar ta chu)***

7. 2 Korinth 5:21 chhiar rawh. Tu felna nge kan neih tâk?

***Pathian felna, Kristaa kan neih***

8. Ephesi 1:4 chhiar rawh. Pathian hmaa ringtute nihna kha eng nge ni?

*Thianghlim leh sawisel bo*

9. Efesi (MCL) 1:6 chhiar rawh. Engtin nge thlan kan nih?

*Duh taka (Isua Krista) zârah*

## ZIRLAI 11-NA

# RINGTUIN THIL A TIHSUAL HIAN ENG NGE LO THLENG?

*By Don Krow*

Vawiinah chuan “Ringtuin thil a tihsualin eng nge lo thleng?” tih thupui kan entho dâwn a. 1 Johana 1:8-9 chuan, “*Sual ka nei lo, kan tih chuan mahni leh mahni kan inbum a, thutak chu keimahniah a awm lo a ni. Kan sualte thupha kan chawi chuan kan sualte ngaidam tûr leh kan fel lohna zawng zawng tlêngfai tûrin amah chu a rinawmin a fel a ni*” tiin min hrilh a. Kristian kan nihnaah hian, eng hunah emaw chuan soal kan tih hun leh kan hnungtawlh hun a lo thleng ngei thîn a. Kristian kan nih hma aia kan danglam tawh zâwkna erawh chu nun ze thar kan neihna hi a ni. Kan soal hian kan lungngai tawh thîn a. Suala nun kan duh lo; fel taka nun kan duh. Mahse, suala kan tûk luh leh hian eng thil nge lo thleng thîn? Chhandamna kan chan nawn leh a ngai tihna em ni? Chu chu em ni Baibul in a zirtîr? Chutiang anih chuan, inngahna rêng kan nei lo, engemaw zâwng tak phei chuan, khawvêl mite ai pawhin kan dinhmun a chhe zâwk. Khawvêl mite chu suala inhriatna avânga tihhrewmin an awm ve tlat lova. Ringtu kan nihnaah hian, soal hi kan thinlung luahtu a ni tûr a ni lova. Hebrai 10:2 chuan, Isua taksa hlan anih tawh avângin, ringtu chuan suala inhriatna a nei tawh tûr a ni lo a ti. Ti zâwng hian sawi ta ila, soal hi kan nuna kan ngaihven ber tûr a ni lo kan ti thei ang. Pathian zâwk a ni tûr a ni.

Rom 4:2 chuan, “*Abrahaman thiltih avânga thiam [fela ngaih] a chan si chuan chhuan tûr a nei a ni; Pathian lamah erawh chuan a nei lo ve*” tiin a sawi a. Chhandamna hi kan phû vâng emaw, kan thiltih

vâng lo ni ta se, kan chapo phah ngei ang. “Lalpa, kraws-a thil min tihsak avâng khân ka lawm a, mahse keiina ka thil lo tih vete kha hre reng ang che” kan ti thei tlat a ni. Chutiang a lo nih si chuan, chatuanin kan thiltihte avângin Isua kan fak rualin keimahni pawh kan infak tel ve zêl dâwn tihna a lo ni. Mahse chutiang chu a ni dâwn lo! Pathianin chhandamna a duan dânah hian, mihring ațangin chhuan tûr emaw ropuina chan tûr engmah a awm dâwn lo. Ropui tûr leh chhuan tûr awmchhun chu Lalpa Isua Krista chauh hi a ni. (Rom 3:27) Chatuana nunna thilthlâwnpêk chu a thlâwn liau liau anih angin thawh chhuah theih a ni lo. (Rom 6:23)

Rom 4:2 pawhin Abrahama khân thiltih avângin thiam lo chang ta se, chhuan tûr a nei ve tihna a lo ni ang, mahse chu chu a ni si lo. Pathian thuin engtin nge mihring chu chhandama a awm tih min hrilh? A thiltih that vâng em ni? A thawrah liau liau em ni zâwk? Thil tam tak a tihte vâng em ni? Engtin nge Abrahama kha thiamchang leh fela ngaih a lo nih dân? A thil tih vâng emaw, tih loh vâng em ni, nge mawlmang taka rinna in Pathianah a innghat zâwk? Baibulin Rom 4:3-ah chuan, “*Abrahama chuan Pathian a ring a, chu rinna chu a felnaa ruat a ni*” tiin min hrilh zâwk a nih kha.

Tlinglo leh suala tlûk châng nei thîn mah ila, dinhmun chhe zâwka ka din loh chhan leh ka boral loh chhan chu eng nge lo ni ta ang? Isua’n kraws-a ka sual zawng zawng a phurh tawhna leh, amah chu ka rin avângin (mahni thawh chhuah ni lovin), thiamchangin ka lo awm tak zâwkna chu a ni. (Pathian hmaah mi fel ka lo ni ta)

Rom 4:6 chuan, “*Mi, a thiltih ngaihtuah lova Pathianin fela a ruata chu mal a sawmsak thu Davida’n a sawi*” tiin min hrilh a. Thuthlung Hluia Davida khân engtik niah emaw chuan Pathianin thuthlung thar hmangin, mihringin a thawh chhuah vâng ni lova Pathianin mi fela a ruat a, Ama hmaa thiam changa an din tûr thu a sawi a. Châng 7-naah “*An bawhchhiatnate ngaihdama awm leh, an sualte khuha awm chu an eng a thawl e*” tiin a sawi leh. He thu hian a nemnghet: “*Lalpa’n khawlohna neia a ruat loh chu a eng a thawl e,*” (Rom 4:8). Lalpa’n

a ruat leh maithei, a chângin a ruat a, a chângin a ruat lo vang tih thu rêng rêng a sawi lo.

*“Lalpa’n khawlohna neia a ruat loh chu a eng a thawl e”* a ti mai a ni zâwk. Hei hi a Greek ʔawng chuan engmah lo sawi uarna a ni. Engtikah mah Pathianin kan sualnaah a ruat ngai dâwn lo, tihna a ni. Hei tak hi Thuthlung Thar Chanchin ʔha chu a lo ni. Hebrai 10:16 chuan, *“An thinlung ka thupêkte ka dah ang a, an rilruah ka ziak bawk ang,”* tiin a sawi a, chu intiamkamna zînga tel ve chu Pathian chuan châng 17-ah, *“An sualte leh an bawhchhiatnate ka hre reng tawh lo vang”* a lo ti bawk a ni.

Sualah ilo tlûka, chu soal thupha chawina hun ilo neih hman loh pawhin, engin nge i felna leh Pathian hmaa thiam changa dintîr ʔhîn che? Isua Krista i rinnain a ni. A hming chu Isua niin, a mite an thil tihsual lakah a chhandam ʔhîn (Matthaia 1:21).

## ZAWHNA LEH BAIBUL CHÂNG HMAN TÛRTE

1. Rom 4:5 chhiar rawh. Pathianin thiam changa (mi fel a) a ruatte chu

---

**Rom 4:5-6** – *Amaherawhchu, hna thawk lova, Pathian ngaihsak lo, thiam chantirtu ring zâwka rinna chu, ama felnaa ruat a ni. [6] Mi, a thiltih ngaihtuah lova Pathianin fela a ruata chu mal a sâwmsak thu Davida pawhin a sawi...*

2. Rom 4:2-3 chhiar rawh. Pathianin Abrahamama nunah (rinna a lo neih khân) tûn hmaa a la neih ngai loh kha a dah a. Chu chu eng nge ni?

**Rom 4:2-3** – *Abrahaman thiltih avânga thiam a chan si chuan chhuan tûr a nei a ni; Pathian lamah erawh chuan a nei lo ve. [3] Pathian Lehkhain eng nge a sawi ni? “Abrahama chuan Pathian a ring a; tin, chu rinna chu a felnaa ruat a ni,” tiin a sawi a ni.*

3. Rom 4:22-24 chhiar rawh. Abrahamama anga rinna kan lo neih chuan, Pathianin kan chungah eng nge a tih ang?

**Rom 4:22-24** - *Chuvângin, a rinna chu a felnaa ruat a lo ni tawh. [23] Chutichuan, a rinna chu a felnaa ruat a ni tih hi amah vâng chauhva ziak a ni lo va, [24] keimahni vâng pawhin a ni. Isua kan Lalpa mitthi zîng ata kaithotu chu ringtu kan ni a, kan rinna chu felnaa ruat a ni dâwn.*

4. Rom 4:6 (MCL) chhiar rawh. Pathianin mihringah felna (thiamchana dinna) a dah dân chu:

- A. An thiltih ang zêlin.
- B. An thiltih tel miah lovin.
- C. An felzia ang zêlin.



5. Hebrai 10:14 chhiar rawh. Pathian hmaah eng chena rei nge ringtute tihfamkim an nih?

**Hebrai 10:14** - *Thilhlán pakhat chauhvín tihthianghlím tawhte chu chatuan atân a tífamkim tawh si a.*

6. Rom 5:17 chhiar rawh. Thiamchantîrna hmuh dân chu:

- A. A hlawha hlawh chhuah.
- B. Thilthlâwnpêk anga dawnin
- C. A thawha thawh chhuah.

**Rom 5:17** – *Mi pakhat sual avângá thihnain chu mi pakhat avâng máha ro a rêl si chuan, khawngaihna nasa tak leh felna thilpêk hmutute chuan, mi pakhat (Isua Krista) avâng khân nunnaah chuan ro an rêl ngei ang.*

7. ‘Thilthlâwnpêk’ tih thumalin a kawh awmzia eng nge?

- 8.. I mimal chhandamtua Isua i rin dân chuan, \_\_\_\_\_ thlenga hruai tûr chein Amah chu i rin tlat a ngai.

- A. Kohran
- B. Vânrám
- C. Russia

## ZAWHNA LEH CHHÂNNA

1. Rom 4:5 chhiar rawh. Pathianin thiam changa (mi fel a) a ruatte chu

\_\_\_\_\_

*Pathian ngaihsak lo ho*

2. Rom 4:2-3 chhiar rawh. Pathianin Abrahamama nunah (rinna a lo neih khân) tân hmaa a la neih ngai loh kha a dah a. Chu chu eng nge ni?

*Felnaa ruat, Pathian hmaa thiam changa dinna*

3. Rom 4:22-24 chhiar rawh. Abrahamama anga rinna kan lo neih chuan, Pathianin kan chungah eng nge a tih ang?

*Felnaa ruat, Pathian hmaa thiam changa dinna*

4. Rom 4:6 chhiar rawh. Pathianin mihringah felna (thiam changa dinna) a dah dân chu:

*B. An thiltih tel miah lovin*

5. Hebrai 10:14 chhiar rawh. Pathian hmaah eng chena rei nge ringtute tihfamkim an nih?

*Chatuanin*

6. Rom 5:17 chhiar rawh. Thiamchantârna hmuh dân chu:

*B. Thilthlâwnpêk anga dawnin*

7. ‘Thilthlâwnpêk’ tih thumalin a kawh awmzia eng nge?

*Thil a thlâwna pêk, a dawngtû tâna man awm miah lova a dawn*

8. I mimal chhandamtua Isua i rin dâwn chuan, \_\_\_\_\_ thlenga  
hruai tûr chein Amah chu i rin tlat a ngai.

***B. Vânrâm***

## ZIRLAI 12-NA

# PATHIAN THU DIK FAMKIMNA

*By Andrew Wommack*

Marka bung 4-na thute hi Pathian thu dik famkimna – a thu thiltihtheihna, nihphung leh a rintlâkna nasa tak târlanna a ni a. Ni khat chhûngin tehkhin thu 10 tal a zirtîr hman ang. Chumi zuk hre tûr chuan Marka bung 4-na hi Matthaia bung 13 leh Luka bung 8-na nen i khaikhin a ngai a. Tehkhin thu tam tak a awm a, a zînga pakhat chu buh chi tehkhin thu kha a ni. Marka 4:26 chuan, *‘Tin, amah vêkin, “Pathian ram chu hetiang hi a ni: miin leiah hian chi theh sela”* tiin a ziak a. Châng 14-na in chi a tih kha Pathian thu a ni. Pathianin loneitu nih dân a zirtîr che tihna a ni chiah lova, mahse khawvêl thilte hmangin thlarau thutak hriat fiahtîr che a tum zâwk a ni. Châng 27-ah chuan, *“zânah muhîlin chhûnah tho thîn sela, chi chu, a zia a hriat lohvin lo tiakin lo thang sela; chutiang chu a ni.”* tiin min hrilh leh a. Hei hi a pawimawh hlein ka hria. He pa hian a hrethiam miah lo a ti. Engtin nge chi a lo ÷iah dân a hre lo.

Mi ÷henkhatte pawhin, “I thu sawi awmzia ka hrethiam lo rêng rêng. Engtin nge Pathian thu chhiarin min tih danglam tak tak theih a, Pathian aţanga chhuak nunna chu engtin nge keimahah awmzia leh thilttheihna a rawn neih theih ang?” tiin an zâwt thîn. Hrethiam vek lo mah ila, mahse a theih tih ka hria. Engtin nge leiah thlai chi te tak tê i theh a, buh vui kûng tam takah an lo chana, a let za tam tak thar tûr an lo awm theih dân hi ka hrethiam bîk hauh lo. Tumahin an hre famkim lo, mahse a theih tlat, a theih ngei tih ka hrilh a che u. Pathian thu i chhiarna te, a thutea i in chiahzawptîrna chuan i ngaih dân, i hriatfiahna leh i thil thlîr dân a thlâk danglam thîn.

Châng 28-naah chuan, *“Lei hian amahin rah a chhuah thîn”* a ti a. Lei hi chi lo vawng leh tĩahtîr tûra siam anih bâkah nunna lo awm thar chhuahthîr tura siam a ni. I thinlung kha Pathian Thu atâna siam a ni - a ni takzet. Pathian Thu hi i thinlunga i vawn tûra siam a ni a. Baibul zakzeh a pawm emaw, thingpui inna dawhkâna dah emaw, i iptea i ah ringawt khân hlutna a nei hauh lo. I nunah thiltihtheihna a pe chhuak lo. Pathian Thu chu i la ang a, chi angah i ngai anga, i thinlunga i tuh ang. Chutianga i tih chuan, i thinlung chu amaha rah rawn chhuah thei tûra siam a ni. I nun kalphung pawh harsatna awm lovin a thlâk danglam ngei ang. Baibul châng chuan heti hian a sawi chhunzawm leh a, *“A tîr berah a kûng, chu mi hnuah chuan a vui; chu mi hnu lehah a vuiah chuan buh fang pum chu”* tiin. Hei hian a sawi tum chu puitlinna leh thlanennaah hian rahbi emaw kawng bituk chin zêl a awm tih min hriattîr a ni. Mite hi ka hnênah lo kal fovin, Pathianin atângin thil t̄ha tak, thianghlim leh ka rîlrem zâwng tak, beisei an neih thu an rawn sawi thîn. Mahse, engmah hmalâkna anla neih si loh emaw, Pathian hnênah thlarau bo pakhat pawh an la hruai kîr si loh chuan, kar hnih khat chhûngin TV leh Radio rawngbâwlna hlawhtling an nei dâwn lo tih hi ka sawi ngam.

Pên khat te te a thil i tih a ngai. Pathian atanga kan thil dawn pawh a in dawt chhoh dân a awm, chu chu he tehkhin thuin min hmuh fiahtîr a tum chu a ni. A hmasa berah chuan bul i t̄an angai, a dawtah beiseina a rawn lang ang, rinnain a zui leh anga, a tawpah rah a rawn chhuah thîn.. Hlawhtlinna awm tûr hian hmabâk hlen chin zêl tûr a awm a. Mi tumah hi darkâr khatah mel khat atanga mel sang khata chakin a tlan thut thei ngai lo. Chu chu Pathian lam kawnga duh dân t̄ha leh thianglim a ni thei e, mahse chuti ringawtin a rawn thleng hauh lo vang. He Pathian Thu hian Pathian ram chu chi nêl a tehkhin a. Pathian Thu chu i thinlung leiah i zuk tuh a ngai a, tichuan kui t̄iaha awmin, a nih dân tûr ang taka a indawtin a lo t̄hang lian ang; a tîr berah a kung, a dawtah a vui, a dawt lehah buh fang pum a lo ni tawh ang. A châng dawt leh chiah chuan, *“Nimahsela, rah chu a lo hmin hunin, buh lâk a lo hun tâk avângin, favah chu a phawrh nghâl thîn”* tiin a

sawi a. Hmasawanna rabbite awm bawk mah se, rah tha a chhuah hun leh puitlin hun a lo thleng ngei thîn a ni.

Chu chu châng 35-na hian a rawn sawi chiang, “*Tin, chumi ni vêkah chuan khua a lo tlai lamin, ani chuan an hnênah, ‘Râl lehlamah sâwn i kai ang u,’ a ti a.*” Isua khân nilengin Pathian thu thiltihtheihna te, Pathian thu chu chi ang a nih dân leh, chu chi chuan engtin nge Pathian ațanga chhuak nunna chu anmahniah a rawn thlentîr dân tûrte a zirtîr a. Chu chu tehkhin thu sawm lai hmanga a zirtîr hnuah, tihian an hnênah fiahna a pe ta a. An hnênah chuan, “Aw le, Pathian ațanga thuchhuak chu hei hi a ni e – lui râl lehlamah sâwn i kai ang u” tiin thu a hrilh ta a. “Lawngah lût ila, dîl chanve va thlengin, chutah chuan va tlahlum ang u” tiin an hnênah a sawi lo, “Ral leh lamah i kai ang u” tiin a hrilh zâwk a nih kha. Tichuan, lawngah a lût a, a muhil zui ta a. Kan chhiar zui zêl chuan thli a lo tleh a, lawngah chuan tui a lo khat dâwn ta mai a. I hriat reng tûr chu an chuanna lawng hi, mahni theuha awm hran theihna, a chhâwng nei chi, Isua tui taka a muthilha thli tleh rêng rêng a hriat theih lohna lawng ang chi a ni lo tih hi. Lawng chung khuh nei lo niin, Isua kha lawnga tui lo lût inhlap kârah a lo muhil a ni. Hemi hriatthiam a pawimawh êm êm nachhan chu, Isua khân thil thleng kha a hre reng, mahse muthilh ala tum lui tlat. Tichuan, a zirtîrte chu an mangang leh thinrimin a hnênah, “Zirtîrtu, kan boral hi i pawî ti lo em ni?” tiin an zawt ta a nih kha. “Han che vat teh khai! ! Baltin te kha la la, lawnga tui tling te hi paih chhuak ve rawh! Lawngte kha lo karin, che thuai rawh! I chanpual hna hi thawk ve ta che !” tiin an sawi pawh kan ti thei ang chu!

Tûnah pawh mi tam takte chuan hetiang hian Pathian an ti fo, “Lalpa, eng vângin nge engmah ila tih loh?” tiin an vui thîn. Pathian chuan thil a ti ngei alâwm. Lal Isua’n inremna min siamsak tawhna kaltlangin kan mamawh tinrêng min phuhrûksak vek tawh zâwk a ni. A Thu chu a rahchhuah tîr tawh a, chi tinrêng pawh min pe tawh bawk a. Hêng chite hi kan thinlung leia lo tuh hi kan tih ve tûr a lo ni ta a ni. Pathian chuan a thu min pe a, kan tih vê tûr chu a chi lo lâk a, kan thinlunga zuk phun a, thiltihtheihna nung a neih hma loh chu kan

ngaihtuahnaah a awm reng tûr a ni. Mahse, zirtîrte kha chuan Isua kha kaihthawh a, “Thil eng emaw han ti ta che” tih kha an thlang ta zâwk a nih kha. Tin, ani chu a lo harh a, thli chu a hau a, dîl hnênah pawh chuan ngawi hle hle tûrin a ti a, a lo reh ta t̄huap a. A zirtîrte lam chu hawiin, “Engati nge chuti taka in hlauh? Rinna rêng in la nei lo a ni maw?” a ti ta a. “E khai, ka tih palh a ni e. Eng emaw ka han ti tûr a nia” a ti hauh lo. A mawhphurhna chu anmahni hnêna Pathian Thu zirtîr leh a thutiamte pêkte niin, a zirtîrte mawhphurhna chu Pathian Thu chu lo lâka, a thutiamte rin mai kha a ni. Pathian hian Isua khawvêla a rawn kal tawh avângin kan mamawh engkim min pe tawh a. Kawngtin rênga ilo hlawhtlin theihna tûrin Pathian Thuah i mamawh engkim chu chi angin a pe tawh che. Nang pawhin i tih tûr zawng chu Pathian Thu ațanga chi lo awmte chu lain, a Thute i chhiar ațangte, urhsun taka ilo dawnsawna leh ilo ngaihtuahnate ațangin i thinlung chhûngah i tuh ang a, tichuan nangmahah i kui t̄iahtîr mai ang. Chutianga i tih zawngin, i nuna thlipui tlehte chu hmachhawnin i tireh vek thei zâwk dâwn a lo ni

Pathianin khâng a zirtîrte tâna a duhthusâm bera a ruat nia ka rin chu khami nia Isua’n a thu zirtîr te kha lo awiha, “Ni e, râl lehlamah sâwn i kai ang u” an lo tih ve mai kha. “Vawiina min zirtîr zawng zawng tâk ang khân, he thu hi thutiam nei a ni tlat” te han ti zâwk se. Amah chu lei leh vîn siamtu, râl lehlamah i kai ang u ti tu kha a ni, dîl chanve chauh zawhin i tlahlum ang u titu a ni si lova. Isua thu sawi kha ngaihlain, rinna nêna thli tleh leh tuifâwn kha hau reh thei tûr an ni. Chu chiah chu Isua’n an hnêna a sawi pawh kha a ni, “Aw nangni rin tlêm te u, engah nge in rinhlelh ni?” a tih kha. Chuvângin, Pathian thu hi awih mai kan mamawh, chumi zawhah chêt chhuahpui.

## ZAWHNA LEH BAIBUL CHÂNG HMAN TÛRTE

1. Matthaia 13:19 chhiar rawh. Pathian thute hi kan thinlungah chi anga kan tuh loh chuan, eng thil nge lo thleng ang?

**Matthaia 13:19** – *Tu pawhin ram thu chu beng a lo hriata, a ngaihna a hriat si lo chuanin, mi sual chu a lo kal a, a thinlunga theh sa chu a chhuhsak thîn. Chu mi chu kawngdunga theh chu a ni.*

2. Josua 1:8 chhiar rawh. Eng hunah nge Pathian thute kan ngaihtuah thîn ang?

**Josua 1:8** - *He dân bu hian i kê chu chhuahsan hlek suh se; chumi thuziak zawng zawng chu i zawm tlat theih nân chhûn leh zân i ngaihtuah zâwk tûr a ni: tichuan, i kawngte chu i lo titluang zêl ang a, i lo hmuingîl zêl dâwn nia.*

3. Johana 6:63 chhiar rawh. He châng ang hian Pathian thu chu

---

**Johana 6:63** - *Tinungtu chu thlarau a ni, tisa chu eng mahah a tlâktlai lo; in hnêna thu ka sawite hi thlarau a ni, nunna pawh a ni.*

4. Matthaia 13:19 chhiar rawh. Pathian thute hi kan thinlungah chi anga kan tuh loh chuan loh chuan, eng thil nge lo thleng ang

---

**Matthaia 4:4** – *Nimahsela, ani chuan, “Mihring hi chhang chauhvin an nung lo vang a, Pathian kaa thu tin chhuakin an nung zâwk ang, tih ziak a ni.” tiin a chhâng a.*



5. Ephesi 6:17 chhiar rawh. Pathian thute hi eng ang râlthuam nge a nih kha?

**Ephesi 6:17** – *Tin, Chhandamna lukhum leh Thlarau ngûnhnâm, (Pathian Thu chu) la ula.*

6. Ngûnhnâm hian hmelma a tichhe thei em?

7. Rom 8:6 chhiar rawh. Kan nunah Pathian thu atâna hmun thatak kan siam chuan, \_\_\_\_\_ kan nei ang.

**Rom 8:6** - *Tisa lam thilte duh chu thihna a ni si a, Thlarau lam thil duh erawh chu nunna leh thlamuanna a ni*

8. 2 Korinth 3:18 chhiar rawh. Kan rilru kan pêkna zêltech kan lo khatliam thîn. Eng thilah nge kan rilru kan pêk ang.

**2 Korinth 3:18** - *Chutichuan, keini chu kan zain hmai khuh lovin, dârthlang anga Lalpa chhun ênin, ropuina atanga ropui zêlin, chumi anpui ngeia awm tûrin tihdanglamin kan awm thîn, Lalpa (Thlarau) ata chu kan hmuh ang zêlin.*

## ZAWHNA LEH CHHÂNNA

1. Matthaia 13:19 chhiar rawh. Pathian thute hi kan thinlungah chi anga kan tuh loh chuan, eng thil nge lo thleng ang?

***Mi sual chu alo kal anga a, kan thinlunga Pathian thu theh sa chu min chhuhsak anga, kan nunah rah a chhuah thei lo vang***

2. Josua 1:8 chhiar rawh. Eng hunah nge Pathian thute kan ngaihtuah thin ang?

***A chhun a zanin***

3. Johana 6:63 chhiar rawh. He châng ang hian Pathian thu chu

\_\_\_\_\_

***Thlarau leh nunna***

4. Matthaia 4:4 chhiar rawh. Mihring hi hmuh theih chhang chauh ringin an nung lova \_\_\_\_\_

***Pathian kê ațanga chhuak thu tinrêngin an nung zâwk ang***

5. Ephesi 6:17 chhiar rawh. Pathian thute hi eng ang râlthuum nge a nih kha?

***Ngûnhnâm ang***

6. Ngûnhnâm hian hmelma a tichhe thei em?

***Thei e***

7. Rom 8:6 chhiar rawh. Kan nuna Pathian thu atâna hmun ținatak kan siam chuan, \_\_\_\_\_ kan nei ang.

***Nunna leh thlamuanna***

8. 2 Korinth 3:18 chhiar rawh. Kan rilru kan pêkna zêlteah kan lo khatliam t̄hîn. Eng thilah nge kan rilru kan pêk ang.

***Lalpa leh A ropuina lamah***

## ZIRLAI 13-NA

# PATHIAN TIH A NI LO

*By Andrew Wommack*

Vawiin hian Pathianin ka nuna thil min tihsak pawimawh berte zînga mi chungchâng han thlîrpui che u ka duh a. Mi hian an chung a thil thleng zawng zawng hi Pathian aţanga chhuak angin an ngai nghâl thuai zêl a, thil engkim a thunun vekah an ngai thîn. Hei hi a chhan chu Pathian hi chungnung ber leh thiltithei ber tia an hriat avâng leh, an nuna thil thleng rêng rêng Ama thua lo thleng vek anga an ngaih vâng a ni. Ringlo mi kan tihte pawh hian chutiang ngaihdân tho chu zuk nei a! Kristian tam takin he thurin hi chawisângin, an nunah nghet taka tuhin a awm thîn. Hetiang thurin hi Pathian Thuina min zirtîr dân nê n a in kalhin ka hria a, chuvângin he zirlai i zirchian hi thil pawimawh tak a ni. Jakoba 1:13-17 kan en chuan, *“Tu mân thlêmna an tawh laiin, “Pathian thlêm ka ni,” ti suh se; Pathian chu sual thlêm rual a ni lo, amah pawhin tu mah a thlêm ngai lo. Mi tin mahni châknaa hrui bo leh hîpa an awm chuan thlêmna an tâwk a ni zâwk e. Tin, châkna chuan no a pai a, sual a hring thîn a; tin, sual chuan a lo puitlinin thihna a hring thîn. Ka unau duh takte u, bumîn awm suh u. Thilpêk tha leh thilpêk famkim zawng zawng chu, chung lam aţangin êngte Pa hnên ata a lo chhuk thîn a ni, amahah chuan danglamna leh herna hlim rêng rêng a awm thei lo.”* tih a ni si a.

Hêng Baibul chângte’ n Chiang taka an târlan chu Pathian hi thil tha tinrêng thlentîrtu a ni tih hi. Johana 10:10-ah khân Isua’ n, *“Rûk hmang chu ru tûr leh tihlum tûr leh tichhe tûr lo chuan a lo kal lo. Kei zawng nun an neih nân, tam taka an neih nâna lo kal ka ni zâwk e”* tiin a sawi. Thi tha anih chuan, Pathian tih; thil chhia anih chuan, Diabola

tih. Chu chu Pathian thu hriathiam awlsam tak a ni. He mi hriatthiam pawimawh êm êm na chhan chu Jakoba 4:7 (Mizo Common Language) khân “*Chuvângin Pathian hnênah intulût ula, Diabola erawh chu dodâl rawh u; tichuan, a tlânsan ang che u*” tia a sawi vâng a ni. He chângin a sawi awmzia chu Pathian hnênah kan intulûtin, Ama duha min tih theih tûrin kan awm ang a, chuan Diabola chu kan dodâl ang. Heta ‘dodâl’ tih awmzia chu ðahnem ngâi taka lo do lêt sawina a ni.

Mite’n an nuna thil thleng zawng zawng - entîrnân, damlohna, sumdâwnna kawnga hlwhchhamna, eizawna hloh, fa sual neih, nupa inþhennate - hi Pathian thlentîr vek anga an rin hian, engmah ti ve thei lo dinhmunah an in dah tihna a ni. Pathian hi harsatna thlentû a ni tih an rin takzet a, anmahni hrem nân emaw siam ðat nân chu harsatna chu Pathianin a hmang tih ring chung a an harsatnate pumpelth tuma hma an lo lâka, an harsatnate an lo dodâl chuan Pathian an bei lêt tihna a ni daih ang. Jakoba 4:7 erawhin Diabola chu dodâl ula tichuan a tlânsan ang che u ati a. Pathian hnênah i intûkluh a ngai tak meuh a ni. Hei hian a lantîr chu thil ðenkhat hi Pathian aþanga chhuak a ni a, thil ðenkhat hi Diabola aþangin. He khawvêlah hian thlarau sual an awm a, chuvângin i nuna thil thleng nazawng hi Pathian aþanga chhuak an ni lo. Chu chu i hriat thiam loh chuan, Diabola kuta tûk luh hun a lo thleng ang a, Setana chu thuneihna i lo pêk phah zâwk ðîn.

Rom lehkhathawna mi miin an hman sual fo han sawi fiah ka duh a. Mithi vuina hmun ðenkhat ka kal tawh naah chuan Pathian chungchâng an hre miah lo, biak inah pawh an inkhâwm ngai lo, tin Pathian thu hriat alawi pawh an neilo, mahse heti lai bung leh châng hi an hre tlat. Rom 8:28-ah (paraphrase) chuan, “*Tin, Pathian hmangaihtu, ama ruat anga a kohvate tân chuan, thil engkim hi an ðatna tûrin a rawn thleng ðîn tih kan hria*” a ti a. He châng an hrilh fiah ðin dân chu - eng pawh i nunah lo thleng se, Pathian thlentîr a ni a, engtin emaw taka thil ða alo chhuahna tûrin Amân a thawhsak ang che, tih hi. Tûm khat chu nula leh tlangval naupang tê, zu leh damdawi ruih pâwlh chung a lirthei chak taka an khalh avâng a tawhsual tâwk, boral tâte vuinaah ka kal ve hlauh mai a. Kawng nâl takah an tlân chak luat avângin kawng

kual lai takah thîrban an su a, an boral phah ta a. A vûinaa thusawi tupa chuan “thil engkim hi kan th̄atna tûrin a thleng tih kan hria” tih Baibul châng rawn la chhuakin, Pathianin he thil a thlentîr naah hian thlentîr chhan th̄a tak a nei ngei ang tiin thuchah a sawi a. Khâng tleirawlte kha Pathian tihboral an ni rêng rêng lo, anihna taka chuan Diabola tih a ni kan tithei ngawt bîk lo. Anmahni leh anmahni an intihlum a ni zâwk. An nu leh pa enkawl dân leh midang te zirtîrna hnâwl tûrin Diabola’n a thlêm ngei ang tih ring mah ila, a tâwpah chuan an duhthlanna liau liau vâng zâwk a ni. Anmahni zâwk kha ruihhlo dang leh zu ti tu an ni a, anmahni vêkin thîrban an su a ni zâwk. Chu chu thil thlen dân rêng niin, Pathian tih a ni lo.

“Thil engkim hi an th̄atna tûrin a rawn thleng th̄in tih kan hria” tih thu awmzia hi eng nge ni ta ang? A hmasa berin, engkim hi Pathian aṭanga chhuak niin engkim hi ka th̄atna tûrin a thlentîr th̄in tiin a sawi lo. A sawi awmzia tak chu thil engkim hi mi zawng zawng th̄atna tûrin a thleng a ti lova, mahse “Pathian hmangaihtûte tân” erawh engkim an th̄atna tûrin a thleng a ti zâwk a ni. He Pathian thu hi Pathian hmangaihlo tûte tân awmzia a nei ve tlat lo. Chu chu sawi kher ngai lovin a chian sa vei nê, mahse Pathian leh a thupêkte laka hel th̄alai ruihlo leh zu ngâi th̄inte hnênah he Pathian thu hi hmehbel an tum th̄al th̄in hi a mak takzet a ni. Hemiin a sawi tum chu Pathian hmangaihtute leh ama ruat anga a kohvate tân chauh engkim hi an th̄atna tûrin a thleng th̄in.

1 Johana 3:8-ah khân, “Pathian Fapa lo lan chhan ber chu Diabola hnathawhte a tihboral theih nân a ni” tiin a sawi a. Pathian chuan Setana hnathawh a tihboral nân amah leh amah a inlantîr a ni si a. Chu chu alo kal chhan ber ber niin, chumi tihpuitlinna erawh amah hmangaihtute leh ama ruat anga a kohvate hnênah chauh a ni; chu mite chu, he a kohna chhângtute, sual ngamthlemna dotute leh sual hnathawh tiboral tûra thawk chhuak tute an ni. Pathian tâna nunga, sual dodâl tlat tute chuan eng ang pawhin Diabola’n an nunah thil thlentîr mah se, Pathianin a her rem sakin an tana th̄a tûrin a hmansak thei a ni tih an sawi thei tlat.

Chuvângin kan nuna thil thleng zawng zawng hi Pathian thlentîr a ni vek lo tih hi kan man fiah a hun. Ru tûr, tihlum tûr leh tichhe tûr a lo kal hmelma kan nei tih hi hria ang u, Isua erawh a rawn kal chhan chu nun kan neih nâna lo kal a ni. Chu nun chu kan thlan a ngai a chumi rual chuan kan nuna thil thleng zawng zawng te hi Pathian tih a ni vek lo tih hi kan pawm luih ve a ngai.

Pathian hi mihring, ruangam nei, lo ni ta se, mihringte chung a cancer natna, piansualna, thinslung nguina, lungchhiatna leh hrehawmna thlentîrtua kan puh ang hi a tih lo ni tak tak ta se, khawvêla sorkar zawng zawng hian Amah chu man an tum anga, tân ina khung emaw a thil tihte tih tâwp tîr an tum ngei ang tih hi ka sawi ngam. Chuti chung chuan, kan nuna kan mihring pui emaw mi kan ngaihtuah phâk china zahngai thei berte ai pawha zahngai thei, Pathian hi mi zînga kala anmahni tina tûr leh hêng thil thalo thlentîrtuah kan ngai leh si thîn. Kan chung a thil thleng zîngah sualin min beihna a awm a, leilung kalhmang anga lo thleng a awm bawk, chhiatna kan tawh nazawng hi Pathian tih a ni lo. Rikrum thila invenna tûra pawisa dahkhamna pâwl Insurance company te chuan an thupui (policies) inziakahte chuan *“lirnghing leh hrilêng Pathian thil tihte”* tih ziak an telh. Hei hi a dik lo, hêng zawng zawng thlentîrtu hi Pathian a ni lo.

## ZAWHNA LEH BAIBUL CHÂNG HMAN TÛRTE

1. Jakoba 1:13 chhiar rawh. Pathianin mihringte hi sual tûra thlêmnaah a hruai lût ngai em?

**Jakoba 1:13** – *Tu mân thlêmna an tawh laiin, “Pathian thlêm ka ni,” ti suh se; Pathian chu sual thlêm rual a ni lo, amah pawhin tumah a thlêm ngai lo.*

2. Jakoba 1:17 chhiar rawh. Thilpêk tha leh famkim zawng zawng chu khawi aţanga lo chhuak nge?

**Jakoba 1:17** - *Thilpêk tha leh thilpêk famkim zawng zawng chu chung lam aţangin êngte Pa hnên ata a lo chhuk thîn a ni, amahah chuan danglamna leh herna hlim rêng rêng a awm thei lo.*

3. Johana 10:10 chhiar rawh. Tu nge rûkru chu?

**Johana 10:10** - *Rûk hmang chu ru tûr leh tihlum tûr leh tichhe tûr lo chuan a lo kal lo; kei zawng nun an neih nân, tam taka an neih nân lo kal ka ni.*

4. Johana 10:10 chhiar rawh. Eng nge a lo kal chhante kha?

5. Johana 10:10 chhiar rawh. Isua lo kal chhan ve thung kha eng nge?

6. Jakoba 4:7 chhiar rawh. Pathiana kan intûkluha Setana kan dodâl hian eng thil nge lo thleng thîn?

**Jakoba 4:7** - *Diabola chu dodâl rawh u; tichuan, a tlân bosan ang che u.*



7. Rom 8:28 chhiar rawh. He Baibul châng hian thil zawng zawng hi Pathian ațanga lo kal a ni tih a sawi em?

**Rom 8:28** (*Paraphrase*)- *Tin, Pathian hmangaihtu, ama ruat anga a kohvate tân chuan, thil engkim hi an ținatna tûrin a rawn thleng țin tih kan hria*

8. Tirhkohte 10:38 chhiar rawh. Natnate hi Pathian ațanga rawn kal em ni?

**Tirhkohte 10:38** - *Nazareth Isua chungchâng thu kha, khatia Pathianin ani chu Thlarau Thianghlim leh thiltihtheihnaa a vûzia kha; ani chuan mi chung a ținha leh, Diabola tihduhdah zawng zawng tidamin a fang vêl țin a, a hnênah Pathian a awm avângin.*

9. 1 Johana 3:8 chhiar rawh. Pathian Fapa lo lan chhan ber kha eng nge?

**1 Johana 3:8** - *Thil tisualtu chu Diabola ațanga chhuak a ni; Diabola chuan a țin ata thil a tisual si a. Pathian Fapa lo lan chhan ber chu Diabola hnathawhte a tihboral theih nân a ni.*

## ZAWHNA LEH CHHÂNNA

1. Jakoba 1:13 chhiar rawh. Pathianin mihringte hi sual tûra thlêmnaah a hruai lût ngai em?

*Ngai lo*

2. Jakoba 1:17 chhiar rawh. Thilpêk tha leh famkim zawng zawng chu khawi ațanga lo chhuak nge?

*Êngte Pathian ațanga lo chhuak an ni*

3. Johana 10:10 chhiar rawh. Tu nge rûkru chu?

*Setana/Diabola*

4. Johana 10:10 chhiar rawh. Eng nge a lo kal chhante kha?

*Ru tûr leh tihlum tûr leh tîboral tûrin a lo kal*

5. Johana 10:10 chhiar rawh. Isua lo kal chhan ve thung kha eng nge?

*Nun tam tak min pe tûrin*

6. Jakoba 4:7 chhiar rawh. Pathian a kan intûkluha Setana kan dodâl hian eng thil nge lo thleng tîn?

*Sualin min tlanchhiatsan tîn*

7. Rom 8:28 chhiar rawh. He Baibul châng hian thil zawng zawng hi Pathian ațanga lo kal a ni tih a sawi em?

*Sawi lo*

8. Tirkhohte 10:38 chhiar rawh. Natnate hi Pathian aṅanga rawn kal em ni?

*Ni lo*

9. 1 Johana 3:8 chhiar rawh. Pathian Fapa lo lan chhan ber kha eng nge?

*Setana hnathawhte tiboral tûrin*

## ZIRLAI 14-NA

# THLARAUA KHAT NUN THILTIHTHEIHNA

*By Don Krow*

Marka 16:15-16 hi Thupêk Ropui tia hriat a ni ðîn. Isua khân a zirtîrte hnênah, “*Khawvêl zawng zawngah kal ula, thil siam zawng zawng hnênah chuan Chanchin Tha hi hril rawh u. A ringa baptisma chang chu chhandamin an awm ang a; a ring lo erawh chu thiam loh changin an awm ang*” tiin a sawi a. Tirhkohte 8:5 leh 12 kan en chuan, Samari khuaah tirhkoh Philip-a thu hril kaltlanga he thupêk ropui tihhlawhtlina a awm dân kan hmu a. “*Tin, Philipa chu Samari khuaah a zuk kal a, an hnênah Krista thu a tlangaupui a...Nimahsela anni chuan Pathian ram chanchin tha leh Isua Krista hming chanchin tha Philipa hrilh chu an awih veleh ahmei apain baptisma an chang ta*” tiin.

Zawhna lo awm ta chu, Marka 16:15-16 thute ang hian hêng Samari mite hi Kristian an lo ni ta em ni? A chhâna chu, aw lo ni ta, tih hi a ni. Philip-a kha Samari khawpuahte kalin Isua Krista chanchin a hril a, an zînga hmeichhia leh mipa te chuan Isua Krista an rinna kaltlangin baptisma an chang ta a nih kha. Isua Thupêk Ropui thu ang ngeiin, Samari mite kha chhandam an ni ta a. A nih leh Thlarau Thianghlim baptisma an chang tel em?

Baibul chuan Johana’n tui hmanga Baptisma a chantîr ðîn thu a sawi lain, Isua Krista chauhvîn Thlarau Thianghlim baptisma a chantîr theih thu a sawi a nih kha. Pathian thu kan en chuan, miin

rinna an neih chuan chhandamin an awm a, tui hmangin baptisma an chang thîn, mahse Thlarau Thianghlim baptisma erawh an la chang lo a nih kha. Tirhkohte 8:14-17 chuan, “*Tin, Jerusalem khuua tirhkohte awmte khân, Samari khuua miten Pathian thu an awih tih an hriatin, an hnênah Petera leh Johana chu an tîr a; chu mite chu an zuk thlen chuan Thlarau Thianghlim an hmuh theih nân an ÷awngtaisak a. Chumi hma chuan an zîngah tu ma chungah a la thleng lo; Lal Isua hmangin baptisma an chang chauh a la ni. Tin, tirhkohte chuan an chungah an kut an nghat a, Thlarau Thianghlim an chang ta a.*” tih thu kan hmu a.

Pathian thu aţanga thil chiang tak kan hmuh theih chu, mi an lo pianthara, tuia baptisma an chana, chhandam an lo nih vâng ringawtin Thlarau Thianghlim baptisma an chang tel nghâl kher tihna a ni lo. Thlarau Thianghlim chu an mahniah a rawn thleng ngei a - Johana 20:22 kan en chuan Thlarau Thianghlimin zirtîrte kha a rawn siam thar tih kan hmu a - mahse Penticost niah chauh a nih kha Thlarau Thianghlim baptisma an chana, Pathianin thiltihtheihnaa thuam an nih tâk kha. Kan pianthar tuma Thlarau Thianghliminin min siam tharna kan chan leh, a mimala kan chungah a rawn thlen avânga Thlarau Thianghlim baptisma kan chan hi inan lohna a awm. Mimal chungah Thlarau Thianghlim a lo kal hian Thlarau Thianghlimah inhnim phûmna (baptis) alo awm tihna a ni, chu chuan thiltihtheihna a pe thîn. Miin chhandamna lo chang tawh mah se, Thlarau Thianghlima baptis-in a awm tel nghâl tihna a ni kher lo.

Tirhkohte 19:1-2 thu chuan, “*Tin, Paula chuan khawchhak bial a fang chhuak zet a, Apollova Korinth khuua a awm hlân khân Ephesi khuua chu a thleng a, zirtîrho tute emaw a hmu a; tin, ani chuan an hnênah, “In rin tirh lai khân Thlarau Thianghlim in chang em?” a ti a. Tin, anni chuan a hnênah, “Chang lo, Thlarau Thianghlim a awm tih rêng hriat pawh kan hre lo,” an ti a.*” tih thu a târlang a. Paula chuan, “*Ringtu in lo nih hnuin Thlarau Thianghlim in nei tawh em?*” tiin a zâwt a. Anni chuan, “*Thlarau Thianghlim a awm tih rêng hriat pawh kan hre lo*” tiin an chhâng a. Paula vêkin, “*Thlarau Thianghlim*

*baptisma in chan si loh chuan, eng baptisma-ah nge in chan le?*” tiin a zawt leh a. Anni chuan, “*Johana baptisma kan chang*” tiin an chhâng ta a nih kha. Tirhkoh Paula hian Isua chu Krista a nihzia fiah takin an hnênah a hrilh a, anni pawh Isua an rinna chu tuia baptisma kaltlangin an lantîr a nih a rinawm. Châng 6 leh 7-na chuan, “*Paula’n an chungah a kut a nghat a, Thlarau Thianghlim chu an chungah a lo thleng ta a; tichuan tawng hriat lohtein thu an sawi a, Pathian thu pawh an hril ta a. An za chuan patling sâwm leh pahnih lai an ni*” tiin min hrilh rêng a ni.

Hêng mite hian Messia lo kal tûr chu ringin Isua hnungzuitu an ni nain, Thlarau Thianghlim baptisma erawh an la chang ve lova. Thlarau Thianghlim baptisma chang kher lo pawhin, mi hi an piangtharin tuia baptisma pawh an chang thei. Chuvângin Thlarau Thianghlima baptisma channa hi piantharna nêh thil hrang leh tawnhriat dang daih a lo ni.

Tui hmangin mi baptisma ka chantîr thei teh meuh mai, mahse Thlarau Thianghlima baptisma erawh ka chantîr theih a ni hauh lo. Isua chauhvin a tih theih a ni. Lal Isua hnênah Thlarau Thianghlim baptisma chan i la dîl ngai lo a nih chuan, tûnah hian i dîl duh em? Luka 11:13 chuan, “*Chutichuan, nangni mi sual mahin in fate thil tha pêk nachâng in hriat chuan, in Pa vâna mi chuan a diltute chu Thlarau Thianghlim a va pe dâwn em!*” tiin min hrilh a nih kha. Vawiin hian Amah chu dîl rawh!

## ZAWHNA LEH BAIBUL CHÂNG HMAN TÛRTE

1. Marka 16:16 chhiar rawh. Tirhkohte 8:5 leh 12 chhiar bawk la. Tirhkohte 8:12 in a sawi mite hi Kristian an lo ni ta em?

**Marka 16:16** - *A ringa baptisma chang chu chhandamin an awm ang a; a ring lo erawh chu thiam loh changin an awm ang*

**Tirhkohte 8:5** – *Tin, Philipa chu Samari khuaah a zuk kal a, an hnênah Krista thu a tângaupui a.*

**Tirhkohte 8:12** – *Nimahsela, anni chuan Pathian ram Chanchin Tha leh Isua Krista hminga Chanchin Tha Philipa hril chu an awih veleh a hmei a pain baptisma an chang ta a.*

2. Tirhkohte 8:14-16 chhiar rawh. Hêngmite hian Thlarau Thianghlim baptisma an chang ta em?

**Tirhkohte 8:14-16** - *Tin, Jerusalem khuaa tirhkoh awmte khân, Samari khuaa miten Pathian thu an awih tih an hriatin, an hnênah Petera leh Johana chu an tîr a; [15] chu mite chu an zuk thlen chuan Thlarau Thianghlim an hmuh theih nân an ãawngtaisak a. [16] Chumi hma chuan an zîngah tu ma chungah a la thleng lo; Lal Isua hmingin baptisma an chang chauh a la ni.*

3. Tirhkohte 19:1-5 chhiar rawh. Hêng mîte hi ringtute an ni em?

**Tirhkohte 19:1-5** - *Tin, Paula chuan khawchhak bial a fang chhuak zet a, Apollova Korinth khuaa a awm hlân khân Ephesi khua chu a thleng a, zirtîrho tute emaw a hmu a; [2] tin, ani chuan an hnênah, “In rin tirh lai khân Thlarau Thianghlim in chang em?” a ti a. Tin, anni chuan a hnênah, “Chang lo, Thlarau Thianghlim a awm tih rêng hriat pawh kan hre lo,” an ti a. [3] Tin, ani chuan, “Eng baptisma-ah nge in chan le?” a ti a. Anni chuan, “Johana baptisma-ah,” an ti a. [4] Tin, Paula chuan, “Johana kha chuan mi hnênah, ‘Mi rawn zuitu tûr (Isua) chu in la ring tûr a ni,’ tiin simna*

*baptisma-in a baptis thîn a nih kha, ” a ti a. [5] Tin, chu thu chu an hriat veleh Lalpa Isua hmingin baptisma an chang ta a.*

4. Tirhkohte 19:6-7 chhiar rawh. Thlarau Thianghlim baptisma kha an chang tawh em?

**Tirhkohte 19:6-7** - *Tin, Paulan an chungah a kut a nghat a, Thlarau Thianghlim chu an chungah a lo thleng ta a; tichuan, ÷awng hriat lohtein thu an sawi a, Pathian thu pawh an hriat ta a. [7] An za chuan patling sâwm leh pahnih lai an ni.*

5. Luka 11:13 chhiar rawh. Engtin nge Luka 11:13-ah hian Thlarau Thianghlim kan chan theih dân tûr a sawi?

**Luka 11:13** - *Chutichuan, nangni mi sual mahin in fate thil ÷ha pêk nachâng in hriat chuan, in Pa vâna mi chuan a diltute chu Thlarau Thianghlim a va pe dân êm.*

6. 1 Korinth 14:2 chhiar rawh. Miin ÷awng hriat lohva an ÷awng hian, eng nge an tih?

**1 Korinth 14:2** - *÷awng hriat lohva thu sawi chuan mihring hnêna sawi ni lovin, Pathian hnêna sawi a ni zâwk si a, tu mân a thusawi chu an hre si lo; nimahsela, thlarauvah chuan thurûk a sawi a ni.*

7. 1 Korinth 14:14 chhiar rawh. Miin ÷awng hriat lohva thu an sawi hian, eng nge an tih?

**1 Korinth 14:4** - *÷awng hriat lohva ka ÷awngtai chuan, ka thlarau zawng a ÷awngtai ngei a, ka hriatna erawh chu a hlâwk chuang lo.*

8. 1 Korinth 14:16-17 chhiar rawh. Miin ÷awng hriat lohva thu an sawi hian, eng nge an tih?

**1 Korinth 14:16-17** - *Chuti lo chuan, thlarauvin malsâwmsak mah la, la hre lote awmnaa awm chuan i lâwm thu sawiah chuan engtin*



*nge “Amen” a tih theih ang, i thusawi chu hre thei lo puiin? [17]  
Nang zawngin lâwm thu i sawi tha zet tak a, mi dang erawh chu a  
siam tha chuang si lo.*

9. Tirhkohte 2:4 chhiar rawh. Miin ṭawng hriat loh a hman hian,  
Thlarau Thianghlimin nge mihring zâwkin thu sawi?

**Tirhkohte 2:4** - *An zain Thlarau Thianghlimin an khat ta vek a,  
Thlarauvin a ṭawngtîr ang zêlin ṭawng dangin an lo ṭawng ta a.*

10. Tirhkohte 2:4 chhiar rawh. Mihring hnênah tuin nge ṭawng hriat  
lohva ṭawng theihna pe?

## ZAWHNA LEH CHHÂNNA

1. Marka 16:16 chhiar rawh. Tirhkohte 8:5 leh 8:12 chhiar bawk la. Tirhkohte 8:12 in a sawi mite hi Kristian an lo ni ta em?

*Aw, lo ni ta*

2. Tirhkohte 8:14-16 chhiar rawh. Hêngmite hian Thlarau Thianghlim baptisma an chang ta em?

*Chang lo*

3. Tirhkohte 19:1-5 chhiar rawh. Hêngmite hi ringtute an ni em?

*Aw*

4. Tirhkohte 19:6-7 chhiar rawh. Thlarau Thianghlim baptisma kha an chang tawh em?

*Chang lo*

Tihian piantharna nêh a hrang hlak tih a lang.

5. Luka 11:13 chhiar rawh. Engtin nge Luka 11:13 hian Thlarau Thianghlim kan chan theih dân tûr a sawi?

*Dîl tûrin mìn ti*

6. 1 Korinth 14:2 chhiar rawh. Miin ɽawng hriat lohva an ɽawng hian, eng nge an tih?

*Pathian hnênah thu sawiin thlarauvah chuan thurûk a sawi a ni*

7. 1 Korinth 14:14 chhiar rawh. Miin ɽawng hriat lohva thu an sawi hian, eng nge an tih?

*An thlarau chu Pathian hnênah a ɽawngtai thîn*

8. 1 Korinth 14:16-17 chhiar rawh. Miin ṭawng hriat lohva thu an sawi hian, eng nge an tih?

***An thlarau kaltlangin Pathian an chawimawi a, lawmthu sawiin amah an fak ṭhîn***

9. Tirhkohte 2:4 chhiar rawh. Miin ṭawng hriat loh a hman hian, Thlarau Thianghlimin nge mihring zâwkin thu sawi?

***Mihringin thu a sawi***

10. Tirhkohte 2:4 chhiar rawh. Mihring hnênah tuin nge ṭawng hriat lohva ṭawng theihna pe?

***Thlarau Thianghlimin***

## ZIRLAI 15-NA

# THLARAU THIANGHLIM DAWN THEIH DÂN

*By Don Krow*

Vawiin lamah chuan Thlarau Thianghlim dawn theih dân kan sawiho dân a. Tirkhohte 10:1-ah chuan, “*Tin, Kaisari khuaah a hming Kornelia mi pakhat a awm a, Itali pâwl an tih, chumi pâwla sipai za hotu a ni a*” tih thu kan hmu a. Sipai nihna sawina niin, sipai pâwla hotu pakhat chanchin a ni. Châng 2-naah chuan, “*Pathian ngaihsak mi a ni a, a chhûngte zawng zawng nêh Pathian an tih thîn a, mite hnênah thil tam tak a pe thîn a, Pathian hnênah pawh a tawngtai fo va.*” tih kan hmu chhonzawm leh a. He sipai hotu hi mi fel, dik taka thil ti thîn, Pathian tih mi, mamawhtute hnêna pawisa pe thîn niin, Baibul chuan Pathian hnêna tawngtai reng thîn a nih thu a sawi a ni. Nimahsela, thil tha ti thîn leh Pathian tih mi, tawngtai nun nei mi ni reng chung siin, Isua Krista kaltlanga Pathian nêna inlaichinna a nei lo tih ngaihnawm tak kan hre fiah dân a ni.

Châng 3-6-ah chuan, “*Ni khat chu tlai dâr thum vêlah fiah takin inlârna a hmu a. Pathian tih Vântirhkoh pakhat a hnênah a lo lût a, “Korneli,” a rawn ti a. Kornelia chuan ani chu a en reng a, a hlau va, “Lalpa, eng nge ni?” a ti a. Vântirhkoh chuan, ‘I tawngtaina leh i thil pêkte kha Pathianin a hre reng a. Tûnah hian Joppa-ah mi tîr la, mi pakhat, Simona, Petera an tih chu kohtîr rawh. Tuipui kamah, savun siamtu Simona inah a thleng a ni,’ a ti a.*” tih thu kan hmu ta a.

He pa, Pathian ÷ih mi, thil ÷ha tih kawngah sawiselbo, Pathian hmaah ÷awngtaina nun nei reng si kha, a hnênah vantirhkoh chu tirh niin, Simon Petera va lam tûr leh ani'n tih tûr alo hrilh tûr thute chu vantirhkoh chuan a hriattîra. Tirhkohte 10:43-ah khân Petera'n a hnêna a sawi tûr tak chu kan lo hmu ta a ni. *“Tu pawh amah chu ring apiang, a hming [Lal Isua Krista] avângin sualte ngaihnhathiamin an awm ang tih, hêng a chanchin hi zâwlnei zawng zawngin an hriattîr ÷hin kha,”* tiin. A ropui hle mai ti raw? He pa, a nuna thil ÷ha tam tak tih chhuan tûr nei si hian, a mimal takin Isua Krista kaltlanga Pathian nêna inlaichinna ÷ha alo Nei hauh lo. Pathian chuan, *“I thiltih ÷hin zawng zawngte kha an ÷ha vek e, thiltih duhawm takte niin, ka hmaah hriat reng tlâk an ni bawk, mahse ka thiltih tum kan hrilh ang che. I hnêna vantirhkoh rawn inlâr kha ka rawn tirh niin, ani chuan mi pakhat Petera va lamtîr tûr chein leh, chu mi chuan i tih ngei ngei tûr hrilh tûr chein thu ka pe a ni”* tiin a hnênah a sawi ta a. Tirhkohte 10:43-a kan hmuh angin, Kornelia inah Petera chu lutin a hnênah, *“Mi tu pawhin Lalpa Isua Krista a rin chuan, a sualnate ngaihdamna a hmu ang”* tiin a hrilh ta a nih kha.

Eng nge lo thleng i han thlîr teh ang. *“Petera'n chung thu chu a sawi lai tak chuan, thuhretu zawng zawng chungah chuan, Thlarau Thianghlim a lo thleng ta a”* tih kan hmu ta a nih kha (Tirhkohte 10:44). Kornelia-a chuan, khatia Krista-a rinna nghah chanchin a hriat khân alo dawngsawng ÷ha hle a, a sualnate ngaihdamna tûrin Krista-ah chuan a rinna a nghat nghâl ta a. Chutia a tih veleh chuan, amah leh a in chhûnga chêngte zawng zawng chungah Thlarau Thianghlim a rawn thleng chawpchilh ta nghâl a ni. A châng 45-naah khân *“Serhtanho zînga ringtute Petera rawn zui apiang chuan, Thlarau Thianghlim pêk chu Jentailte chungah pawh leih a nih avângin mak an ti hle a.”* Chu chu engtin nge an hriat theih? *“÷awng hriat lohtea thu sawiin Pathian fakín an hre si a”* tiin, châng 46-ah ka hmu.

Thuthlung Thar-a mimal hnêna Thlarau Thianghlim a lo thlen rêng rêngin, Thlarau thilpêk lo langin, Thlarau chhûnkahna an chang ngei tih hmuh theihin a lo awm ziah ÷hin a ni. Thuthlung Thar-ah chuan

ṭawng hriat lohva an ṭawng loh leh thil hril lâwkna thu an sawichhuak tlângpui.

Tlai khat chu Texas rama Dallas khawpuia infiamna mualah thingthiin, “Lalpa, mite’n Thlarau Thianghlim baptisma chungchâng leh ṭawng hriat lohva an ṭawng an sawite hi kei chuan ka hre ve thiam lo, mahse nangmah ka fak theihna tûr che leh, mihring te ṭawng piah lama ka chawimawi zual zêl theihna tûr che kawng a awm a nih chuan, ka duh e” tiin ka ṭawngṭai a. Pathian chu chibai bûkin ka fak ṭan taa, chutia ka awm lai chuan Thlarau Thianghlimin ṭawng thar, ka la hriat ngai loh leh, a zir pawh ka la zir ngai loh hmangin min ṭawngtûr ta a ni. Tirhkohte 2:4 chuan, “*An zain Thlarau Thianghlimin an khat ta vek a, Thlarauvin a ṭawngtûr ang zêlin ṭawng dangin an lo ṭawng ta a*” tiin a sawi rêng a nih kha. Tute nge ṭawng hriat lohva ṭawngtute kha? Anmahni, tirhkohte kha. A nih leh tu nge ṭawng hriat lohva ṭawng theihna petu? Thlarau Thianghlim.

Luka 11:13 chuan, “*Chutichuan nangni mi sual mahin in fate thil tha pêk nachâng in hriat chuan, in Pa Vâna mi chuan a diltute chu Thlarau Thianghlim a va pe dâwn em!*” tiin a sawi a nih kha. Tichuan, nang pawhin tûna i tih tûr i hmabâk zawng chu dîlna ṭawngṭaina neih a, i dîl chu a pe ngei dâwn che a ni tih ring a, Pathian laka tlâwm chung a Lalpa chibai i bûk chuan, ani chuan amah chibai i bûkna tûrin ṭawng hriat loh a pe chein, ṭawng thar diaiin amah i fak ve ngei ang.

## ZAWHNA LEH BAIBUL CHÂNG HMAN TÛRTE

1. Baibul-in chhandamna ẵwngkam a hman hrang hrangte kha han târlang teh.

**Johana 3:3** – *Tin, Isuan a chhâng a, a hnênah, “Tihtakmeuhvin, tihtakmeuhvin ka hrilh a che, mi tu pawh an pianthar loh chuan Pathian ram an hmu thei lo vang,” a ti a.*

**Tirhkohte 3:19** - *Chuvângin, in sualte thai bo a nih theih nân sim ula, hawi kîr leh rawh u; chutichuan, Lalpa hnên ata harh hunte a lo la thleng thei ang a.*

**Marka 16:16** - *A ringa baptisma chang chu chhandamin an awm ang a; a ring lo erawh chu thiam loh changin an awm ang.*

**Kolossa 2:13** – *Tin, nangni in bawhchhiatnate leh in tisiaa serh tan lohna avângin thi in lo ni a, nangmahni ngei chu amah nêh a tinung che u a nih kha; kan bawhchhiatna zawng zawngte min ngaidam a.*

**Rom 8:9** – *Nimahsela, Pathian Thlarau nangmahnia a awm tak zet chuan, tisiaa awm in ni lo va, Thlarauva awm in ni zâwk e. Amaherawhchu, tu pawh Krista Thlarau nei lo chu ama mi a ni lo.*

**Matthaia 25:46** - *Tin, chûng chu kumkhaw hremnaah an kal ang a; mi felte erawh chu kumkhaw nunnaah an kal ang.*

2. Tirhkohte 11:15 chhiar rawh. He Baibul châng hian Thlarau Thianghlim baptisma an chana an awm dân engtin nge a sawi?

**Tirhkohte 11:15** – *Tin, thu ka sawi tirhin, Thlarau Thianghlim kan chungah a lo thlen tirh lai ang bawh khân an chungah a lo thleng ta a.*

3. Johana 20:22 thu angin Isua zirtîrte khân Thlarau thianghlim an chang a, mahse Tirhkohte 2:1-4 thu angin Thlarau Thianghlim

baptisma an chan tak chu a hnu deuhah a ni. Hêngbaibul chângte hi han khaikhin teh.

**Johana 20:22** - *Tin, chûng thu chu a sawi zawhin an chungah a thaw a, an hnênah “Thlarau Thianghlim nei rawh u; tu sual pawh in ngaihdam apiang ngaihdam a ni ang.*

**Tirhkohte 2:1-4** - *Tin, Pentikos ni a lo thlenin, an zain hmun khatah an awm khâwm vek a. [2] Tin, thâwklekhkhatan vân ata ri, thlipui tleh angin a lo thleng ta phut a; tin, chu chuan an thutna in chu a tikhat ta vek a. [3] Tin, leite amaha insem darhin, mei angin an hnênah a lo inlâr ta a. Tin, an chungah a chuang theuh va, [4] an zain Thlarau Thianghlimin an khat ta vek a, Thlarauvin a tawngtîr ang zêlin tawng dangin an lo tawng ta a.*

4. Tirhkohte 1:8 chhiar rawh. Thlarau Thianghlim baptisma kan chan chhan ber eng nge?

**Tirhkohte 1:8** - *Nimahsela, Thlarau Thianghlim chu in chungah a lo thlen hunah thiltihtheihna in la nei ang; tichuan, Jerusalem khuah te, Judai leh Samari ram khaw tinah te, kâwlkil thleng pawhin ka thuhretute in ni ang,” a ti a.*

5. Tirhkohte 2:38-39 leh 1 Korinth 1:7 chhiar rawh. Thlarau Thianghlim baptisma hi tân hun atân a la ni em?

**Tirhkohte 2:38-39** - *Tin, Petera chuan an hnênah, “Sim ula, in sual ngaihdam nân Isua Krista hmingin baptisma chang theuh rawh u; tichuan, Thlarau Thianghlim pêk hi in hmu ang. [39] A tiam kha nangni tân pawh, in fate tân pawh, hla taka mi zawng zawng tân pawh, Lalpa kan Pathianin a hnêna a koh apiangte tân a ni e,” a ti a.*

**1 Korinth 1:7** – *Chutichuan, kan Lalpa Isua Krista inlârna nghâkin, thilpêk rêng rêngah in hlawhtling lo lo ve*



6. Luka 11:13 chhiar rawh. Thlarau Thianghlim baptisma hi i la chang lo a nih chuan, eng nge ni i tih tûr?

**Luka 11:13** – *Chutichuan, nangni mi sual mahin in fate thil tha pêk nachâng in hriat chuan, in Pa vâna mi chuan a diltute chu Thlarau Thianghlim a va pe dâwn êm!” a ti a.*

7. Tirkhohte 2:4 chhiar rawh. Tawng hriat loh Pathian pêk che chu, Amah díla, lo dawnga, lo tawnga, amah chibai bûk nân i hmang ang em?

**Tirkhohte 2:4** - *An zain Thlarau Thianghlimin an khat ta vek a, Thlarauvin a tawngtîr ang zêlin tawng dangin an lo tawng ta.*

## ZAWHNA LEH CHHÂNNA

1. Baibul-in chhandamna tawngkam a hman hrang hrangte kha han târlang teh.

*Piantharna (Johana 3:3) te, nun thlâk danglamna (Tirhkohte 3:19) te, rinna leh baptisma channa (Marka 16:16) te, ngaihdam nihna (Kolossa 2:13) te, Krista thlarau channa (Rom 8:9) leh chatuan nunna (Matthaia 25:46)*

2. Tirhkohte 11:15 chhiar rawh. He Baibul châng hian Thlarau Thianghlim baptisma an chana an awm dân engtin nge a sawi?

*Mi chungah Thlarau Thianghlim a lo thleng, tiin*

3. Johana 20:22 thu angin Isua zirtîrte khân Thlarau thianghlim an chang a, mahse Tirhkohte 2:1-4 thu angin Thlarau Thianghlim baptisma an chan tak chu a hnu deuhah a ni. Hêngbaibul chângte hi han khaikhin teh.

*Johana 20:22-ah khân Isua zirtîrten Thlarau Thianghlim an chang a. Mahse Tirhkohte 2:1-4-ah khâng zirtîrte vêk kha Thlarau Thlianghlima tih khahin (chu chu chhûnglam leh pâwnlam hnimpâmna) an awm leh.*

Tirhkohte 1:8 en rawh.

4. Tirhkohte 1:8 chhiar rawh. Thlarau Thianghlim baptisma kan chan chhan ber eng nge?

*Rawngbâwltu (hriatpuitu) ni tûra thiltihtheihna a thuam*

5. Tirhkohte 2:38-39 leh 1 Korinth 1:7 chhiar rawh. Thlarau Thianghlim baptisma hi tân hun atân a la ni em?

*Aw, Thlarau thianghlim thilpêkte hi Krista lo kal lehna a thlen hma loh zawng, tihtawpin a awm lo vang*

6. Luka 11:13 chhiar rawh. Thlarau Thianghlim baptisma hi i la chang lo a nih chuan, eng nge ni i tih tûr?

***Ka dîl ang***

7. Tirhkohte 2:4 chhiar rawh. Tawng hriat loh Pathian pêk che chu, Amah dîla, lo dawnga, lo tawnga, amah chibai bûk nân I hmang ang em?

***Aw, ka tawng ang a, mahse Thlarau Thianghlimin min tawngfir ang zêlin***

## ZIRLAI 16-NA

# ṬAWNG HRIAT LOHVA ṬAWNG ṬANGKAINATE

*By Andrew Wommack*

Thlarau Thianghlim baptisma a lo thlen hmasak ber tuma thil thleng pakhat chu, a lo thlenna hmuna mi awm zawng zawngte kha ṭawng hriat lohvin an ṭawng theuh. Tirhkohte 2:4 chuan Pentikos ni a lo thlen khân, Thlarau Thianghlimin anmahni rawn luah khatin, Thlarauin a ṭawngtîr ang zêlin ṭawng thartein an ṭawng ta tih min hrilh a. Tirhkohte Thiltih bu pumpuiah khân, miin Thlarau Thianghlim luah khahna an chan rêng rêngin, Pathian chênchilhna a rawn lang chhuak ṭhîn a nih kha.

Thlarau Thianghlim chungchângah hian ṭawng hriat lohva ṭawng chauh loh pawh hi thil dang tamtak a awm, mahse a rawn lan chhuahna pawimawh tak zînga mi chu ṭawng thara ṭawng hi a ni. 1 Korinth 14:13-ah chuan, **“Chuvângin, ṭawng hriat lohva thusawi chuan a hrilh fiah theih nân ṭawngṭai rawh se. Ṭawng hriat lohva ka ṭawngṭai chuan ka thlarau zawngin a ṭawngṭai ngei a, ka hriatna erawh chu a hlawk chuang lo”** tiin a sawi a nih kha. Ṭawng hriat lohva i ṭawngṭai hian, i thlarau a ṭawngṭai tihna a ni a. Ṭawng hriat lohva i ṭawngin, i hriat thiamnain alo hlâwkpui theihna tûrin a hrilh fiahna dîlin ṭawngṭai tel ṭhîn ang che.

Keima nun ngei aṭangin ka sawi thei. Thlarau Thianghlim baptisma ka chana, ṭawng hriat lohva ka ṭawng aṭang khân, ka nun nasa taka tihdanglamin a awm. Ka lo pianthar khân, Krista chuan min rawn luah

khat nghâlin ka thil neih tûr zawng zawng a rawn dah vek tih hi ka pawm dân a ni a, mahse keimaha Thlarau Thianghlim a rawn thlen chiah khân, khâng zawng zawng kha keima tân leh midangte tân a rawn lang chhuak ṭan ta a ni. Thil thleng thenkhat han târlang ta ila. Ṭawng hriat lohva ka ṭawngṭai hmasak ber kum chuan, âthlak tihna ka nei nasa hle a, hun ka khawhral mai mai ni hian ka inhria. Ṭawng hriat lohva ṭawngṭai tûr chuan rinna ke pên chung a ka tih angai, chuvâng a ni Juda 20-na chuan i rinna thianghlim ber aṭangin mahni leh mahni i infuihin i intichak chho a tihna chhan. Khawvêl taka ngaihtuahna leh hriatna aṭangin hriat phâk rual lohva mak rinna khawvêlah a pên chhuah tûr che a lo ni.

Ṭawng hriat loh hmanga ṭawngṭaina ka neiha ka tawnhriat dang leh chu, kum tam tak anmahni ka ngaihtuah ngai tawh lohte hi ka rilruah an rawn lang ṭhîn. An tân ka ṭawngṭai nghâl a, a hnu ni hnih khat lekah anmahni lamin min rawn be pawpin, an chungah thilmak a lo thleng reng tih ka hriat phah ṭhîn. Hêng thilte hi a lo thlen zin tâk êmah chuan, thil awmzia ka man chho ta a, ṭawng hriat lohva ka ṭawngṭai hian, ka rilru in a phâk rual loh finna nêh ka lo ṭawngṭai ṭhîn tih ka in hre ta a ni. Thil engkim hretu leh Krista rilru ṭawmpui tu ka thlarau chuan mite tân alo ṭawngṭai sak reng ṭhîn a lo ni a, keima hriatthiamna nêh ka tih theih ngai loh tûr chu.

Ni khat chu ṭawng hriat lohvin ka ṭawngṭai a - rinna ke pên chung a ṭawngṭai a ngai, ka tih tawh kha - chutih lai chuan ka rilruah *“Hetiang awmze nei lova ṭawngṭai ai chuan, i hriatthiam ṭawng ngei khân ṭawngṭai la i tân a ṭha zâwk ang”* tih ngaihtuahna a rawn lût a. Chûng ngaihtuahnate chu hnâwlin ka thlauhthlâ nghâl a, ka ṭawngṭai chhunzawm mawlh mawlh a. Kum 4 lai a hmêl ka hmuh ngai tawh loh mipakhat hian ka kawngka a rawn kik ta a. In chhûngah lo lutin, engmah sawi lovin ṭhutthlêngah chuan a ṭhu hnawk a, harsatna chi hrang hrang a hmachhawn mêtke avângin ṭap chungin ka hnênah chuan a thilnunga awm te chu a rawn phawrh chhuak ta bawrh bawrh mai a. Ngawi renga ka ṭhut lai chuan, *“Aw! ṭawng pangngaiin lo ṭawngṭai zâwk ila”* tiin ka in ngaihtuah a. *“Kum 4 lai ka hmuh tawh loh kha engtin nge atân*

*ṭawngṭai sak dân ka hriat teh lul ang?*” tih ngaihtuahna ka rilruah a rawn lût leh nghâl bawk a. A hnu deuhah chuan, chûpa tân chuan ka lo ṭawngṭai sak reng a, Pathianin min lo buatsaih reng bawk a ni tih ka hre chhuak ta a. Ka hriat thiam theih ṭawnga ka lo ṭawngṭai sak aia ṭhain atân ka lo dîlsak reng chu niin. Vawilehkhatah kala hriat ngai miah loh thil ka rilruah a rawn lang ṭan a, *“I harsatna hi eng nge a ni tih ka hrilh thei che”* tiin a hnênah ka sawi ta a. A chanchin a sawite chu ka sawi chhunzawm sak a, chuan a chhâna pawh ka pe nghâl ta bawk a.

I hriat thiam tûra ka duh chu hetih hunlai hian kohhran pâwl lian tak pakhata ka la lawi lai a ni a. Ka chungah thil thleng kha kha pa khân a hrethiam lova, keipawhin a awmzia ka Chiang Chiah Bîk lo. Kan hlau dân letling zâwk hle. Mahse, Pathian thiltih theih zia rawn lan chhuahna a ni a, mak danglam takin a rawn hmang bawk a ni. Chu mi awmzia chu hei hi a ni: ṭawng hriat lohva i ṭawngṭai hian, i thlarau zâwk kha a ṭawngṭai a lo ni. I thlarau chu siam thara a awm tawh avângin, Krista rilru a pu a, tih tûr dik tak pawh a ti thei ta ṭhîn a ni. I thlarau chuan Pathian aṭanga hriak thihna a chan tawh avângin i thlarau chuan engkim a hria a, i thlarauvah chuan tlâkchhamna rêng a awm lo. I thlarau thiltihtheihna leh hriat fiah theihna ang zêlin kal thei la chu, i tisa nun pawh a thlâk danglam ngei ang. Chutianga tih theih dân kawng pakhat chu ṭawng hriat lohva ṭawngṭai ṭan hi, kawng awmchhun erawh a ni lo. Chutianga i ṭawngṭai chuan, i rinna thianghlim ber aṭangin mahni leh mahni i infuihin i intichak chho tih hi lo hriain lo awih ang che, chutah chuan i thlarau chuan Pathian finna hriat phâk rual lohvin a ṭawngṭai a, Pathian inpuan chhuahna famkim chu alo thleng thuai dân tih hria la ring tlat bawk ang che. Tichuan, 1 Korinth 14:13 thu angin, a hrilh fiahna i dawn theih nân ṭawngṭai rawh. A hrilh fiahna dawn theih nân ṭawng hriat lohva i ṭawngṭai lai tih tâwp khera, mahni ṭawnga ṭawngṭai tûr tihna a ni chuang lo; a awmzia zâwk chu hriatthiamna i lo nei anga, i hlâwkpuai ang tihna mai a ni.

Kohhran inkhawmnaah ṭawng hriat lohva thu i sawi chhuaha i ṭawngṭai a nih chuan, mahni ṭawngin a hrilh fiahna i sawi tel ngei tûr

a ni ang. Mahni chauhva ka ṭawngṭai ṭhin hian, Pathianin ka hnênah a thu inpuanna min pêk ring chungin ṭawng hriat lohvin ka ṭawngṭai ṭhîn. A châng leh ka ngaihân a rawn in thlâk ringawt a. Thu mumal nei tak ka dawng kher lo, mahse ka thil hmuh dânte a rawn fiah thut a, thlîrdân dâng ka neih phah ṭhîn a. Ṭawng hriat lohva ka ṭawngṭaina awmze pumpui ka hriat fiah nân kar khat chhûng te a daih ṭhîn, mahse kan rin dânin chu chu ṭawng hriat lohva ṭawngṭaina hun ka hman leh a hrih fiahna beisei chung a hun ka lo hmanna te tel vekin.

Ṭawng hriat lohva ṭawngṭai hi a pawimawhna chhan tam tak a awm a, Thlarau Thianghlim i dawng ngei tawh a ni tih finfiahna ringawt aia pawimawhna a awm. Kan nitin nunah a bet tlat tûr a ni. I thluaka rinhleha leh hlauhna zawng zawngte pehhêl chung a thinlung taka Pa Pathian tlang taka i biak pawhna kawng a ni. I rinna thianghlim ber aṭangin a fuih chein a tihchak chho che a, Pathian thufing inthup te a hailan sak bawk che a ni. In zavaia hetianga in kal zêl theih a, in rinna in lo puanchhuah theih a, ṭawng hriat loh ṭangkaina zawng zawng in lo chan theihna tûrin in tân ṭawngṭaina ka hlan mawlh mawlh a ni e.

## ZAWHNA LEH BAIBUL CHÂNG HMAN TÛRTE

1. Juda 1:20 chhiar rawh. Thlarau Thianghlima ka tawngtai hian eng tawngkaina nasa tak nge ka dawn?

**Juda 1:20** - *Nimahsela, duh takte u, nangni zawngin in rin chhan thianghlim ber chungah chuan nangmahni leh nangmahni inrem chhovin, Thlarau Thianghlimah tawngtaiin.*

2. Tirhkohte 2:4 chhiar rawh. Mi engzatin nge Thlarau Thianghlim chang?

**Tirhkohte 2:4** - *An zain Thlarau Thianghlimin an khat ta vek a, Thlarauvin a tawngtîr ang zêlin tawng dangin an lo tawng ta a.*

3. Tirhkohte 2:4 chhiar rawh. Thlarau thianghlimin a luah khah hnu khân, eng nge lo thleng ta?

4. 1 Korinth 14:14 chhiar rawh. Tawng hriat lohva i tawngtaiin, nangmaha khawi lai tak kha nge tawngtai?

**1 Korinth 14:14** - *Tawng hriat lohva ka tawngtai chuan ka thlarau zawng a tawngtai ngei a, ka hriatna erawh chu a hlâwk chuang lo.*

5. 1 Korinth 14:2 chhiar rawh. Miin tawng hriat lohva thu a sawi hian, tu hnênah nge a sawi thin?

**1 Korinth 14:2** - *Tawng hriat lohva thu sawi chuan mihring hnêna sawi ni lovin, Pathian hnêna sawi a ni zâwk si a, tu mân a thusawi chu an hre si lo; nimahsela, thlarauvah chuan thurûk a sawi a ni.*

6. 1 Korinth 14:2 chhiar rawh. Miin tawng hriat lohva a tawngtai hian, miin a thu sawite an hrethiam em?

7. 1 Korinth 14:2 chhiar rawh. Tawng hriat lohva i tawngtai hian, i thlarauin eng nge a sawi?



8. 1 Korinth 14:4 chhiar rawh. Ṭawng hriat lohva i ṭawngṭai hian, i tân eng nge i tih?

**1 Korinth 14:4** - *Ṭawng hriat lohva thusawi chuan mahni chauh a insiam ṭha ṭhîn, thu hriatu erawh chuan kohhranho a siam ṭha zâwk ṭhîn.*

9. 1 Korinth 14:16 chhiar rawh. Ṭawng hriat lohva i ṭawngṭai hian, eng nge i tih?

**1 Korinth 14:16** - *Chuti lo chuan, thlarauvin malsâwmsak mah la, la hre lote awmnaa awm chuan i lâwm thu sawiah chuan engtin nge “Amen” a tih theih ang, i thusawi chu hre thei lo puiin?*

## ZAWHNA LEH CHHÂNNA

1. Juda 1:20 chhiar rawh. Thlarau Thianghlisma ka tawngtai hian eng tangkaina nasa tak nge ka dawn?

*Thlarau Thianghlisma ka tawngtaiin, ka infuihin ka intichak thin*

2. Tirhkohte 2:4 chhiar rawh. Mi engzatin nge Thlarau Thianghlim chang?

*An zavaiin*

3. Tirhkohte 2:4 chhiar rawh. Thlarau thianghlimin a luah khah hnu khân, eng nge lo thleng ta?

*An vaiin tawng hriat lohvin an tawng*

4. 1 Korinth 14:14 chhiar rawh. Tawng hriat lohva i tawngtaiin, nangmaha khawi lai tak kha nge tawngtai?

*Ka thlarau a tawngtai*

5. 1 Korinth 14:2 chhiar rawh. Miin tawng hriat lohva thu a sawi hian, tu hnênah nge a sawi thin?

*Pathian hnênah*

6. 1 Korinth 14:2 chhiar rawh. Miin tawng hriat lohva a tawngtai hian, miin a thu sawite an hrethiam em?

*Hrethiam lo*

7. 1 Korinth 14:2 chhiar rawh. Tawng hriat lohva i tawngtai hian, i thlarauin eng nge a sawi?

*Thurûk, thu inthupte (New Century Version), kei leh Pathian chauh inpâwlina (The Message)*

8. 1 Korinth 14:4 chhiar rawh. Ṭawng hriat lohva i ṭawngṭai hian, i tân eng nge i tih?

***I infuihin (i intichak)***

9. 1 Korinth 14:16 chhiar rawh. Ṭawng hriat lohva i ṭawngṭai hian, eng nge i tih?

***Pathian malsawmna leh lawmthu sawina ka nei***

## **CONTACT DETAILS**

### **INDIA**

[www.awmindia.net](http://www.awmindia.net)      [info@awmindia.net](mailto:info@awmindia.net)

### **Locations:**

#### **Hyderabad**

42-343/1/188, Near Flora Hotel, Maruthi Nagar

A S Rao Nagar, Hyderabad 500 040, INDIA.

Ph: (040) 4028 0718

#### **Chennai**

72-D, Nandhini Mahal, I Floor, Velachery Main Road

Velachery, Chennai 600 042, INDIA.

Ph: (044) 4202 1820

#### **Mumbai**

Bethel, Plot No 305/E, Mith Chowky, Near Girdhar Park

Malad (W), Mumbai 400 064, INDIA.

Ph: +91 8976549515

#### **Delhi**

Phone: +91 9560591787

#### **USA**

Andrew Wommack Ministries Inc.

PO Box 3333, Colorado Springs CO 80934-3333

[www.awmi.net](http://www.awmi.net)

#### **UK**

Andrew Wommack Ministries - Europe

PO Box 4392, Walsall, WS1 9AR, ENGLAND

[www.awme.net](http://www.awme.net)